



R. BIBL. NAZ.
Vitt. Emanuele III.

RACCOLTA
VILLAROSA

B
372
NAPOLI

2

5-3

BARTHOLOMAEI FACII
DE VIRIS ILLUSTRIBUS

L I B E R.



523830 . *Prace. Vell. B. 372*
BARTHOLOMAEI FACII

DE VIRIS ILLUSTRIBUS

L I B E R

NUNC PRIMUM EX MS. COD. IN LUCEM ERUTUS.

RECENSUIT , PRAEFATIONEM , VITAMQUE AUCTORIS

A D D I D I T

LAURENTIUS MEHUS

ETRUSCAE ACADEMIAE CORTONENSIS SOCIUS,

QUI NONNULLAS FACII, ALIORUMQUE

AD IPSUM EPISTOLAS ADJECIT.



FLORENTIAE . ANNO MDCCXLV.

EX TYPOGRAPHIO JOANNIS PAULI GIOVANNELLI.

PRAESIDIUS ADPROBANTIBUS.

Prostant apud CAJETANUM TANZINI Bibliopolam Florentinum.



ALFRED A. M. A.

PARIS

TO THE EDITOR OF THE





NOBILISSIMO, ATQUE AMPLISSIMO DOMINO

C A R O L O

S. R. I. LIBERO BARONIDE FIRMIAN

CELEBERRIMAE ETRUSCORUM ACADEMIAE

CORTONENSIS SOCIO,

PROPTER EXIMIUM IN LITTERAS AMOREM,

AC BONARUM DISCIPLINARUM CULTUM

MEMORIA DIGNISSIMO,

QUEM FELICI, AC MAGNA ILLA INDOLE

AD GRANDIA QUAEQUE ADSURGENTEM

IPSAE



IPSAE MUSAE PRONO FAVORE AMPLEXAE
AD AUGENDAM PROPRIA VIRTUTE A MAJORIBUS
ACCEPTAM GLORIAM,
AD TUTELAM LIBERALIUM STUDIORUM,
AD DECUS PATRIAE, AC SUI NOMINIS AETERNAM FAMAM
EDUCARUNT:
HUNC LIBRUM BARTHOLOMAEI FACII
DE VIRIS ILLUSTRIBUS
EX OBLIVIONE, ATQUE INTERITU NUNC PRIMUM
RECEPTUM, VINDICATUMQUE
BONARUM ARTIUM PATRONO COMMENDAT, ET
CONSECRAT
AETERNUS FIRMIANAE VIRTUTIS, AC MUNIFICENTIAE
FUTURUS TESTIS, AC CULTOR HUMILLIMUS

CAJETANUS TANZINI BIBL. FLORENTINUS.



CANDIDO LECTORI

LAURENTIUS MEHUS

S. P. D.



*Postquam humaniores litterae ex
interitu, atque oblivione prae-
stantissimorum hominum operâ,
& labore ereptae, vindicataeque
meliorem, nitidioremque cultum
prae se ferre coeperunt, non desu-
erunt eruditissimi homines, qui
litterariae historiae jam tum ja-
centi, ac prope intermortuae opis
aliquid afferre conarentur. Inter
hos principem sibi locum jure
suo vindicat Gulielmus Pastrengus Veronensis Francisci
Petrarchae auctor synchronus, quem Pastregicum aliqui
perperam appellant, qui saeculo decimoquarto libellum elu-
cubavit de Originibus rerum inscriptum, & a Mi-
chaele Angelo Blondo in lucem editum, in quo de fun-
dato-*



datoribus urbium, de inventoribus rerum, & potissimum de scripturis, ut legitur, virorum illustrium tractat. Saeculo vero decimoquinto in historia litteraria contexenda ceteris antecelluit Bartholomaeus Facius Spediensis, qui libellum de Viris Illustribus elaboravit, & quamvis Benedicti Accolti, Paulique Cortesii Commentaria de hominibus doctis breviter, jejuneque agentia lucem aspexerint, nullus adhuc inventus erat, qui dextram Facio porrigeret, ejusque fetum in lucem produceret. Delitescbat itaque utilissimus hic liber in tenebris sordidus inglorio pulvere, tineaesque, ac blattis quotidie oblectans, neque adhuc in dias luminis oras proditurus esset, nisi Nobilissimi, atque Excellentissimi Viri auctoritas, qua est humanitate, atque in litteras, liberalesque disciplinas amore, huic fetui prope sepulto opitulata esset. Gratiae itaque habendae Viri amplissimo, qui iniquam hujus libelli sortem miseratus praefantissimo suo patrocinio eum tutari haud dedignatus est, ut publicae luci traditus saeculi decimoquinti historiam, quae quidem ad litteras spectat, magis, atque magis illustrare, atque locupletare posset.

In hoc vero opusculo, quod nunc primum in lucem produco, id tantum sibi negotii dedit clarissimus auctor, ut excellentes illos viros recenseret, qui aetate, memoriaeque sua claruissent, quod ipsemet hisce verbis pag. 1. innuit. Ex multis autem, quae mihi occurrebant digna, quae posteritati mandarentur, illud prae ceteris iucundum fore existimavi, si de Illustribus Viris aetatis, memoriaeque nostrae scriberem. Et paulo infra pag. 2. Meum vero institutum fuit de cujusque facultatis, atque ordinis viris claris memorare, qui tempestate mea claruerunt. Hoc itaque temporis spatio, quasi limitibus quibusdam laborem suum circumscripsit Facius, qui non solum illos sibi proposuit recensendos homines, qui litterarum gloria floruerunt, sed cujusque facultatis, atque ordi-

ordinis citos claros commemorare instituit. Ut autem perspicua quadam methodo procederet hic libellus, praestantes in unoquoque genere homines in quasdam classes distribuit, quarum prima Poetas recenset, altera Oratores continet, tertia Juris-consultos complectitur, quarta Medicos comprehendit, quinta Pictores commemorat, sexta de Sculptoribus tractat, septima de Privatis quibusdam Civibus agit, octava de Optarum Ducibus loquitur, nona de Regibus, ac Principibus edisserit. Animadvertit ipsemet Auctor in hisce classibus distribuendis aliquantulum peccasse. Nam pag. 43. tum quum de Pictoribus tractare incipit, haec habet: Nunc ad pictores veniamus; quamquam, fortasse convenientius fuit, ut post poetas pictores locarentur. Est enim, ut scis, inter pictores, ac poetas magna quaedam affinitas. Et pag. 52. de quibusdam civibus privatis verba factururus: Consentaneum, inquit, videbatur, ut post Medicorum mentionem de paucis quibusdam privatis civibus, qui duce virtute, comite fortuna ad amplissimam dignitatem evecti sunt, verba faceremus. Immo nec temporum ordinem in unaquaque classe digerenda servavit Fucius. Nam in ea, qua Oratores recensuit, Guinifortum Barzifum Gasparino Bergomensis praeposuit; filium scilicet patri, ita ut Oratoribus finem imponat Gasparinus, qui utpote major natu omnibus praeponendus erat. Sed haec, & alia multa, quae hujus opusculi methodo objici possent, praevidit, refellitque ejus libelli auctor, qui haec praefatus est: Ego tamen (inquit pag. 2.) neque dignitatem, neque excellentiam hominum in suo genere in iis commemorandis observabo, sed ut quisque mihi prior occurrerit, ita a me litteris mandabitur. Unum illud curae fuerit, ut de singulis quibusque ordinibus, ac generibus seorsim scribam. At dicet fortasse aliquis, hoc opusculum mancum esse, quum nonnullos praestantissimos homines omittat, quorum memoria

postea.

posteris tradenda erat. *Is tamen perpendat, quae pag. 2. opponat eruditus Auctor. Ait enim: Quod si fortasse quempiam per oblivionem, vel per inscientiam omiserò, ne sic quaeso, qui mihi succenseat. Post enim, ubi commemoravero, vel admonitus fuero, in alterum librum conferetur. Quamobrem dicendum est, hoc opusculum de Viris Illustribus in duos libros a Bartholomaeo Facio distributum fuisse, quorum primus ab eo confectus nunc prodit, alter vero, in quo claros homines, quos in priore omiserat, recenseret, casu nescio quo nuspiam ab eo elucubratus est.*

Declarato operis instituto, Auctorisque consilio, animadvertisquæ nonnullis maculis, quæ laudes hujus opusculi bona fruge referti, eleganterque scripti deserere possent, operæ pretium est, ut tempus inquiramus, quo a Facio elaboratum fuit. Maxima, atque meridiana luce clariora sunt indicia, quæ Calisti III. Pontificatum nobis innunt. Scribit enim, Facius pag. 1. Quum ab historiarum componendæ diuturnis laboribus aliquando requiescerem absolutis libris decem Alphonsi Regis, nec possem pro ingenio meo nihil agere, ne desidiae reprehensionem incurrerem, aliquid hoc tempore scribere institui, quod & fastidium levaret, & nostri sæculi hominibus probari posse videretur &c. Libros decem de gestis Alphonsi Regis absolvit. Facius anno 1455., ut constat ex epistola XIII., quam pag. 102. edidi. Ea scripta est a Bartholomaeo Facio ad Poggium Florentinum Ex Neapoli die XLIII. Aprilis 1455., in eaque legitur pag. 104. Quod autem scire expetis de rebus meis, scito decimum librum rerum a Rege gestarum mihi nunc in manu esse, qui liber omnia continebit, quæ usque ad hanc diem ab eo facta, vel per Duces suos administrata sunt, qui decimus liber huic operi modum imponit. Ex his colligi potest anno 1455. elabente. idest Calisto

Ter.

Tertio Pontifice hoc opusculum a Facto inceptum fuisse. In eadem, quam diximus, epistola a Bartholomaeo ad Poggium data die XIV. Aprilis 1455. scribitur, novum Pontificem paratissimo animo in bellum contra Turcas esse. Ego quidem, ait Facius pag. 104., Regem omnia facieturum puto, quae possit adversus hunc Christiani generis perniciosissimum hostem, & prospere cessura omnia, si ceteri Principes, ac Reges Christiani in id consentiant potissimum nunc, quum Pontifex novus paratissimo animo in id bellum esse perhibeatur &c. Nullus dubitandi locus est, quin novus ille Pontifex sit Calistus Tertius, qui sexto idus Aprilis, ut testatur Platina, ejusdem anni 1455. ad Summum Apostolatus apicem evelatus est, atque in aedibus S. Petri Pontifex creatus Calisti nomen de more suscipiens Turcis bellum statim indixit. Alia quoque animadverti possunt, quae hunc librum ad Calisti Tertii Pontificatum referunt. Nam in ea classe, in qua de Copiarum Ducibus tractat, quum pag. 64. de Joanne Hunnacio Blanco loqueretur, haec habet. Quotiescumque ipse exercitus Dux fuit, prospere rem gessit, & nunc, dum haec proderem, Maomettum Ottomanum ab Albae Graecae, quam vulgo Belgradum vocant, obsidione depulit, multisque militibus hostium caesis fudit, ac fugavit ejusdem classe apud Danubium profligata, atque exusta, tormentisque omnibus ereptis. Hanc vero victoriam sub Calisto Tertio Pontifice retulit Joannes, ut testatur Platina, qui postquam indicasset indicatas quam maximas supplicationes, ut exitium illud, quod a rubeo, crinitoque cometa portendi sibi fingebant inepti homines, averteret Deus, haec addit: Crediderim tum ego precibus omnium Christianos ad Belogradum contra Turcos impicantes duce Joanne Vajovoda virum clarissimo, assistente etiam Joanne Capistrano Ordinis Minorum, Crucemque pro vexillo hostibus inferente eos Belogradum

dum oppugnantes ingenti clade superasse. Ad sex enim hominum millia ex hostibus interfecta sunt cum parva nostrorum manu, ut Carvagialla Sancti Angeli Cardinalis ad Pontificem, & ad Dominicum Capranicum Sanctae Crucis Cardinalem scripsit. Hostium quoque commeatus omnes ad centum, & sexaginta bombardae captae sunt, qua clade perterritus Turcus Constantinopolim propere se receperit. Tandem Calisto Tertio Ecclesiae gubernacula moderante hunc librum se scripsisse aperte nos edocet ipsemet Facius, qui in elogio Alphonsi Regis Calistum Pontificem nominat tamquam Ecclesiae praesens caput, Christianisque rebus jam tum praesidentem, qui unum Alphonsum ad bellum contra Turcas elegisset. Magnus, inquit pag. 78. de Alphonso, opibus; major auctoritate a Calisto Pontifice unus ex omnibus Regibus delectus est; cui bellum adversus Maomettum Turcarum Principem maximum, & opulentissimum demandet. Alphonsus autem se in Turcas iturum Calisto pollicitus est, ut tradit idem Platina, qui: Alphonsus autem Rex, inquit, & Burgundiae Dux Crucis signum suscipientes ituros se quoque in hostem profitebantur, vel armatos milites eo missuros.

Ex his, quae diximus, satis constat hoc opusculum ab eruditissimo, atque eloquentissimo Auctore compositum fuisse, tum quum Calistus Tertius Romanus Pontifex Ecclesiae regimen teneret. Sed quum Calistus per tres annos, mensesque aliquot Petri Cathedram impleverit, inquirendum est, quonam anno hic libellus a Facio elucubratus sit. In elogio Joannis Hunnaci Blanci pag. 64. ait: Dum haec proderem, Maomettum Ottomannum ab Albae Graecae, quam vulgo Belgradum vocant, obsidione depulit &c. Si Matthiae Palmerio in temporum, & historiarum continuatione ad an. 1456. credendum est, mense Augusto ejusdem anni hoc bellum gestum fuit. Bellum au-

tem, inquit, ille; gestum est die Sancti Sixti, qui est
 VIII, idus Augusti. Itaque mense Augusto. an. 1456. ad
 finem vergebat Facii opus: Sed ulterius progrediamur:
 In ea classe, quae Oratoribus recensendis inservit, men-
 tio fit Aeneae Senensis, postea Pii Secundi, qui nondum
 Cardinalis, Senator tantum Episcopus nominatur. Nam
 de Aenea verba faciens doctissimus Facius pag. 26.
 ait, eum trium Pontificum Secretarium fuisse, Felicii, Eu-
 genii, ac Nicolai; additque potro a Friderico Imperato-
 re Romanorum in Secretarium, & Cancellarium receptum
 fuisse. Mox alia adjiciens: Secretarius, inquit, trium Pon-
 tificum Felicii, Eugenii, ac deinde Nicolai a Friderico
 Romanorum Imperatore in Secretarium, & Consilia-
 rium receptus est. Germaniam, quae natio diu Roma-
 nis Pontificibus minus obsequens fuerat, obsequium
 Eugenio primum, ac mox post Eugenii mortem Ni-
 colao Quinto ipse Legatus a Germanis detulit. Inter
 ipsum quoque Fridericum, atque Alphonsum Regem
 affinitatem junxit. In Conventu apud Germanos acto
 causa expeditionis in Turcas Imperatoris locum tenuit.
 Vides hic de Aeneae Cardinalatu ne verbum quidem fecisse
 Facium, ita ut colligi possit librum de Viris Illustribus
 scriptum ab eo fuisse, antequam Aeneas ad Cardinala-
 tus dignitatem eveltus esset, quam quidem dignitatem
 quum mense Decembri anni 1456. adeptus fuerit, hinc
 sequitur hoc opusculum elabente anno 1455. fortasse inchoa-
 tum, tum quum scilicet libros decem de gestis Alphonsi Regis
 absolverat Facius, perfectum ab eo fuisse ante Decembrem
 an. 1456., quo mense sacris Ecclesiae Cardinibus Aeneas
 adjunctus fuit. Quod autem, eo, quo diximus, mense, eo-
 demque anno Cardinalium ordini adscriptus fuerit Aeneas
 Senensis, probari facile potest ex illius epistolis, quas ad
 Imperatorem, aliosque summos Viros exaravit. In epistola
 Divo Imperatori Federico Augusto Domino suo inseri,

pta

sta, dataque ex Urbe vicesima secunda Decembris MCCCCLVI. Quod, inquit, jamdudum, oprasti, procurastique Caesar in persona mea, nunc demum completum est. Habes tota quod mente petisti. Nam quod Sanctae memoriae Nicolaus Papa Quintus tuae mansuetudini saepe pollicitus est, Beatissimus Pontifex Calixtus III. implevit, qui non meis meritis, nulla enim me virtus honore dignum efficit, sed sua incredibili bonitate, quae usque ad indignos protenditur, & tua potissimum intercessione his diebus ad Cardinalatus ordinem cum quinque aliis venerabilibus, & magnae auctoritatis Episcopis me provexit &c. Huc referenda, quae scripsit Serenissimae Imperatrici Leonorae Augustae Dominae suae, & Serenissimo, & potentissimo Principi Ladislao Hungariae, & Boemiae Regi ex Urbe Roma die vicesima secunda Decembris MCCCCLVI, ut omittam alias epistolas, quae nocturna, diurnaue manu a doctis versantur. Sed quid circuitionibus opus est? Quum ipsius Auctoris verba habeamus, quae ineunte anno 1457. libellum de Viris Illustribus jam completum fuisse nobis ostendant? Siquidem Facius in Epistola missa Aeneae Cardinali Senensi ex Neapoli circiter Mensem Martium anni 1457. ei Cardinalatus dignitatem denuo gratulatus, haec ferme ad calcem habet: Librum, quem de Viris Illustribus scripsi, Regi dedicavi, ac tradidi. In quo opere, ut aliquando videbis, si non quantum virtutum tuarum magnitudo postularet, at quantum ingenii mei parvitas potuit, quantumque res ipsa passa est, tibi & me tributum cognosces. Quamobrem paulo ante suo labori modum imposuerat. Facius.

Perfecto itaque, atque elaborato jam ante Decembrem anni 1456. hoc libello de Viris Illustribus, vix pauci menses elapsi sunt, ex quibus per ora doctorum hominum volitare coepit. Nihil hujus opusculi notissimam evin-

gare

gare coepérat ipsemet Auctor, qui, ut nuper vidimus, ipsum Aeneae Senensi in suis ad eundem litteris notum fecerat. Huic adjungendus idem Aeneas Cardinalis, qui in Epistola Bartholomaeo Facio Genuensi scripta ex Urbe Roma die XXV. Martii 1457: ei gratias agit, quod nomen suum in libello de Viris Illustribus collocasset: Quod, inquit, scribis in eo, quem de viris illustribus aevi nostri composuisti, libro, datum nobis esse locum, non meritis nostris, sed tuae caritati ascribimus. Et in hoc quidem fatemur imbecillitatem nostram. Non tam inviti supra meritum laudamur, quam vituperamur. Ita enim natura comparatum est, ut nulli laus onerosa videatur. Obtestatur deinde Bartholomaeum, ut libellum ad se mittat. Nos eum librum, cum volueris, cupide videbimus, legemusque. Post Aeneae Cardinalis Piccolomini mentionem nullus uspiam est ejusdem aetatis scriptor, qui libelli de Viris Illustribus a Bartholomaeo Facio elucubratu meminerit. Hosi subsequutus est, sed longo proximo intervallo Oldoinus, qui pag. 9. Athenaei Ligustici hoc opusculum commemorat. Tandem Apostolus Zenus Vir Clarissimus quum de Facio eruditè differeret Tom. IX. Ephemeridum Venetarum hunc libellum inter Facii scripta recenset, meminitque illius epistolae ab Aenea Cardinale scriptae, in qua eundem commemorat. Ex eadem, quam laudavimus, epistola notus etiam fuit Cl. Joanni Alberto Fabricio, qui Tom. 2. Bibl. Latinae mediae, & infimae aetatis de Bartholomaei vita, scriptisque tractans hoc opusculum non omisit. Apographum quoque hujusce operis nactus est Eminentissimus Quirinus, qui pag. 543. eruditissimae suae Diatribae Praeliminaris ad Francisci Barbari, & aliorum ad ipsum epistolas conscriptae hoc opus Bartholomaei Facii de Viris sui aevi Illustribus commemorat, animadvertens ryporum luce nunquam fuisse donatum, fateturque se ejusdem ops.

operis exemplar habuisse ab Erudito viro Benedicto Bandinello Benedictini Monasterii Senis Praeposito, qui opus illud duobus tantum ab hinc annis, ut ait, in Senensi nobilis viri Bibliotheca repertum, & diligenter exscripsit, & mecum inuerrime summa cum humanitate communicavit. Subdit deinde elogium, quod Francisco Barbaro texuit in hoc opusculo Factus, ut specimen esse illius breuiloquentiae, quam sectatus est Bartholomaeus, quamvis fateatur non ita jejunam esse, ac illam, quam coluit Paulus Cortesius in suo de hominibus doctis Dialogo. Elogium Francisci Barbari ab Eminentissima Quirino productum legitur pag. 151. hujusmodi est: Franciscus Barbarus Venetus Latinis, ac Graecis litteris praeditus Philosophiae quoque, ac Logicae operam dedit. Scripsit de re uxoria, librum unum. Epistolarum, in quibus scribendis multam curam adhibuit, libros aliquot reliquit. Traduxit ex Plutarcho Aristidis, & Censorii Catonis vitas. Omnes in Republica Veneta honores summos est consecutus. Legationibus multis honestissimis aditis non solum pacis, sed etiam belli muneribus. Sed omnium industriam, ac diligentiam longo post se intervallo reliquit vir. Cl. Josephus Antonius Saxius Ambrosianae Mediolanensis Bibliothecae Praefectus, qui quum historiam Litterario-typographicam Mediolanensem, quae aut jam prodit, aut propediem proditura est, maximo totius Respublicae litterariae commodo, atque ornamento contexeret, epistolam Nonis Febr. an. 1744. ad me dedit, in qua petebat, ut elogium Antonii Panormitae, Francisci Philelpi, Petri Pauli Vergerii, Nicolai Nicoli, Leodrisii Cribelli, Poggii Florentini, Jacobi Bracellei, Georgii Trapezuntii, Laurentii Vallae, P. Candidi Decembrii, & Pauli Veneti a Facio elucubrata eidem transmitterem. Morem gessi Viro eruditissimo, ut laborem suum exornaret,

locu-

locupletaretque inadmoleis, quae nunquam in lucem prodierant. illae Haec sunt, quae de operis argumento, ejusque actate, ac memoria apud doctos homines dicenda duxi. Ad calcem vero hujus libri pag. 79. seq. nonnullas Facii, & aliorum ad ipsum epistolas adieci, quarum aliquae quum in Codd. MSS., quibus usus sum, laceratae essent, earum lacunas exhibui, nec Oedipum esse volui. Epistola Facii ad Robertum Stroam, quam edidi paulo infra pag. XXXIV., impressa fuit post Libellum de Humanarum vitae Felicitate subjunctum ad Epitomen Felicitatis Sancti de Regibus Siciliae &c. pag. 147. seq. Epistola VII., quae est Francisci Barbari ad Facium, & VIII. Partii ad Barbarum prodierunt inter epistolas Ant. Patormitae Venetiis 1553. in 4. pag. 104. seq., recusataeque fuerunt ab Eminentissimo, atque Amplissimo S. R. Ecclesiae Cardinalis Quirino inter Francisci Barbari, & aliorum ad ipsum epistolas pag. 158. seq. num. CXIX., & CXX. Epistolam vero Facii ad Aeneam Cardinalem Senensem, & Aeneae Cardinalis ad Facium accepi ex Basileensi editione Operum Pii Secundi fol., quarum prima exstat Num. 233. pag. 778., altera vero Num. 251. pag. 784. Quae supersunt, nusquam adhuc prodierant.

Ut autem doctissimi Auctoris vita, scriptaque magis, atque magis innotescerent, fabellisque abjectis, atque obscurioribus quibusque majori luce perfusa multa, quae de eo dici poterant, litteris mandarentur, haec Facii opusculo ejus vitam praefixi, in eaque elucubrandam id tantummodo festigendum duxi, quod ex illius, aliorumque ejusdem aetatis auctorum scriptis eruere licuit, omittis plerumque animadversionibus recentiorum Biographorum, qui fere nihil habent, praeter nugae canoras. Videbis inter alia pag. XXX. seq., quanta argumentorum vi contra Cl. Apostolum Zenum probaverim, emortualem Facii diem in annum 1467. incidere non potuisse, ut ex Laurentii Vallae paulo ante, Facium

cium defuncti obitu in Lateranensi ejusdem epitaphio ad annum 1465. posito perperam conjecterat. Nam Jacobi Curuli auctoritate suffultus ostendi Facium ante Alphonsum Regem, qui an. 1458. obiit, decessisse, ideoque fieri non posse, ut Valla, qui paulo ante Facium obierat, anno 1465. moreretur. Jovii quoque verba produxi, quae Vallae mortem ad Cal. Augusti an. 1457. referant. Nunc autem adjiciam auctoritatem Joviani Pontani, qui Vallae aetate adolescens floruit. Is enim in epistola Calendis Januariis anni 1460. ad Petrum Salvatorem Vallam, & Joannem Ferrariam Neapoli scripta de Vallenfi Herodoti versione tractans, postquam dixisset Vallam ab Alphonso Rege rogatum fuisse, ut Herodotum sibi latinum redderet, haec addit: Quod quum ille Regi de se benemerito, ac honesta praeteritum petenti non denegasset, ne operam suam, ut erat pollicitus, omnino praestaret, immatura mors effecit. Quo mortuo Rex libros eos, ut erant, Roma sibi deferendos curavit, & in Bibliotheca sua diligenter ad servari iussit. Ex his Pontani verbis liquet non anno 1465., ut legitur in corrupto epitaphio, sed ante Alphonsum Regem, id est anno 1457. Kal. Augusti, ut ait Jovius, obiisse Vallam, ideoque Facium, qui haud multos post dies decessit, mense Novembri ejusdem anni mortuum esse. Pontani verba, quae produxi, observavit Apostolus Zenus Tom. XI. Ephem. Venet. Art. XIII., qui errorem suum passus pag. 323. epitaphium Vallae correxit, & pag. 324. Facii obitum ad an. 1457. retulit.

Hanc autem Facii vitam operum ab eo editorum recensione locupletavimus. Scribit Valla Inveſt. I. in Facium nostrum pag. 461. Opp. historiam quoque de bellis Genuensium cum Catalanis ab eo fuisse scriptam, suppressamque. Addit etiam, Facium ad se misisse invectivam adversus nescio quem Genuensem contumeliis, ac conviciis plenam, quod diceret sibi ab illo obiectum in quadam

epistola, quod esset ingratus, & totus ex invidia factus, & dignus suo genere, suisque maioribus. *Hanc; quavis ibidem testetur Valla se audisse a Facio fuisse emissam, nusquam vidimus. Poggius Inu. II. in Vallam: Bartholomaeus, inquit; Facius eos solos (errores) comprehendens, quos in historia illa tua praeclara de gestis Regis Aragonum a te edita, & in Bibliothecam positam, quam tamen jam vermes, & mures ob ejus celebritatem corroserunt, in testimonium ignorantiae edidisti, magnum volumen contexuit, &c. Haec quum produxisset Cl. Zenus Tom. IX. Ephem. Art. III. pag. 193, hoc Facii opus aut a Poggio fictum, aut amissum fuisse scribit. At postquam animadvertisset Vallam in Recriminationibus contra Auctorem nostrum historiam suam ab erroribus sibi objectis defendere, Tom. X. eorumdem Ephem. Art. X. pag. 423, revera illud opus a Facio fuisse scriptum asserit. Hanc Zeni sententiam probat idem Poggius in epistola hactenus inedita ad Bartholomaeum Ghiselandum Bononiensem, ubi: Bartholomaeus Facius vir eloquentissimus unico libello errores complexus est Laurentii Vallae, quibus referit nescio quam historiunculam inceptam, quam de vita Regis Aragonum conscripsit. Hujus errata tot sunt, ut pluribus libellis essent exprimenda. Hic autem libellus, de quo verba facit Poggius, nihil aliud est, quam libellus Invektivarum, quas libros nominat etiam Valla; in quibus Vallae ejusdem errores complexus est, ut patet tum ex Vallae Recriminationibus, tum ex Facii Invektivis, sive Invektivarum reliquiis, quae in Miscellaneis a Bettinello editis impressae sunt, ubi multi hujusmodi errores Vallae obijciuntur. Si Invektivarum a Facio compositarum argumentum ab ipso Auctore Epist. II. pag. 82. exhibitum, & a me tibi denuo paulo infra pag. XXXVIII. ob oculos positum animadverteres, rem ita se habere fateberis. In Bibl. MSS. testatur Labbaeus, & Bernardus Montfauconus delitescere in Bibl.*

Regia Parisiensis: Bartholomaei Facii Genuensis de differenciis verborum latinorum. Sed idem cum Inuocabitur esse arbitror. Zenus vir (C) obseruat Tom. III. Epbens pag. 192. ex Tom. I. Bibl. Barberinae pag. 393. adseruari in eadem Bibl. Facii Historiam suorum temporum Basilicae editam anno 1597. in 8. ; quod Tom. XXXI. Mezmar. pag. 321. animadvertit. etiam Niceronus pag. 84. verb. anno 1566. non 1597. edita est; quinque ejusdem prologus incipiat: Etsi nonnullis Viros &c. historia verorū decem libros distributa: Martinus Quintus Pontifex Maximus &c. patet eandem esse, ac Commentariorum libros decem de rebus ab Alphonso gestis. Ex eadem quoque Bibliotheca Barberina producent tam Zenus, quam Niceronus Historiarum, & Chronicarum Mundi epitomen Lugduni impressam an. 1533. Sed aut hic fecit alium parentem agnoscit, aut unum, idemque est cum Commentariis, quod etiam suspicor de alio opere in Bibl. Regia Parisiensis Num. 221. adseruato, inscriptoque: Bartholomaei Facii de Rebus Siculis. Librum vero de immortalitate animae a Leandro Alberti pag. 18. Descript. Italiae Facto tributum idem puto cum libello de Excellentia hominis, in quo de eodem argumento tractatur. Nihil moror Oldoinum, qui in suo Athenaeo Ligustico Commentarium in Persum a Bartholomaeo Fontio compositum Facio nostro acceptum refert: Illud tantum dicam librum hunc de Viris aevi sui illustribus acephalum esse, quum desit Facii epistola, qua in litteris ad Aeneam Cardinalem Senensem datis pag. 107. hujus opusculi laborem suum Alphonso Regi se nuntiasse testatur. Nunc Auctoris nostri vitam, scriptaque aggrediamur.

VITA



V I T A

BARTHOLOMAEI FACII.



Artholomaeus Facius natus est
Spediae *intimo Linensi in por-
tu Liguriae oppido*, ut ait Jo-
vius in Elogiis Virorum Do-
ctorum pag. 197. Se Genuen-
sis ditionis fuisse innuit ipse-
met, quum de Oratoribus tra-
ctans, Jacobumque Bracel-
leum Genuensem iis adjun-
gens hunc *Conterraneum suum*
appellat. *Jacobus*, inquit

pag. 19. *Bracellens conterraneus meus in hoc numero
non in postremis censetur. Et paulo infra pag. 20. de
eodem Bracelleo verba faciens Genuenses cives suos no-
minat: Moderatione animi civibus meis caris, & jucun-
dus*

dur. Hubertus quoque Folieta in elogiis Clarorum Ligurum Facium cum Bracelleo conjungit. Spediensem extitisse Bartholomaeum nostrum colligitur ex ejusdem Lib. IV. Rerum gestarum Alphonfi Regis his verbis: *Abeunte in Liguriam Alphonso nonnulli clari copiarum Duces comiter a Philippo adhibiti, a quibus per Placentinum, deinde per Parmensem agrum Pontremulum, quod oppidum in radicibus Apennini situm est, atque inde Spediam, unde mihi origo est, imperium portu, ac mercatu nobile deductus postridie cum lembis ad se accersitis Veneris portum mari potuit, &c.* Facio accedat Blondus, qui in Italia Illust. de Liguria, ejusque oppidis pag. IX. verba faciens: *In sinuque, inquit, Lunensis, sive Veneris portus intimo Spedia est novum oppidum circa annos LX. muro circumdatum, secus quam inspecta Italicae descriptione, ac pictura a majoribus facta Tigulliam fuisse conjeçtor, idque oppidum Bartholomaeo Facio Viro doctissimo est ornatum.* Genuensem appellat Aeneas Cardinalis Senensis in epistola ad eundem data *Ex Urbe Roma die XXV. Martii MCCCCLVII.* Quo nam anno natus sit, incompertum est. Humanioribus litteris deditus praeceptorem habuit Guarinum Veronensem latine, & graece eo tempore doctissimum. Hinc de Guarino verba faciens pag. 17. eum praeceptorem suum nominat: *Guarinus, inquit, Veronensis praeceptor meus latine, ac graece juxta doctus non soluta modo oratione, sed etiam carmine commendatur.* Et in epistola ad Joannem Jacobum Spinulam pag. 80. Nam ut ait, *Guarinus clarissimus praeceptor meus, & balbutientes infantuli disertis plerumque parentibus videntur suis propter delectationem, quam ex ipsis percipiunt.* Et in altera ad Robertum Strozam, quam paulo infra pag. XXXVI. produxi, *Guarino praeceptori nostro ostendas.* Multum quoque se Guarino debere fateatur in litteris ad Hieronymum Guarinum scriptis, quem fratrem sua-

sudolissimum appellat. Eas ex Roma missas huic Opusculo *de Viris Illustribus* Num. V. adjunxi, ubi pag. 86. Ego enim pro paternis in me beneficiis illis quidem maximis, & immortalibus, proque tua in me pietate mihi perspecta, & cognita tantum tibi debere me sentio, quantum ipse persolvere nullis officiis possem. Et paulo infra Guarinum patrem suum appellat. Mittam vero tibi prope diem, ut spero, inuestigas quasdam, quas nuper confeci in illum insanum, Laurentium Vallam, qui patris mei auctoritatem aspernatur, ac pro nulla habet &c. Praeterea Hieronymus Guarinus Facio scribens Epist. IV. eum suum fratrem amantissimum pag. 83. nominat, quinque noster Auctor pag. 87. memoret Dialogum suum *de vitae felicitate*, de eodem Guarino loquens ait mirum sibi non esse, si Guarino fructus sui suaviore videantur. Placuit, inquit, videre clausulam illam, qua mentionem facit de opusculo ipse pater, & si scio multum amori tribui, fructusque suos sibi suaviore videri. Quamobrem amplissimam bonarum litterarum cognitionem, quâ imbutus erat, omnem ad Guarinum praeceptorem referebat Facius. Genuae per aliquod temporis commoratus est, atque in peruestigandis latinis auctoribus se se appulit, ut colligitur ex Epist. III. scripta Antoniotto Grillo Claro Viro. Ibi pag. 84. Et sane mirabar illum (Cornutum) penes te esse, & me id nescire, praesertim quum diligentissime non perquisierim modo, sed indagaverim, quum Genuae eram, num ullus in tota urbe esset, & nullum esse comperi. Ferrariam quoque apud Guarinum aliquandiu commoratus fuit, ut constat ex libello *de Humanae vitae Felicitate* pag. 107., ubi Cum Antonius Panormita clarus, & singularis poeta, iureque consultus Ferrariam se se aliquando contulisset, & forte apud Guarinum Veronensem eloquentissimum virum essemus ambo, cujus hominis visen-

statut ideo ab Alphonsio fuisse conductum, ut scilicet res a se gestas litteris mandaret. Sed Alphonsus Rex, ait, verae gloriae cupidus eum ideo liberali stipendio conduxerat, ut res suae bello gestae, quae erant absolutò scriptore dignissimae, posterorum memoriae mandarentur. Tradit Foliet auctore nescio quo suffultus eum ab Alphonsi epistolae fuisse. Inter hos, qui Facii studia, doctrinamque apud Regem fovere, recensendus est Franciscus Raimus vir spectatissimus, ad quem exstant Antonii Beccatelli litterae. In litteris Facii ad eundem datis ex Neapoli, quas pag. 88. sequi hic edidimus, colligitur, quantum Raimo acceptum referret. Scribit enim: *Nihil praeterea dulcius significatione tua erga me amoris, nisi mihi erat perspectissimus, & luce meridiana, ut dici solet, clarior. Is enim mihi tamis rebus, in quibus de bonore, & de utilitate mea agebatur, experimento notus erat.* Antonii quoque Panormitae opem praecipue sensit, atque, ut arbitror, ea potissimum de causa eum doctorum hominum fautorem in hoc opusculo appellat. *Legationibus*, inquit pag. 4. de Panormita, ac summis honoribus Regis functus, quibuscumque viris doctis, & probis potest, enixissime semper favit, ac favet. Nam quum inter Laurentium Vallam, & Bartholomaeum nostrum levi ex causa maximae inimicitiae exortae essent, virulentisque orationibus, quas Invectivas, & Recriminationes indigitarunt, se mutuo impeterent, Antonius Panormita Bartholomaei partes sequutus ei semper praesto fuit. Hoc colligitur ex perbrevis Laurentii Vallae Elogio, quod Jo. An. Vigerinus Abbas composuit, quodque ex Cod. Vaticano in lucem edidit doctissimus Praesul Dominicus Georgius Num. IV. Appendicis Monumentorum, quae suae disquisitioni de Nicolai V. Pont. Max. erga litteras, & Litterator Viror patrocinio adjunxit. In eo legitur pag. 207. seq. *Multis in urbibus Italiae Rhetoricam, ac Grammaticam docuit*

quit (Valla) *Genuae, Papiæ, Mediolani, Neapoli,* ubi propter contentione[m] ortam inter ipsum, & Bartholomaeum Facium Spediensem, qui Antonii Panormitæ fovebatur patrocinio, sub Alphonso Aragonum, & utriusque Siciliae Rege, qui mortem obiit an. MCCCCLVII. (lege VIII.) quum Regnum plures annos obtinuisset, diutius esse non potuit &c. Et quidem Alphonsus Rex præ ceteris ejusdem aetatis, suiue Regni Viris Illustribus Facium dilexit, fovitque, ut ipsemet Panormita testatus est Lib. II. de *Dignis, & Factis Alphonsi Regis*, ubi Facium suavis, & priscae eloquentiae virum nominat hisce verbis. *Inter doctrinâ vero, & ingenio insignes amplexus præcepit Bartholomaeum Facium suavis, & priscae eloquentiae virum &c.* Quo nam anno Facius diem suum obierit, incertum est. Si Caesari Engenio in *Neapoli sacra* pag. 65. credendum est, anno 1447. obiisse dicemus. Nam epitaphium Facii profert jam deletum, quod ita se se habet. *MCCCCXXXVII. Bartholomaeus Facius historicus egregius hic situs est.* Sed quânam fieri potuit, ut anno 1447. obierit, quum anno 1451. XV. Kal. Septemb. Venetiis ad eum Barbarus scribat? Vide epist. VII. hujusce voluminis. Barbaro respondet Facius epistola VIII. ex *Neapoli* 26. *Septembris* 1451., quâ scribit, se libros septem de gestis Alphonsi Regis jam edidisse, & tunc Bellum Picenum in manu habere. Tantum abest, ut anno 1447. obierit. Anno quoque 1452. vixisse Facium patet ex alia epistola, quam scripsit Franciscus Barbarus clarissimo Jurisconsulto Barbone Mauroceno Legato Venetiis. V. Kal. Octobris MCCCCLII., ubi prope finem: *Clarissimo Viro Antonio Panormitæ salutem dic, & illum roga, ut sicut mihi coram promisit, historiam ad me mittat, quam disertissimus Bartholomaeus Facius scripsit de rebus gestis a Rege Alphonso.* Inter illas epistolas, quas huic opusculo subje-

cimus, extat Num. XIII. epistola Facii ad Poggium, data ex Neapoli die XIII. Aprilis 1455. ex qua colligitur anno quoque 1455. vitam duxisse. Multa sunt in hoc Libello de *Viris sui aevi illustribus* a me nunc primum edito, quae Facium anno 1455. atque insuper an. 1456. superstitem nobis ostendant. Nam pag. 76. mentio fit Nicolai Quinti Pontificis Maximi utpote morte jam praerepti, quod anno 1455. accidit. Memoratur praeterea pag. 78. Pontifex Calistus Tertius tamquam universam Christi Ecclesiam regens, ac gubernans, recenseturque pag. 64. clades, quam ad Bellogradum Turcis intulit Joannes Hunnacijs Blancus, quod an. 1456. evenit, ut in proemio pag. XII. ostendimus. Exeunte quoque anno 1456. vixisse Facium pater ex epistola Aeneae Sylvii Cardinalis Senensis scripta ad Bindum Bindium Senensem ex Urbe Roma die XXIX. Decembris 1456. Ubi: *Vale, & amicos illos nostros Neapolitanos nostro nomine salvere iubeto, Antonium Panormitam, Matthaeum Maiferitum, Bartholomaeum Facium, Matthaeum Joannem, & reliquos, quibus nos offerto, & dato.* Anno quoque ineunte 1457. vivebat Facius, ut constat ex duabus postremis epistolis, quae in epistolarum sylloge huic libello adjuncta leguntur, quarum XVI. ab Aenea Cardinali Senensi ad Facium scripta est ex Urbe Roma die XXV. Martii 1457. decimaquinta vero a Facio ad eundem Aeneam missa fuit ineunte eodem Martio, eodemque anno. Quamobrem opus est, ut epitaphium a Caesare Engenio productum corruptum sit. Auctor est Summontius in Hist. Neapol. Lib. V. pag. 224. mense Novembri anni 1457. decessisse. Ac id non modo dubium, ut Tom. XXI. Memor. cum Zeno observat Niceronus, sed falsum esse contendunt. Nam mense Martio ejusdem anni 1457. superstes erat Facius, ut super vidimus, ejusdemque anni cursum incolumen

explevisse ex eo colligunt, quod, ut tradit Roccus Pyrrhus in Sicilia Sacra, Oecónomus Ecclesiae Cephaloditanae eo anno fuerat. Illud etiam accedit, quod Jovius, alique auctores testantur, Bartholomaeum Facium paulo post Vallam obiisse. Jovii verba in Elogiis Virorum doctorum pag. 197 haec sunt: *Subsecutus est (Facius) prope hostem Vallam, pari, ac importuna, factorum injuria, elegantioribus studiis ereptus, ita ut non inficere hoc carmen epitaphio subscribendum ederetur:*

Ne vel in Elysiis sine vindice Valla susurret,

Facius haud multos post obit ipse dies:

Deinde, Latomi versus subjungit, qui hujusmodi sunt:

Qui Vallam nequit vivum superare, petendum

duxit ad inferas, isset ut umbra, domus.

Copiosas nostras ait, ut qui lasserit omnes,

conjungam doctis manibus, & moritur.

Eadem fere nos edocuit hisce versibus Jo. Matthaeus

Toscanus pag. XI. Pepl. Italiae:

Et Latiae, & Graecae Facium facundia linguae,

sed mage cum Valla proelia nobilitant

Instat acer enim vivo, indefessus & hostis:

caesus & a pugna non quoque victus abit.

Quin apud Elysiis extincto insultet ut umbras,

haud mora defunctum subsequitur moriens.

At quum Laurentius Valla diem suum obierit die pri-

ma Augusti an. 1465, ut ex illius epitaphio percipi-

mus, necesse est, ut post Augustum an. 1465. Facius

decesserit. Tantum abest, ut Mense Novembri an. 1457.

mortuus sit, ut comminiscitur Summontius. Haec ferme

Apostolus Zenus Tom. IX. Ephemeridum Venetarum Art.

III. alique, inter quos potissimum Petrus Niceronus Tom.

XXI. Memor. Vir. Illustr. pag. 318, qui an. 1467. novem

scilicet annos post mortem Alphonsi Aragonum Regis

decessisse Facium putat, ideoque in Epitaphio apud Cae-

sarem

serem Engenium pro an. 1447. annum millesimum quadringentesimum sexagesimum septimum restituendum esse opinatur. Sed ut omittam dici non posse Facium subsecutum fuisse prope hostem Vallam, si hoc duorum annorum spatium inter utriusque mortem admittatur, Jovius, alique, quos produximus, Summontii sententiam non evertunt. Nam quamvis tradat Facium post Vallam obiisse, patabat tamen Vallam non an. 1465. ut ex epitaphio eruitur, sed anno 1457. decessisse. Jovii verba haec sunt ex Elogiis Clarorum Virorum in Valla. *Obiit anno Christianae Salutis MCCCCLVII. Calendis Augusti.* Haec de Laurentii Vallae morte Jovius. Praeterea ut Summontii, Justinianique opinionem probe, conjecturae illi, quam ex Vallae epitaphio in Basilica Lateranensi posito eruit Apostolus Zenus, alique, opponam auctoritatem Jacobi Curuli, seu Curli Facii nostri amantissimi, ejusque aetatis hominis. Hic est Jacobus ille Curulus, seu Curlus Genuensis, quem in suis Epistolis honoris causa saepissime nominat noster Auctor. Nam pag. 81. Epist. II. *Hominem disertissimum, & sibi conjunctissimum*, pag. 84. Epist. III. *cultissimum*, pag. vero 88. Epist. VI. *virum clarum* eundem appellat. Quamobrem Jacobus Curulus auctor synchronus aperte innuit in Epistola ad Arnaldum Fenoledam Equitem Hispanum Auctorem nostrum paulo ante Regem Alphonsum morte creptum fuisse. Nam de Arriani versione a Facio elaborata tractans: *Itaque, inquit, historiam ipsam latinam, & suavissimam reddidit Facius noster, cujus tamen quum quartam vix partem pressisset reliquis tribus nondum satis eliminatis morte praeventus opus multis lituris abolitum, & vulneribus paene confussum reliquit. Quod vivens Alphonsus Rex baud multo antequam & ipse mortem obiret, recuperavit, ut aliquando tandem qualicumque modo restitueretur &c.* Vides itaque Bartholomaeum Facium paulo ante Alphons-

phonsum Regem, non novem annos post eundem, ut
 comminiscitur Zenus, ac post Zenum Nicéronus, aliis
 que, obiisse, quumque Alphonsus Rex mense Junio anni
 1458. ex hac vita decésserit, quis non adhaereat Sum-
 montii opinioni, qui mense Novembri an. 1457. Fa-
 cium mortuum esse scribit? At Apostolus Zenus, Ni-
 ceronus, iique, qui ejusdem Zeni amplectuntur senten-
 tiam ad evertendam Summontii fidem nobis obiectabunt
 auctoritatem ipsiusmet Facii. Quisnam, inquit, an-
 no 1457. obire potuit Facius, quum transmisserit libellum
 suum de *Excellentia, ac praestantia hominis ad Pium*
Papam Secundum, ut inscribitur in editione Hanovia-
 na pag. 149., quam typis Vechelianis apud heredes
 Joannis Aubrii edidit 1611. Marquadus Freherus? Hoc
 verò Librarii commentum est. Nam libellum de *Excel-*
lencia, ac praestantia hominis a Facio ante Pii Secundi
 tempora compositum fuisse vel ex eo patet, quod
 commemoratur in hoc opusculo de *Viris Illustribus*,
 quod a Bartholomaeo elucubratum fuit ante quam
 Aeneas Sylvius, postea Pius Secundus ad Cardinalatus
 dignitatem evehctus esset, ut paulo supra pag. XIII demon-
 stravimus. Nam de Jannotio Manetto tractans, libelli sui
 de *Excellentia, ac praestantia hominis* his verbis meminit
 pag. 19. hujus opusculi: *Scripsit (Manettus) item de dignita-*
te hominis, quem librum Alphonso Regi dedicavit, nescius, ut
ipse ait, de eadem re me paulo ante licet alio titulo scripsisse.
 Quamobrem pro Pio Secundo reponendus est Nicolaus
 Quintus, ad quem opusculum suum misisse Facium nos e-
 docet Codex Vaticanus 3562., ejusque fretus auctoritate
 Cl. Praeful Dominicus Georgius, qui pag. 199. Disquisi-
 tionis eruditissimae de *Nicolai Quinti Pont. Max. erga lit-*
teras, & Litteratos Viros patrocinio ait Syntagma de *Homi-*
nis excellentia a Bartholomaeo Facio elucubratum fuisse,
 atque ab eo Nicolao V. Pontifici nuncupatum.

B A R.

BARTHOLOMAEI FACII

S. C. R. I. P. T. A.

I. **B**artholomaei Facii de bello Veneto Clodiano ad Joannem Jacobum Spinulam Liber. Hic est ille Joannes Jacobus Spinula, ad quem mittit epistolam primam hujus sylloges pag. 19. seq. Hunc multo ante, quam editus fuerit, a Facio compositum fuisse patet ex primis proemii verbis, quae sunt: *Incidit mihi nuper in manus, Joannes Jacobe ornatissime, cum resupinarem libellos meos, bellum illud Venetum vulgatissimum Clodianum appellatum, quod alias, prout in Annalibus nostris scriptum reperi, in commentariolos quosdam contuleram eo animo, ut illud aliquando expolirem, &c.* Historiae autem initium est: *Belli Veneti Clodiani rerum gestarum magnitudine, & fortunae varietate memorabilis hinc ortum accepimus &c.* Describitur in hoc bellum anno 1377. inter Venetos, & Genuenses ortum, cui occasionem dederat Andronici, & Manuelis Imperatoris Graeci filiorum de successione contentio. Prodiit Lugd. 1568. in 8. apud Gasparem a Portonariis, ac recusatus Tom. V. Par. IV. Theat. Antiq., & Hist. Ital. Hujus meminit Leander Alberti pag. 18. descript. Italiae.

II. Post bellum Clodianum sequitur: *Aliud parvi temporis bellum Venetum.* Tradit Facius in proemio ad bellum Clodianum duo alia bella Veneta a se litteris fuisse tradita: Facii verba haec sunt. *In eodem quoque commentariolos conieceram superiora bella Veneta, quae, ut arbitror, duo fuere, quibus civitas nostra multas insignes viatorias de Venetis consecuta est.* Hoc vero, de quo loqui-

loquimur, nihil aliud est, quam exiguum fragmentum. Duo enim illa bella Veneta exciderant ex ejus commentariis, ut in eodem proemio ad bellum Clodianum ipsemet innuit hisce verbis: *Et nisi illa superiora nescio quomodo e libellis meis excidissent, ea quoque cum hoc ipso celebrare studuissem, quod aliquando fortasse faciam, si ea ad me miseris, nisi quis alius me doctior hunc mihi, quod velim, laborem praestituerit.* Incipit hoc fragmentum belli Veneti: *Post eam pacem bellum civile apud Genueses subito exortum est &c.* Prodiit una cum bello Veneto Clodiano. Horum commentariorum meminit Facius in Epist. I ad Joannem Jacobum Spinulam pag. 80. hisce verbis: *Commentariolos meos quum exornavero, & expedivero (restat enim scribendum ultimum bellum domus tuae, imo meae calamitosum) mitam ad te pueri mei manu. Sed quorundam hominum negligentia, a quibus notitiam rerum eo bello gestarum requisivi, eos nondum perficere valui &c.*

III. Bartholomaei Facii de humanae vitae felicitate ad Alphonsum Aragonum, ac Siciliae Regem incipitum &c. Liber incipit. Hunc libellum post superiora bella a Facio elucubratum fuisse constat ex eadem Facii epistola ad Jo. Jacobum Spinulam. Nam postquam pag. 80. de eisdem commentariolis scripisset, addit: *Sed nuper confeci, atque edidi Dialogum quemdam de vitae felicitate, ut paulo ante ad te scripsi, & eum huic amplissimo Regi inscripsi, quem optimo viro, ac tui amantissimo Giususo ad te afferendum dabo &c.* Argumentum hujus operis ipsemet tradit. Nam sub initium haec habet: *Id autem divina sapientia provisum esse satis crediderim, quo mortales perspectis tot praesentis vitae miseris nullam in Terris veram, solidamque felicitatem constare sciant, & proinde Caelum illis suspiciendum esse, ubi vera, & semper manens beatitudo sit, quod quantum in me fuit.*

fuisset, exquirendum putavi. Et paulo infra: Ego tamen totam opinionem meam ex hominum sapientissimorum sententiis, & divinitus inspiratorum traditione confirmavi, quod legens ipse cognosces. Hic autem libellus per dialogum scriptus est, colloquanturque Guarinus, Antonius Panormita, & Joannes Lamola: Ut autem, inquit Facius pag. 107, scias libelli ordinem, Antonium Panormitam Poetam, atque Equitem praefecturum, Guarinum Veronensem Oratorem praestantissimum, ac Joannem Lamolam disertissimum virum colloquentes facio, ut coram quasi praesentibus in oculum loqui putes. Habet enim nescio quomodo plus suavitatis, & gratiae, dicam etiam dignitatis oratio per dialogum descripta &c. Hujus libelli principium est: *Humanae vitae conditionem saepius reputanti mihi, Rex, facientissime, illud maxime mirandum videri solet, quod cum Deus ipse princeps, & conditor rerum omnium nihil in Terris praestantius homine creaverit &c.* Prodiit Hanoviae typis Vechelianis apud heredes Joannis Aubrii 1611. in 4. post epitomen Felini Sandei Ferrariensis de Regibus Siciliae, & Apuliae, aliaque pag. 106. seq., quae dicuntur e Manus: nunc primum edita ex Bibliotheca Marq. Freheri &c. Hoc decepit Jo: Vossium Lib. III. de Hist. Lat. Cap. V. Nam prima hujus libelli editio prodit Antverpiae apud Christophorum Plantinum 1556. in 8. Vide Niceronum Tom. XXI. pag. 320., & Apostolum Zenum Tom. IX. Ephemeridum Venerarum Art. III. Alibi etiam meminit Facius hujus Dialogi. Nempe in litteris ad Poggium scriptis pag. 82. Epist. II. Interea vero mutuis litteris crebro una licebit esse, si vuleris, daboque operam, ut propediem videar Dialogum meum, quem huic Regi dicavi, atque inscripsi &c. Hieronymus quoque Guarinus in Epist. ad Bartholomaeum Facium Num. IV. pag. 85. hunc dialogum commemorat. *Accepi litteras, quibus scripsisti* (Guarinus

SSSS

rinus

rinus Senior } ad Kalendas Julias redditum esse sibi opus-
 sculum tuum cum litteris &c. Guarino addendos ceterum
 Auctor in litteris ad Franciscum Raimundum Num. VI.
 pag. 90. Mittam etiam ad te cum bis fortasse Dialogum
 de vitae felicitate, ne rerum meorum experti sis. Poggius
 in epist. ad Facium Num. IX. pag. 97. Dialogum tuum
 expetto summa cum aviditate &c. Antonius Randomitale
 de dilectis, & factis Alphonsi Regis Lib. II. §. 61.
 de Alphonso Facium fovente loquens: Maxime ejus li-
 bri suavitatem allectus, quem de vitae felicitate Regi ipsi
 antea dixerat. Facius noster respondens Hieronymo
 Guarino Epist. V. pag. 87. Quod Dialogus meus de vi-
 tae felicitate patri tuo optimo, ac gravissimo viro probe-
 tur, omnibus doctissimis viris probari spero. Sed miror ni-
 mis Roberti Strozze negligentiam in eo patri ostendendo,
 & litteris meis reddendis &c. Bartholomaei Facii epistolam
 ad hunc Robertum Strozam, pro quo pag. 87. errore
 typographico Strozze excusum est, existat in editione
 Freherana ad calcem hujus dialogi pag. 147. seq. &
 ad quem quum ea spectet, subjunctam hic volui. Ea
 igitur hujusmodi est.

BARTHOLOMAEUS FACIUS ROBERTO
 STROZAE SALUTEM PLUR. D.

A Nimadverti, Vir ornatissime, ex litteris tuis
 perbrevis id, quod per hosce dies ex te au-
 divi, videri tibi Lamolam, cui partes dialogi
 mei tribuo, nimis facile concedentem Guarino
 omnia, quod & quidam alius, quem honoris
 causa non nomino, dixisse fertur. Ait enim Lamolam vi-
 das ubique praebere manus, quasi nescientem objecta con-
 futare. Ab ista ratione, ut me tibi dixisse memini, pae-
 tua

cha loquar, longe Roberti dissentio. Nam si una res tam-
tum mihi tractanda esset, fortasse hoc, quod dicis, proba-
retur magis. Sed cum mihi propositum sit omnes artes in-
genuas, atque omnia scientiarum genera percurrere, num-
quam esset, inventus disputationis meae exitus, si Lamplarem
Guarino, & Guarinum Lamolae saepius contradicentes, ac pu-
gnantes inducerem, idque cum primum efficere tentassem, pro-
bitatis praesertim non necessariae, fastidio permotus a propo-
sito meo desisti. Satis enim duxi cum ostendissem exempli causa
quae bona esse viderentur in divitiis, & e contrario quae
mala, ad alias species devenire, & in ea nec una non
progredi longius. Quid enim relinquitur, postquam enumeratae
sunt bona, malaque, ex quibus felicitas, & infelicitas maxime
judicatur, quo longior desideretur disputatio? Sane quicquid
praeterea diceretur in eam sententiam, id exquisitae cur-
jisdam magis, quam necessariae diligentiae esse cense-
tur. Est mihi praeterea auctor, quo nescio an ullus gra-
vior, Xenophon ille Socraticus, qui in eo Dialogo, qui est
de vita tyrannica inscriptus, commemoratis bonis, &
malis, quae in vita tyrannica incidunt, quaestioni suae
fidem facit, quem ego in hac disputatione, quod latines
describendi genus, imitari volui. Sic etiam Cicero de se-
nectute disputans, & de amicitia docuit, quid boni sit in
senectute, quid in amicitia, nec Scipionem Catoni, nec
Fannium Laelio contradicentem facit, quamquam est illa
una, & perpetua quaestio, sed tacitis quibusdam obiecti-
unculis confutatis, disputationi suae modum imponit. Sa-
cui autem in Quaestionibus Tusculanis facit. Cum enim
probare vult mortem non esse malum, aut animi aegritudinem
in sapientem cadere non posse, quae una, & perpetua quaestio
est, quoniam his de rebus varia est opinio, propterea D.
Brutum interdum repugnantem inducit. Est altera ratio,
qua id fecerim. Scis personae dignitatem in Dialogis ser-
vandam esse. Cum vero scirem, qua comitate, & facili-

tate sit Lamola in respondendo; & minime pertinaciter adversando veritati; servire personae voluit, ut eo digna videretur oratio. Huc accedit, quod cum ei sermo, & disputatio sit cum praeceptore suo doctissimo, & gravissimo viro; cuius auctoritas summa est, & habetur, indignum excusari, & contra decorum inducere illum Guarini pertinaciter iudicio refragantem. His rationibus adductus sum; vir doctissime, ne Lamolam Guarini defensiones refellentem; sed potius eas facile, ut tu dicis, concedentem faciam. Quas ideo tibi significare volui, ne a me hoc temere factum putes; et ut omnibus nota sit propositi, atque instituti mei ratio; qui ea, quae tu, opinione teneantur: Sed haec hactenus. Quum vero Ferrariam repetere constitueris, praestabo, ut exemplar aliquod ipsius Dialogi tecum ferre possis, quandoquidem ita petis, ut illud & Principi tuo perillustri, ac litteratissimo, & Guarino praeceptori nostro ostendas; quorum alterius gratiam per te inire, alterius augere, si modo possim; vehementer cupio. Vale.

Hanc epistolam Facii ad Robertum Strozam memorat, ejusque partem producit Laurentius Valla Invekt. II. in Bartholomaeum nostrum, ubi non solum in iisdem litteris ad Strozam, sed etiam in opusculo de *humanae vitae felicitate* multa norat. Eum vide, si lubet; pag. 538. seq.

IV. Bartholomaei Facii de excellentia, ac praestantia hominis ad Pium Papam Secundum liber &c. Hunc post opusculum de *humanae vitae felicitate* compositum fuisse ex eo patet, quod in hoc, de quo agimus, memoratur idem liber de *felicitate*. Nam duplici vice, nempe pag. 160. & pag. 166. sub *Opusculi* nomine eundem allegat; & pag. 159. haec elariora habet: *Quamobrem ad ea transire melius puto, quae homini iuste obtinenti, atque a divinis legibus non discrepanti post praesentis vitae cursum a Deo constituta sunt, de quibus quoniam*

nam plura dixi in eo libro, qui est a me de vitae felicitate scriptus &c. Studiorum suorum degustationem quamdam appellat hoc opusculum Facius ita Pontificem alloquens pag. 149. Tu vero, velim Sanctissime Pater, atque Optime; hoc opusculum sic accipias, ut studiorum meorum, qualiacumque sint, degustationem quamdam &c. Opusculi initium huiusmodi est: De hominis excellentia scribere nuper aggressus sum, Beatissime Pater, de qua quidem te acceperam Innocentium Fliscum, qui olim fuit et ipse Pontifex Maximus, virum plane eruditissimum in eo libro, in quo humanas miseras complexus est, pollicitum esse se se scripturum; sed quod fortasse accidere potuit, Pontificatus negotiis impeditum, quod promiserat, non praestitisse. Nam cum vehementer &c. Prodiit una cum Epitome Felini Sandei Ferrariensis de Regibus Siciliae, & Apuliae, aliisque Hanoviae typis Vechelianis 1611: in 4. post libellum de humanae vitae Felicitate pag. 149. seq. Hujus opusculi meminere Facius in superiori libro de Viris aevi sui illustribus Cl. II. pag. 19. in elogio Janotii Manetti. Scripsit item (Manettus) de dignitate hominis, quem librum Alphonso Regi dedicavit, nescius, ut ipse ait, de eadem re me paulo ante licet alio titulo scripsisse. Ex his liquet perperam ad Pium Secundum inscriptum esse hoc opusculum, ut supra pag. XXX. innuimus, quum memoretur ab Auctore nostro in hoc libello de Viris illustribus, qui elucubratus ab eo fuit, antequam Aeneas ad Cardinalatum evehctus esset, ut in proemio pag. XIII. probavimus. Vide Facii vitam pag. XXX., ubi una cum Clarissimo Praefate Dominico Georgio Codicis Vaticani auctoritate suffulto Nicolao Quinto nuncupatum esse diximus.

V. Bartholomaei Facii quatuor invective in Laurentium Vallam. Has post Dialogum de humanae vitae felicitate Alphonso Regi inscriptum elucubratas fuisse

nos

nos edocet Facii epistola ad Poggium Florentinum Num. II., ubi postquam pag. 82. membrasset eundem Dialogum, addit. *Mittam vero tibi invectivas quatuor, quas nuper composui in Laurentium Vallam hominem arrogantem, tibi que cognitum, qui ob id Romam venerat; ut de Pontifice in ordinem tuum referretur, sed accepturum, quantum audio, pro meritis suis &c.* Hoc etiam patet ex ejusdem invectivis, ubi nominat libellum de vitæ felicitate his verbis. *Nunc tantum superest, ut libri de vitæ felicitate, quem vituperas, defensionem subeam &c.* Et alibi: *Praesertim cum te audiam maledictis, & obreptationibus baud finem facere, librumque meum de vitæ felicitate carpere, atque contemnere &c.* Harum argumentum ipse Epist. II. aperit: *Videbis, inquit, praeter animi vitia quam sit indolens. Innumerabiles enim errores collegi ab eo commissos in quodam Historiarum libro, quem Regi detulit jam super menses decem, quum tamen plures praetermiserim, quod ut agerem me impulerunt ineptiae ejus, qui in omnes doctos homines, nec minus in mortuos, quam in vivos morbo quodam animi petulantissime invehitur &c.* Et in litteris ad Hieronymum Guarinum Num. V. pag. 87. *Mittam vero tibi propediem, ut spero, invectivas quasdam, quas nuper confeci in illum insanum Laurentium Vallam, qui patris mei auctoritatem aspernat, ac pro nulla habet, in cujus libro de rebus, gestis Regis Ferdinandi, patris Divi Alphonsi plura, profecto vitia reperi, quam enumerare quisi quam possit &c.* Multa ex hisce Facii Invectivis protulit in suis Recriminationum libris Vallā eadem refellens, reprehendensque. Editor Sylloges variorum opusculorum, quae Venetiis a Thoma Bettinello imprimuntur, quum has quatuor invectivas ope Barrotii habuisset, ex his unam fecit, quae incipit: *Linguae tuae petulantiam &c.* editaque fuit, sed manca, ac crudeliter lacera Tom. VII. eorumdem Miscellaneorum, quae Venetiis edit. idem Thomas

Bet-

Bettidesius pag. 334. seq. Harum invecitivarum meminit etiam Facius in litteris ad Franciscum Raimum Num. VI. pag. 90. *Invecitivas in Vallam transcribi curabo, ut primum potuero. Sunt enim confectae &c.* Poggius in litteris ad Facium Num. IX. pag. 97. *Dialogum tuum expecto summa cum aviditate; & item invecitivarum liberos in eum, quem nominasti &c.* Causam inimicitiarum inter Facium, & Vallam videt apud amplissimum, atque eruditissimum S. R. Ecclesiae Cardinalem Angelum Quirinum Part. I. Diatribae Praelimiraris Cap. II. §. VI. pag. LXII. seq. Hisce Bartholomaei Facii Invecitivis reposuit Valla alias quatuor, quae exstant pag. 460. seq. operum Vallae editorum Basileae per Henricum Petrum in fol., quarum prima pag. 460. seq. inscribitur: *Laurentii Vallae in Bartholomaeum Facium Ligurem invecitivarum, seu recriminationum liber primus.* Altera pag. 511. seq. *Liber secundus de erratis Bartholomaei Facii in notis, quas scripsit in Vallam.* Tertia pag. 589. seq. *Liber tertius responsio Vallae in Facii invecitivam tertiam, quae est in librum tertium.* Quarta pag. 592. seq. *Liber quartus recriminationum Laurentii Vallae in Bartholomaeum Facium, & Antonium Panormitam, in qua respondet ad obiecta in mores, ac reliquos libros suos &c.* Multa sunt, quae de Facio nostro tradit Valla in his Invecitivis. Ait enim Inv. I. pag. 460., & alibi Facium sutoris filium fuisse, atque a Spinula Familia educatum: pag. 462. docuisse filium Raphaelis Adorni Ducis Genuensis. Invecit. II. pag. 533. ignorasse litteras graecas: Inv. I. pag. 460. multa se correxisse in ejus historiis de bellis Genuensium cum Venetis. Addit eundem Facium a Panormita incensum, adjutumque Invecitivis illas quatuor in se scripsisse. In his Vallae Invecitivis perperam interdum *Benedictus* pro Bartholomaeo nominatur noster Auctor. Quod autem ad Facii historiam

riam de bellis Genuensium cum Venetis spectat, in qua multa se correxisse testatur Valla, incorruptum quoque iudicium in ea desideratum innuit Jovius in Elogiis &c.

VI. *Bartholomaei Facii de Rebus gestis ab Alphonso primo Neapolitanorum Rege Commentariorum libri decem.* Haec Commentaria circiter annum 1450. incoepit ab Auctore nostro fuisse opinatur Apostolus Zenus Tom. IX. Ephem. Venetarum Art. III., quod etiam conjicio ex litteris ad Poggium Num. II. pag. 82., ubi res illius inclyti, & Excellentissimi Regis, quas sibi in manu esse tradit Facius, nihil aliud sunt, quam haec Commentaria de rebus gestis Alphonsi Regis. Elabente vero anno 1455. confecta a Facio fuisse supra pag. X. demonstravimus. Jussu a Rege hoc opus movit, ut his verbis incuit Antonius Panormita de *diſſis, & factis Alphonsi Regis* Lib. II. §. 61. *A quo (Bartholomaeo Facio) quidem & res a se gestas perscribi cupide appetivit*, eoque consilio a Rege accitum tradit Jovius in Elogiis. Hanc quoque curam publice Bartholomaeo datam fuisse scribit Barbarus in litteris ad Facium Num. VII. pag. 90. *Venetiis XV. Kal. Septemb. 1451.* Et Facius in Epist. ad Barbarum Num. VIII. pag. 94. *Quod mihi ob id gratularis, quia mihi datum sit negotium scribendi res ab Alphonso Rege gestas &c.* In Epist. ad Franciscum Raimum hoc opus ejus diligentia incoepum tradit. Nam quod, inquit pag. 89. Epist. VI., *me hortaris, ut prosequar opus tua diligentia incoepum, facis amice, & pro officio. Tuarum enim partium videtur esse, quem ad incipiendum opus incitasti, eundem ad perficiendum adhortari.* Putabant nonnulli vitam Alphonsi Regis a Bartholomaeo fuisse elucubratam, inter quos est Franciscus Barbarus Epist. VII. ad Facium pag. 90. *Significavit mihi (Antonius Panormita)*

cu-

cūram tibi publice datam esse scribendi vitam illius Regis &c. Sed res a Rege gestas, non vitam sibi proposuisse respondet Epist. VIII. pag. 95. *Sed quoniam videris putare Regis vitam a me scribi &c. scito me non vitam ejus, sed res a se gestas scribere proposuisse.* Initium proemii horum decem librorum ita se habet: *Bartholomaei Facii in libros decem Commentariorum de rebus gestis ab Alphonso primo Neapolitano Rege praefatio. Etsi nonnulli viros hanc aetas tulit &c.* Sequitur deinde: *Bartholomaei Facii rerum gestarum Alphonsi Regis liber primus.* Incipit: *Martinus Quintus Pontifex Maximus is, qui sacrosanctam Potestatem Pontificiam tyrannorum quorundam scelere prope eversam restituit, quum Florentiae degeret, Braccii Montonii injuriis laceffitus &c.* Hanc historiam, primus edidit Joannes Michael Brutus Lugduni in 4. apud heredes Sebastiani Gryphii 1560., & denuo anni 1562. emendatiorem ita inscriptam. *Bartholomaei Facii de rebus gestis ab Alphonso primo Neapolitanorum Rege Commentariorum libri decem Jo: Michaelis Bruti opera denuo in lucem editi, ac summo studio vetustissimis collatis exemplaribus emendati. His accessere Fran. Contar. V. C. de rebus in Hetruria gestis Comment. Libri tres Lugduni apud Haeredes Sebast. Gryphii 1562. in 4.* In editione anni 1560. legitur epistola Antonii Gryphii, in qua scribit nonnulla a Michaeli Bruto correctā, & mutata in hisce historiarum libris fuisse. Ex epistola Jo. Michaelis Bruti ad Albericum Cium Malaspinam elicitur hunc Massae, & Carrariae Principem primum curasse, ut illi decem libri de gestis Alphonsi Regis in lucem ederentur. Franciscus Philoponus inscius duarum Lugdunensium editionum septem primos libros edidit Mantuae anno 1563. Tertiam Lugdunensem anni 1566. memorat Niceronus Tom. XXI. Memor. pag. 320. Post Francisci Guicciardini historiam ex Italico in latinum

traductam; & a Caelio Secundo Curione editam Basilae 1566. fol. recusi fuerunt hi decem libri ante Jo-
annis Joviani Pontani de Ferdinando primo Rege Neapo-
litano Alphonfi filio libros sex. Italice pariter traducta,
 fuit a Jacobo Mauro, impressaque Venetiis 1580. Existat
 etiam latine Tom. IX. Parce III. Thesauri Histor. Ita-
 liae, Neapolis, & Magnae Graeciae col. 3245. seq.
 Praeter ea loca a nobis superius indicata, in quibus
 horum decem librorum mentio fit, etiam in limine
 hujus opusculi *de Viris Illustribus* illius meminit his
 verbis Facius: *Quum ab historiae componendae diutur-*
nis laboribus aliquando requiescerem absolutis libris de-
cem Alphonfi Regis &c. Et in litteris ad Franciscum
 Barbarum Num. VIII. Ex Neapoli 26. Septembris
 1451. pag. 96. hujusce editionis. *Libros septem* (Com-
 mentariorum). *jam edidi, quibus continentur, quae*
Rex gessit a primo ejus in Italiam adventu usque ad
eum diem, quo triumphum egit. Nunc bellum Pice-
num in manu est. Post Florentinum aggrediar &c.
 In epistola vero ad Poggium Num. XIII. pag. 104.
Quod autem scire expetis de rebus meis, scito decimum
librum rerum a Rege gestarum mihi nunc in manu es-
se, qui liber omnia continēbit, quae usque in hanc diem
ab eo facta, vel per Ducer suos administrata sunt, qui
decimus liber huic operi modum imponit. Haec ultima
 Auctoris nostri verba rejiciunt errorem Leandri Alber-
 ti, qui in Descript. Italiae pag. 18. duodecim libros de
 gestis Alphonfi a Facio elucubratos fuisse perperam scri-
 bit: Paulus Cortesius de *Hominibus doctis* pag. 30. *Ex*
his Facius Commentarios scripsit rerum ab Alphonso Rege
gestarum. Franciscus Barbarus in litteris ad Barbonum
 Maurocenum pag. 245. editionis elegantissimae ab Emi-
 nentissimo Quirino Purpatorum Patrum grandi splendo-
 re recens editae: *Clarissimo Viro Antonio Panormitae*
 salu-

salutem dicit, & illum roga, ut sicut mihi eorum promisit, historiam ad me mittat, quam discretissimus Bartholomaeus Facius scripsit de rebus gestis a Rege Alphonso. Facium in describendis rebus ab Alphonso gestis imitatum fuisse G. Caesarem innuit Aeneas Piccolominus in notis ad librum II. Panormitae de dictis, & factis Alphonso Regis §. 13. Bartholomaeum Facium, qui gesta Regis scribit, adeo miror imitatum esse in genere dicendi G. Caesarem, quando ejus Commentarii Regi tantopere placent. Quod quidem ab aliis recentioribus observatum fuit. Folietia in Elogiis Cl. Ligurum: Factus vitam, & res gestas Alphonso conscripsit, quod unum, idemque est.

VII. Bartholomaei Facii ad Carolum Vintimilium Virum Clarissimum de Origine belli inter Gallos, & Britannos historia. Incipit Prologus: Quod me rogasti Carole generose. Historia vero: Diuturnum, atque atrox inter Gallos &c. Hujus meminit Gaddius de Scriptoribus non Eccl. pag. 183., ubi testatur eandem adservari in Bibl. Gaddiana Num. 48. De eadem quoque tractat in appendice ad primum volumen, ut observavit Apostolus Zenus Tom. IX. Ephemerid. Venet. Art. III. pag. 192., ubi ait eam a se visam in Bibl. Saibantis Veronae in membrana scriptam. Edita fuit a Camusato in Append. ad Bibl. Ciacconii pag. 883. seq. Vide Niceronum Tom. XXI. Memor., ubi perperam pro Britannos excusum est Hispanos. Consule Fabricium Tom. II. Bibl. med., & infimae aetatis Lib. VI. pag. 429. Ex verbis Facii a Gaddio in Append. ad Tom. I. prolatis eruitur historiam hanc ab indocto homine inepte, atque incondite scriptam, a Facio latinam fuisse redditam, & in aliquibus correctam.

VIII. Bartholomaei Facii de Viris aevi sui illustribus liber nunc primum ex MS. Codice in lucem erutus. Recensuit, praefationem, vitamque auctoris addidit Laurentius Mebus Etruscae Academiae Cortonensis Socius, &c.

Florentiae anno 1745. Ex Typographio Joannis Pauli Giovannelli. Supra in proemio hujus opusculi a me nunc primum in lucem producti probavi compositum ab Auctore nostro fuisse anno 1456. scilicet post absolutos libros decem Alphonsi Regis. Animadversum quoque a me fuit de hominibus non tantum in litteris, sed in unoquoque etiam genere aetate sua illustribus in eo tractari, memoratumque fuisse non solum a Facio, sed etiam ab Aenea Cardinale Senensi, Apostolo Zeno, Joanne Alberto Fabricio, Eminentissimo Quirino, & ab Oldoino, qui in *Atheneo Ligustico* pag. 92. *Virorum suo aetate illustrum narrationem* hunc libellum nuncupat. Praetereundum tamen non est pag. XV. ejusdem proemii perperam errore typographico impressum esse, Apostolum Zenum, Fabriciumque de hoc opusculo tractantes meminisse unius epistolae ab Aenea ad Facium scriptae, quum dicendum fuerit commemoratam a Cl. Viris fuisse utriusque epistolam, in qua de hoc opusculo tractatur. Vide *Tom. IX. Ephemeridum Venetarum* Art. III. pag. 193.

IX. *Arriani Nicomediensis novi Xenophontis appellati de Rebus gestis Alexandri Magni Regis Macedoniae libri octo summa diligentia ad graecum exemplar emendati, & innumeris, quibus antea scatebant, mendis repurgati Bartholomaeo Facio viro doctissimo interprete.* Putabat Thadaeus Ugoletus hanc versionem non a Facio, sed a Nicolao Sagundino factam fuisse. Hoc scribit Alexander Gabuardus Turcellanus in epistola ad Thomam Plovatium Patricium Constantinopolitanum data Pisauri MDVIII. Eid. Junii: *Thadaeus ille Ugoletus Parmensis vir in utraque pagina doctissimus me suis litteris admonuit legisse se alicubi Arriani interpretationem a Nicolao Sagundino facilitatam fuisse. At legerit fortasse Ugoletus, Bartholomaeum Facium ab eodem Sagundino in Arriano vertendo adjutum fuisse,*

quod

quod quidem Jacobus Curulus Genuensis auctor synchronus, Faciique amicissimus testatur in epistola ad Arnaldum Fensledam Equitem Hispanum Virum Cl., atque ornatissimum: *Assut ego* (inquit) *una saepius, quum Nicolaum Sagondinum, & Theodorum Thessalonicensem viros summos, & Graecarum, litterarumque Latinarum eruditissimos conveniret, & ab illis multarum rerum, quae Latinis obscuriora videbantur, explanationem exquireret, quae Vergerius absurde transtulisset, hique Arrianum multis laudibus efferrent &c.* Post Commentaria de rebus ab Alphonso gestis hanc Arriani ex Graeco versionem aggressum esse nos edocet ipsemet in proemio ad Alphonsum Regem: *Joabit me quidem duorum maximorum, & opulentissimorum aetatis suae Regum, omnisque memoriae facile Principum alterius facta celebrasse, alterius res graece scriptas latinas effecisse &c.* Item libellum de *Viris illustribus* ante Arriani versionem explicitum fuisse ex eo constat, quod pag. 8. de Petro Paulo Vergerio, ejusque versione, quam de Arriano fecerat, tractans, haec habet: *Sigismundi Imperatoris, ut ipsa scribit, rogatu Arrianum, qui res gestas Alexandri graece scripsit, & graeco in latinum vertit: nulla tamen elegantiae cura adhibita, idque de industria, ut scribit, ne Sigismundus, qui parum latine sciret, interpretis opera legens indigeret.* Ubi vides non meminisse suae versionis, quam non omisisset, si eam jam elaborasset. Nam in Jannotio Manetto pag. 19. commemorat libellum suum de *Excellentia hominis*, quod ante opusculum de *Viris Illustribus* elucubraverat: Jussu Regis Alphonsi, vel potius hortatu hanc versionem incoepit Facius: *In quo (sequitur Facius in proemio ad eandem versionem) si tibi Alphonse, & ceteris doctis hominibus satisfecero, hoc tibi Alexander merito debet, quod Arrianus suus, qui prius tantummodo*
grat.

Graecus erat, hunc etiam tuo sortatu latinus factus est.
 Sed quomodo res se se habuerit, ab Auctore nostro
 percipiamus. Itaque (inquit in eodem proemio) cum
 ad manus meas pervenisset Arriani ipsius traductio quae-
 dam non satis latina, neque Alexandri nomine, gloria-
 que digna, novae compositionis laborem assumere libuit.
 Nec vero est, quod Petrum Paulum Vergerium ejus tra-
 ductionis auctorem vituperem, quem unum ex doctis, &
 eloquentibus viris aetatis nostrae fuisse satis scio. Nam
 pro sua eloquentia, ut puto, si voluisset, & ornate, &
 commode hanc historiam, quemadmodum cetera, quae la-
 tine composuit, interpretari, ac tractare potuisset. Cete-
 rum ut a Sigismundo Imperatore Romano, qui parum do-
 ctus erat, sine cujuspiam adjumento posset intelligi (sic
 enim ab eo scriptum reperi) hanc historiam ita inculte
 de industria traduxit. Sed ut ille Sigismundi voluntati,
 qui exiguum Grammaticae, nullam eloquentiae cognitionem
 haberet, gerere morem studuit, sic ego tentare volui, an
 hic noster labor Alphonso Regi &c. Rem altius repetit
 Jacobus Curulus Genuensis in epistola ad Arnaldum Fe-
 noledam Equitem Hispanum, cujus verba nunc produ-
 cam: Inter quos (viros Litteratos) vidimus Aeneam
 Senensem Praefulem, qui postea Pius Summus Pontifex ef-
 factus est. Is quum apud Regem Legationis munere fun-
 geretur, videretque Regem tantopere libris affectum, in
 Germaniam rediens misit ad eum translationem quamdam
 Arriani Graeci rerum gestarum Alexandri scriptoris veris-
 simi, quem Paulus Vergerius vir doctissimus, & alioqui
 eloquentissimus in latinum verterat, sed barbarte, quo Si-
 gismundus Romanorum Imperator, apud quem illa tempe-
 state diversabatur, posset historiam intelligere, qui a dicendi
 suavitate, & elegantia penitus abhorreret. Is liber quum
 ad Regem nostrum fuisset perlatus, omnes, qui litteras
 profitebamus, magno cum desiderio illum legere incepimus.
 Ve.

*Verum orationis inconcinnitas plures & legendo deterrebat. At Rex sapientissimus cognito libri vitio continuo Facium voluit pro ejus dicendi facilitate, & ornatu negotium sumere ex barbaro latinum faciendi, quod jussu Regio, & suavis modo praestare haudquaquam recusavit. Mibi etenim indignum videbatur adeo singularem, adeo praestantem, & veram historiam adeo negligenter deperire. Ille autem tanto studio susceptum negotium amplexus est, ut in eo annis circiter tribus dies, & noctes incubuerit, summaque diligentia elaborarit &c. Huic versioni praecedat: Bartholomaei Facii in libros Arriani rerum gestarum Alexandri Regis ad Alphonsum Regem Aragonum Praefatio Incipit: Multi, Alphonsi Rex gloriosissime, Alexandri Regis Macedonis rerum Scriptores fuere &c. Initium versionis hujusmodi est: Ex omnibus rerum Alexandri Scriptoribus &c., editioque, quam praemanibus habeo, edita fuit Basileae in officina Roberti Winter mense Martio anno MDXXXIX. in 8. Nonnulla quoque ex Arriani Libro primo Bartholomaeo Facio interprete impressa fuere cum Aeliano Tigurino fol. per Andream Gesnerum F., & Jacobum Gesnerum fratres nempe a pag. 613. ad 621. Niceronus Tom. XXI. Memor. pag. 319. ex Apostolo Zeno Tom. IX. Ephemeridum Venerarum Art. III. commemorat editionem Pisauriensem anni 1508. impensa Hieronymi de Soncino fol., Lugdunensemque an. 1552. Hanc Arriani versionem a Facio compositam acerrime exagitat Bonaventura Vulcanius in Arriani edit. Graec. Lat. ex cusa anno 1575. ab Henrico Stephano fol. Nam in epistola ad Thomam Redigerum Silesium pag. 2. Facium nostrum *Asinum* appellat, doletque Arrianum in ejusmodi grassatoris manus incidisse, qui eum omni ornatu exutum adeo pannosum, laterumque nobis objecerit. Animadvertit insuper passim quamplurima de suo addidisse, quam-*

quamplurima summa quadam confidentia dempsisse, temere innumera pulcherrime ab Arriano dicta truncasse, conciseseque transtulisse, in aliis sexcentis locis a se non intellectis turpissime lapsus esse, ut alibi Arriani paraphrasim, alibi epitomen te legere putes, alibi ipsum Arrianum non agnoscas. Haec, aliaque his similia Vulcanius. Sed iniquissimam esse ejusdem censuram nos ostendisse putabimus, quum demonstrabimus Arriani versionem a Facio compositam opus posthumum fuisse. Id nos docet Jacobus Curulus in ea, quam supra memoravimus, epistola ad Arnaldum Fenoledam his verbis. *Itaque historiam ipsam latinam, & suavissimam reddidit. Facius, noster, cujus tamen quum quartam vix partem pressisset, reliquis tribus nondum satis eliminatis morte praeventus opus multis lituris abolitum, & vulneribus paene confossum reliquit. Quod vivens Alphonsus Rex haud multo antequam & ipse mortem obiret, recuperavit, ut aliquando tandem qualicumque modo restitueretur. Nunc autem Rege vita functo, quum essem, ut scis, Facio per familiaris, scriptaque sua, ut profecto magni facienda sunt, magnificerem, & admirarer, non sum passus banc tantam historiam, simulque hominis amicissimi ingentes labores, & vigilias deperire. Itaque quum tibi banc a Rege relictam hereditatem viderem, ut libros vehementer, & litteras adumares, librum paene extinctum in tui gratiam restituere curavi, & ut potui, emendatum exscripsi, ut historiam notione dignissimam cognoscere possis. Vides versionem imperfectam a Facio relictam fuisse, ac a Rege recuperatam, ut qualicumque modo restitueretur. Tandem mortuo Alphonso, ope Curuli emendatam, restitutamque, atque exscriptam ab eodem Curulo fuisse.*

X. Bartholomaei Facii epistolae. De his, superioribusque Facii operibus aliter inscriptis supra ad calcem proemii plura diximus.

B A R.



BARTHOLOMAEI

F A C I I

DE VIRIS ILLUSTRIBUS

L I B E R.



UM ab historiae componendae diu-
turnis laboribus aliquando requie-
scerem absolutis libris decem Al-
phonſi Regis, nec possem pro inge-
nio meo nihil agere, ne desidiae
reprehensionem incurrerem, ali-
quid hoc tempore scribere insti-
tui, quod & fastidium levaret,
& nostrî seculi hominibus pro-
bari posse videretur. Ex multis

autem, quae mihi occurrebant digna, quae posteritati
mandarentur, illud prae caeteris iucundum fore existi-
mavi, si de illustribus Viris aetatis, memoriaeque no-
strae scriberem. In quo illud saltem assequi me posse

A

arbi-

arbitratus sum, quod in ejusmodi Viris celebrandis multorum mihi mortalium gratiam compararem. Habet enim in se non parum voluptatis, ac fructus clarorum hominum cognitio, quorum exempla animos natura bene constitutos, quasi stimuli quidam ad decus, ad honestatem, ad gloriam concitant. Nam cum illorum nomen immortale factum alienis scriptis vident, & ipsi toto studio, ac nixu virtuti incumbunt, quo immortalem gloriam consequantur. Accedit eodem, quod cum nobis veterum exempla proponimus, subit animus desperatio quaedam, ne eorum gloriam adaequare valeamus, cum plane illos veluti Numina quaedam habeamus, atque admiremur: usque adeo à scriptoribus celebrati, atque illustrati sunt. Praesentes autem, etiam si excellentes, magnificique fuerint, quoniam in oculis nostris obversantur, nobis non omnino auferre spem videntur, quin jis vel virtute, vel gloria pares esse valeamus. Admirari autem soleo, cur ex tot seculis tam pauci de illustribus Viris scripserint, cum quidem singulis aetatibus aliqui scriptores extitisse debuerint, qui eos Viros, qui sua aetate in aliqua arte, aut studio excelluerunt, literarum monumentis commendarent, ut singularum aetatum praestantissimos quosque Viros scire possemus. Neque verò unquam ulla aetas adeo inculta, atque virtutum expers fuit, quin aliqui praeclari, atque praestantes Viri in ea extiterint. Sed quoniam caruerunt disertorum hominum praeconio, propterea illorum nomen una cum vita finitum est. Meum vero institutum fuit de cujusque facultatis, atque ordinis Viris claris memorare, qui tempestate mea claruerunt. Quod si fortasse quempiam per oblivionem, vel per inscientiam omiserò, ne sit quaeso, qui mihi succenseat. Post enim, ubi commeminero, vel admonitus fuero, in alterum librum conferetur. Ego tamen neque dignitatem,

ne.

neque excellentiam hominum in suo genere in iis commemorandis observabo, sed ut quisque mihi prior occurrerit, ita a me literis mandabitur. Unum illud curae fuerit, ut de singulis quibusque ordinibus, ac generibus seorsim scribam. Sic enim res, ut opinor, fiet cognitu jucundior. A Poetis vero, quoniam ii antiquissimi, & ante Oratores fuisse traduntur, scribere ordinar. Deinceps ad Oratores, ac ceteros ordines veniam.

ANTONIUS LUSCUS

VICENTINUS.

ANtonius Luscus Vicentinus heroico versu epistolas, atque epigrammata complura edidit, quae postea collecta filius & ipse doctissimus in octo libros digessit. Soluta quoque oratione adornata eloquentiae operam dedit. Scripsit in undecim Ciceronis orationes opus utile, ac vel doctis probatum. Scripsit item exempla quaedam, & veluti formulas, quibus Romana Curia in scribendo uteretur, quae etiam ab eruditissimis Viris in usum recepta sunt. Romam profectus in magna sui expectatione à Gregorio P. M. in Secretariorum Collegium admissus est. Ad multam senectutem vixit, nec unquam à poeticae studio cessavit.

ANTONIUS PANORMITA.

ANtonius Panormita in hoc genere clarus habetur. Allectus ab adolescentia poeticae, atque oratoriae suavitate, omissis legibus, illarum rerum studiis incubuit. In utro magis excelluerit, non facile iudices. Res gestas omnes antiquitatis memoria tenet. Lulit in Hermaphrodito Virgilii exemplo. Eodem ferme tempore scripsit in Antonium Raudensem ab eo lacesitus libellum elegiaco versu, quem inscripsit Rhodum, & item poematum, ac prosarum libros duos. Epigrammata quoque multa, & epistolas versu pulcherrimas edidit. Elegiam, quae perdu jacuerat, rursus in lucem excitavit. A Sigismundo Imperatore in Italiam profecto Poeta comprobatus laurea corona veteri more repetito donatus est. Non temere alius quispiam aliena in dicendo vitia, aut virtutes acrius animadvertit, quod ei aliquando a Leonardo Arretino doctissimo viro in praecipuam laudem tributum est. Alphonsi Regis, qui eo doctore perdu usus est, atque utitur, dicta, factaque memoratu digna quatuor libris explicuit. Permagnum librorum numerum ex omni bonarum artium facultate congeffit. Legationibus, ac summis honoribus Regis functus, quibuscumque Viris doctis, & probis potest, enixissime semper favit, ac faver.

FRAN.

FRANCISCUS PHILELPHUS

TOLENTINAS.

Franciscus Philelphus Tolentinas latinis, & graecis literis eruditus satyras centum scripsit, dedicavitque Alphonso Regi, a quo ob eam rem & multa pecunia, & equestri dignitate donatus est. Lyricorum quoque versuum grande opus magno impetu aggressus. A Francisco Sfortia Mediolanensium Principe conductus res ab eo gestas heroico carmine complexus est. Scripsit etiam prosa oratione symposium quoddam, ac de exilio libros tres. Orationes praeterea investivas plerasque. Lacedaemoniorum Rempublicam ex Xenophonte, Numae Pompilii, ac Licurgi vitas, & Apophthegmata ex Plutarcho in latinam linguam convertit.

MARRASIUS SICULUS.

Marrasius quoque Sicularum nonnulla ingeniosi poetae indicia edidit. Angelinetum poemam amatorium elegiaco versu composuit. Leonardi Arretini laudes carmine cecinit, fuissetque in hoc genere major evasurus, si poeticae studia persecutus esset. Sed medicinae deditus, ac deinde Sacerdos factus ab eo studio discessit.

TITUS STROCIUS

FLORENTINUS.

Tertio quoque Strozae Florentini nobilis adolescentis initia singularem quemdam Poetam nobis pollicentur. Cum ad prosam, & carmen natura aptus esset, elego carmine delectatus epistolarum librum de re amatoria elegantem composuit. Epigrammata quoque multa edidit, quae ab eruditis Viris laudantur.

JOVIANUS PONTANUS.

Succrescit aetati nostrae Jovianus Pontanus ex ea familia ortus, quae prope omnis ad poeticam nata est: Literarum latinarum doctissimus soluta oratione, sed magis carmine commendatur. Lyrico versu Catullum imitatus epigrammata quaedam praeclare conscripsit. Astrologiam opus multo laboris, atque ingenii hexametris versibus exorsus est. Ab adolescentibus quibusdam humanitatis studia ingredi cupientibus rogatus ludum aperuit. Propter doctrinae, ac virtutis opinionem ab Alphonso Rege in Johannis nepotis sui Navarrae Regis filii permagnae spei adolescentuli praeceptorem adscitus est.

DE

DE ORATORIBUS.

APoetis ad Oratores transgrediar. His enim maxime cum poetis illa cognatio, atque affinitas est, quod utrique circa vim, ac proprietatem verborum prope aeque defudant, & quod Poeta, nisi dicendi rationem teneat, jejuna, atque ineptus in concionibus videatur. Saepe enim in poemate orationes incidunt necessariae, vel ad concitandos, vel ad deprimendos animorum motus, ut ad varios affectus permovendos, quibus in rebus, quanta sit vis oratoris, dignoscitur. Sed oratorum semper utique major numerus, quam poetarum fuit, quod liberioribus adstricta numeris illorum dictio est, atque ideo contextu facilior. Quamquam si tria genera causarum persequeremur, quae antiqui oratores tractare consueverunt, fortasse non minus admirandus orator, quam poeta videretur. Sed ex tribus generibus unum modo oratoribus nostris relictum est. Nam & judiciale totum jureconsultorum est, & deliberativum omisimus. Neque enim amplius in Senatu, aut apud Principes eo utimur, sed vulgari sermone aut suadere, aut dissuadere aliquid nitimur. Caeterum omissa longiori disputatione de his auctoribus, qui temporibus nostris floruerunt, scribere persequar.

MANUEL CHRYSOLORA

CONSTANTINOPOLITANUS.

MAnuel Chrysolora Constantinopolitanus literas graecas, quae jam supra septingentos ferme annos in Italia obsoleverant, primus ad Latinos ex Graecia reportavit. Venetiis, Romae, Florentiae graecis literis quamplures eruditur litterarum quoque latinarum non ignarus. Platonis Politicorum libros, ut potuit, primus latinos fecit, quo divini illius Philosophi sapientiam nostris ostenderet. Magnam apud Italicos auctoritatem propter sapientiae famam adeptus, & ob id ad Constantiense Concilium à Joanne, qui tum erat Pontifex Maximus, a quo diligebatur, evocatus, in morbum incidit, quo affectus jam grandis natu mortem obiit.

PETRUS PAULUS VERGERIUS

Petrus Paulus Vergerius Justinopolitanus Juris Civilis in primis peritus fuit. Philosophiam quoque, & Mathematicas artes tenuit. Eloquentiam summo studio secutus in ea re excelluit. Graecas quoque literas attigit. Scripsit de ingenuis moribus librum unum valde laudatum tum rebus, tum ipso nitore verborum. Sigismundi Imperatoris, ut ipse scribit, rogatu Arrianum, qui res gestas Alexandri graece scripsit, e graeco in latinum vertit nulla tamen elegantiae cura adhibita, idque de industria, ut scri-

scribit, ne Sigismundus, qui parum latine sciret, interpretis opera legens indigeret. Carolum Malatestam invecus, Virgilii statua, quam ille Mantuae in foro everterat, quoniam gentilis fuisset, ut ibidem restitueretur, effecit. Sub extremum vitae tempus mente capus est, ita tamen, ut nonnunquam resipisceret. Apud Hungaros vitam finiit dignus & perpetua animi sanitate, & qui totam in Italia vitam scribens exegisset.

JACOBUS ANGELUS

FLORENTINUS.

Jacobus Angelus Florentinus ex Chrysolorae schola utriusque linguae peritus fuit. Ptolemaeum Cosmographum e graeco in latinum traduxit, Pompeii; ac Bruti vitas a Plutarcho scriptas latinas reddidit. Alia putatur fuisse scripturus, vel traducturus, nisi cum in ipso juventutis flore immatura mors oppressisset.

LEONARDUS ARRETINUS.

Leonardus Arretinus Graecis, ac Latinis literis in primis eruditus, nec Juris quoque civilis expertus fuit. Caeteras artes non aspernatus eloquentiae sese dedit. Poetarum quoque amator fuit. In Graecis literis Chrysolorae auditor multa scripsit, plura etiam Graeca Latina fecit,

cit, nec fere alius quisquam nostri temporis aequae multa monumenta industriae suae reliquit. Prima enim traductio Basilius fuit, quem Colucio Salutatio studiorum suorum adjutori dicavit, ex quo magnam sibi laudem eloquentiae peperit. Ex Demosthene orationes duas pro Corona, et alias octo in latinum transtulit. Rerum Florentinarum libros decem scripsit valde probatos. Scripsit & in hypocritas, & item de bello Italico, de origine Urbis Mantuae, de militia, de laudibus Urbis Florentiae. Orationem quandam etiam pro se ipso scriptam reliquit. Aristotelis Ethicorum, Politicorum, & Oeconomicorum libros denuo traduxit, ac latinos, cum prius semibarbari essent, reddidit. Marci Antonii, Caii Sertorii, Marci Catonis Uticensis, Tiberii, & Caii Gracchorum, Pirri Regis, Demosthenis, ac Pauli Aemilii vitas ex Plutarcho in latinum convertit. Aristotelis, & Marci Ciceronis vitas ex variis auctoribus sumptas composuit. Ex Platone Critonem, Phaedonem, Gorgiam, & epistolas nonnullas transtulit. Scripsit de literis, ac studiis ad Baptistam Malatestam matronam nobilem: Isagogicon moralis disciplinae, de recta interpretatione. Ejusdem est oratio in nebulonem maledicum; Laudatio Joannis Strozae Florentini, ac Dialogorum liber. Apud Pontifices Maximos diu Romae magno in honore fuit. Demum in Cancellarium Reipublicae a Florentinis receptus cum honorem, dum vixit, perpetuo gessit.

AMBROSIUS MONACHUS

FLORENTINUS.

Ambrosius Monachus Florentinus eloquentia claruit. Literarum Graecarum doctus Chrysostomum in vituperatores vitae Monasticae, & alia quaedam ejusdem opera latina reddidit. Diogenem Laertium Philosophorum quamplurium vitas, & egregia dicta memorantem Graeco in Latinum convertit. In Basileensi Concilio, quo aliquando profectus est superioris jussu, aliquot graves orationes habuit, ex quibus magnam laudem adeptus est. Ob haec, sed vel maxime propter vitae puritatem totius Ordinis sui Praefes creatus est.

NICOLAUS NICOLUS

FLORENTINUS.

Nicolaus Niculus Florentinus & ipse Chrysolae auditor in hujuscemodi virorum notis referendus est. Graecae, & Latinae linguae, omnisque antiquitatis studiosus picturam, statuariam, ac veterem elementorum formam, caeterasque artes nobiles, quae vel ingenio, vel manu artificum commendantur, quae jamdum apud nos consenuerant, in usum revocavit. Librorum quoque exornandorum inventor, operum Ciceronis, & aliorum illustrium Auctorum diligentissimus inquisitor fuit. Librorum magnam copiam tum Graecorum, tum Latinorum

cujuscumque artis, & doctrinae comparavit. Nihil tamen latine, aut graece scripsit scriptis veterum contentus. Moriens Bibliothecae, quae erat in Marci Evangelistae Templo, quam Cosmus Medices effecerat, libros suos, ut mortuus etiam viventibus prodesset, dedicavit.

CAROLUS ARRETINUS.

Carolus Arretinus latinae, ac graecae linguae doctissimus artem Rhetoricam pluribus annis Florentiae professus est, plusque temporis in docendo, quam in scribendo posuit. Carmen etiam adamavit. Homeri Myobatrachomachiam traduxit versu hexametro. Epistolas paucas admodum reliquit. Ob scientiae opinionem a Florentinis Cancellarius factus cum honorem gessit, quoad in vita fuit.

LEONARDUS JUSTINIANUS.

Leonardus Justinianus Venetus in hoc numero honestissimum locum tenuit. Epistolas multas, & orationes, in quibus unam illam nobilem, in Caroli Zeni funere a se habitam, scriptas reliquit. Philosophorum quoque amator Graecorum veterum more studijs suis musicam addidit, nonnullisque cantilenis amatorijs, ratione quoque cantus tradita, in juvenia primum editis, eam scientiam jam senior ad Mariae Virginis laudes totam retulit. Amplissimos in Republica honores consecutus, quotiens ei in Senatu dicendum fuit, (tanta erat ei in rebus, ac verbis

bis copia, tanta in pronunciando dignitas) sine fastidio prolixitatis audiebatur. Ex Plutarcho Ciceronis, & Luculli vitas in latinum transtulit. Divi Nicolai vitam ex graeco sumptam magna diligentia latinam fecit.

BAPTISTA ALBERTUS

FLORENTINUS.

Baptista Albertus Florentinus non eloquens modo, verum & ad omnes reliquas liberales artes natus videtur. Eloquentiae, ac Philosophiae Mathematicas addidit. Picturae studiosus, ac doctus de artis ipsius principijs librum unum edidit. Scripsit & de Architectura libros duos, quos intercoenales inscripsit. Inter Philosophos tamen magis, quam inter Oratores numerandus.

VICTORINUS FELTRENSIS.

Victorinus Feltrensis nobis inter hujusmodi Viros celebrandus est. Latinae simul, & Graecae linguae doctus Philosophiam amplexus est. Hisce artibus Mathematicas adjunxit. Ad docendos adolescentes conversus rhetoricae Professor multos erudivit, qui in claros viros evasere. Hac gloria contentus omne studium suum ad docendum, quam ad scribendum contulit. A Joanne Francisco Gonzaga Mantuanorum Principe accersitus ejus liberos erudivit, atque instituit.

N I.

NICOLAUS PEROTTUS

FANENSIS.

Nicolaum Perottum Fanensem Victorino merito subjunxerim. Fuit enim ejus auditor, & vel unus ex ijs, qui apud illum judicio omnium magis profecerit. Latinis, ac graecis literis eruditus, atque in primis eloquens habetur. Ex Polybio historico de primo bello Punico libros quinque, ex Plutarcho de fortuna, vel virtute Alexandri libros duos, ex eodem de Fortuna Romanorum librum unum, de differentia inter odium, & invidiam librum alterum latinis reddidit. Ejusdem est traductio Magni Basilii de invidia, Epieteti Enchiridion, Platonis liber de precatione, Hippocratis juramentum. Scripsit de arte metrica librum unum: de metris, quibus Horatius, & Boetius usi sunt, librum alterum. Epigrammatum item librum edidit.

GUINIFORTUS BARZISIUS.

Guinifortus Barzsius Gasparini filius, & ipse merito inter Oratores reponetur. Latina, ac graeca literatura ornatus inter disertos numeratur. Philosophia quoque excultus legum studia secutus est. Propter haec idoneus visus est Francisco Sfortiae Mediolanensium Principi, cui liberos suos erudiendos, formandosque commendaret.

LEO.

LEODRISIUS CRIBELLUS.

Leodrisius Cribellus Mediolanensis non parvum etiam in eloquentia nomen obtinet. Epistolis multis notus Francisci Sfortiae res gestas pro-
fusa oratione perscripsit, quas in libros digessit.

FRANCISCUS ARRETINUS.

Franciscus Arretinus utriusque linguae peritia simul, & dicendi laude in hoc ordine numeratur. Phalaridis Tyranni epistolas, quas ille graece scriptas reliquit, latinas effecit. Ex Chrysostomo Homelias super Joannem Apostolum, ex Origene Philocalia, idest flosculos quosdam, traduxit. A Poetarum studio non abhorrens epigrammatum librum edidit.

FRANCISCUS BARBARUS

VENETUS.

Franciscus Barbarus Venetus latinis, ac graecis literis praeditus Philosophiae quoque, & logicae operam dedit. Scripsit de re Uxoriam librum unum. Epistolarum, in quibus scribendis multam curam adhibuit, libros aliquot reliquit. Traduxit ex Plutarcho Aristidis, & Censorii Catonis

tonis vitas. Omnes in Republica Veneta honores summos est consecutus, legationibus multis honestissimis aditis non solum pacis, sed etiam belli muneribus.

ANTONIUS CASSARINUS.

Antonius Cassarinus Siculus latinis literis, ac graecis eruditus artem Rhetoricam aliquot annis Genuae professus est. Politicos Platonis libros, quoniam non satis latini sibi videbantur, neque digni, ut aiebat, Platonis eloquentia, novo labore assumpto latiniore fecit. Tamen morte praeventus emendare non valuit, quem librum Alphonso Regi dicavit. Symposium septem Sapientum e graeco in latinum convertit ex Plutarcho sumptum: Axiochum de morte ex Platone, quem Jacobo Curto familiari suo docto homini dedicavit. Transtulit quoque haec ex Plutarcho, Apophthegmatum videlicet libros duos, & item quomodo quis sine reprehensione laudare se possit: quomodo amicus ab adulatore dignoscatur: quae utilitas ex inimicis capiatur, de moderanda ira, cumque plura adhuc traducturus videretur, e vita concessit.

P O G G I U S

F L O R E N T I N U S .

Poggius Florentinus in hoc numero eloquentium Virorum singulare nomen obtinet. Scripsit de nobilitate, de avaritia, de Principum infelicitate, de moribus Indorum, facetiarum quoque librum unum. Ab adversariis exagitatus orationes plerasque invectivas edidit. In epistolis etiam laudatur. Cyripaediam, quam Xenophon ille scripsit, latinam reddidit, atque Alphonso Regi dedicavit, pro qua a Rege magnam mercedem accepit. Ejusdem est traductio Diodori Siculi historiographi ad Nicolaum Quintum Pontificem Maximum libri sex. Ingravescente aetate a Florentinis accitus mortuo Carolo Arretino in Reipublicae Cancellarium, quod honor apud Florentinos magnus habetur, susceptus est.

G U A R I N U S

V E R O N E N S I S .

Guarinus Veronensis praeceptor meus latine, ac graece juxta doctus non soluta modo oratione, sed etiam carmine commendatur. Plutarchum de liberis educandis ex graeco latinum fecit. Caesaris, & Alexandri vitas in latinum vertit ab eodem Plutarcho conscriptas. Orationes complures a se habitas vel in amicorum funere,

C

vel

vel in Magistratibus collaudandis edidit. Strabonem Cosmographum ex graeco in latinum vertit. Artem rhetoricam proficitur, qua in re supra quinque, & triginta annos sese exercuit. Ab hoc uno plures docti, & eloquentes viri facti sunt, quam a ceteris omnibus hujus ordinis, ut non immerito quidam de eo dixerit, quod de Isocrate dictum ferunt, plures ex ejus schola viros eruditos, quam ex Equo Trojano milites prodijisse. Quum ex Leonardo Arretino aliquando quaesitum esset, quem nam nostrae tempestatis doctum virum existimaret, unum sibi Guarinum videri respondit. Ejus quoque praestantiae singulare testimonium est epigramma hoc nobile Antonii Panormitae editum ab illo, quum vita functum audivisset:

Quantum Romulidae sanctum videre Catonem,

Quantum Cepheni volitantem Persea Caelo,

Alciden Thebe pacantem viribus Orbem:

Tantum laeta suum vidit Verona Guarinum.

Nicolao Marchioni Estensi, ac Leonello ejus filio, quem latinis, ac graecis litteris erudivit, percarus, ac perjucundus fuit.

JOANNES AURISPA

SICULUS.

Joannes Aurispa Siculus & ipse graece, ac latine doctus, atque eloquens habetur. Extant in hoc genere nonnulla ejus epigrammata. Hieroclem in Pythagorae carmina, quae aurea appellant, latinum reddidit. Apud Nicolaum Pontificem Secretarius in honore fuit. Ingentem librorum tum grae-

græcorum, tum latinorum numerum congeffit. Epistolarum librum edidit. Opuscula nonnulla Luciani, ac Xenophontis librum, qui Oeconomicus inscribitur, in latinum traduxit, quem Cicero adolescens, ut scriptum reliquit, e græco in latinum converterat.

JANNOTIUS MANETTUS

FLORENTINUS.

Jannotius Manettus Florentinus litterarum non latinarum tantum, & græcarum, sed etiam Hebraicarum cognitione laudatur. Scripsit de Viris senioribus omnium superiorum ætatum: de religione libros viginti quatuor. Scripsit item de dignitate hominis, quem librum Alphonso Regi dedicavit, nescius, ut ipse ait, de eadem re me paulo ante licet alio titulo scripsisse. Sacrarum quoque litterarum amator a Nicolao Pontifice inter Secretarios, & ab Alphonso Rege inter Consiliarios receptus est.

JACOBUS BRACELLEUS

Jacobus Bracelleus contrerraneus meus in hoc numero non in postremis censetur. Rerum antiquarum studiosus, & doctus scripsit de situ Liguriæ librum unum: item de bellis Januensium cum Aragonum Regibus. Ob ingenji, doctrinæque præstantiam a Januensibus Cancellarius factus grandem

dem epistolarum numerum publico nomine scripsit, quae valde laudantur. Moderatione animi civibus meis carus, & jucundus.

BESSARION GRAECUS

Bessarion Graecus Cardinalis graece, ac latine doctus, atque in primis eloquens Metaphysicorum Aristotelis librum e graeco in latinum transtulit, effecitque, ut quum prius obscurus, & impolitus esset, nunc denique clarus, ac latinus videatur. E Xenophonte Socratis dicta, factaque memoratu digna in latinam linguam convertit. Philosophia quoque excultus Theologiam summo studio amplexus est. Religione vitae, ac sanctimonia Cardinalem dignitatem consecutus.

GEORGIUS TRAPEZUNTIUS

Nec Georgius Trapezuntius nobis praetereundus est. Latinae linguae, ac graecae multam cognitionem habet. Artem rhetoricam Venetiis, ac Romae pluribus annis docuit. Nec modo rhetoricae, verum & mathematicarum artium doctus multa composuit, plura etiam ex Graecis traduxit. Scripsit compendium artis grammaticae ex Prisciano, Dialecticae praecepta, de suavi genere orationis, de consolatione, de Spiritus Sancti processione contra Graecos, librum Rhetoricorum, in orationem Q. Ligarii, in Almagestum Ptolemaei, in Centiloquium ejusdem commentarios. Chrysostomum in Evangelium in latinum vertit, Cyrillum in Evangelium

gelium Joannis, ejusdem Cyrilli Thesauros, Eusebium de Evangelica Praeparatione, Platonis leges, orationem Demosthenis pro corona, Athanasii, ac Basilii vitas ex Gregorio Nazianzeno, ex Aristotele Rhetoricorum libros; ac Physicorum libros, de generatione, & corruptione, ex eodem Metheororum, ac Metaphysicorum libros; Problemata de Caelo, & Mundo, de anima, de animalibus: ex Basilio vero de vita Moysis, de Spiritus Sancti processione ad Amphilochem, librum in Eunomium. Eugenio, ac deinde Nicolao Pontificibus Maximis carus in Secretarium Apostolicum admissus est.

NICOLAUS SAGUNDINUS

CALCIDENSIS.

Nicolaus Sagundinus Calcidensis in hoc coetu singulare nomen obtinet. Litterarum graecarum, ac latinarum scientia aequè clarus scripsit de latinae linguae, ac graecae cognatione, de origine, ac Sectis Philosophorum. Scripsit item in Aristotelem, quod non tam amore veritatis, quam gloriae cupiditate Platonem impugnaverit, orationem ad Alphonsum Regem, de natura, ac moribus Mahometi Turcarum Principis, Urbis Atheniensium situm, epistolas plerasque ad familiares. Orationes nonnullas Demosthenis latinas fecit. Quaedam etiam graece non aspernenda composuit. Onofandrum de Imperatoris officio latinum reddidit. Florentino Concilio, quo ...⁽¹⁾ Graecorum Imperator Eugenio Pontifice Max. cum Graeciae Principibus Viris convenit, propter scientiae, ac probita-

¹ Deest nomen Imperatoris, qui vocabatur *Joannes Palaeologus*.

bitatis opinionem interpres delectus inter Græcos, ac Latinos argumenta singula, quæ fuere prope innumeralibilia, & varia pro rerum magnitudine, ac pondere utrinque prolata, vel confirmando, vel confutando statim, ut erant enuntiata, sine mora fidelissime interpretabatur, idque hoc magis mirum visum est, quod de recondita, atque intima Theologiae parte, idest de Spiritus Sancti processione disputatio habebatur. Cujus rei fama, adjuncta opinione bonitatis, a Venetis in Secretarium adscitus est.

HIERONYMUS TIFERNAS

Hieronimus Tifernas Physicus latina simul, & graeca doctrina praeditus insignis existimatur: nec profa solum oratione notus, sed etiam carmine. Orationem habuit luculentam Ferrariae ad Fridericum Imperatorem de illius laudibus, ac funebrem ad Leonellum Ferrariensem Principem litteratissimum de Mariae uxoris Alphonſi Regis filiae obitu. Alias etiam quamplurimas orationes, atque epistolas edidit. Omnis praeterea Philosophiae doctus medicinae studia persecutus inter Medicos clarus evasit.

LAMPUS BIRAGUS

Lampus Biragus Mediolanensis hūc Viris dī-
 fertis adjicietur. Latine doctus graecas quo-
 que litteras persecutus est. Xenophontis librum,
 qui Oeconomicus inscribitur, & ipse latinum
 reddidit. M. Bruti epistolas graece scriptas
 latinas fecit. Militiae quoque operam dedit, neque in-
 ter militares labores litterarum studia praetermisit. Dio-
 nysium Halicarnasense de Origine Romanorum e graeco
 in latinum vertit.

LAURENTIUS VALLA

Laurentius Valla Romanus artem rhetoricam
 diu tum Neapoli, tum Romae professus est.
 Multa legit, multa etiam litteris mandavit.
 Scripsit de elegantia latinae linguae, quem li-
 brum Elegantiarum inscripsit; de summo bono,
 quod in voluptate constituit. In Dialectica quoque non-
 nulla, quae logicae repastinationem appellavit. Contra
 donationem Constantini Ecclesiae Romanae factam li-
 brum edidit. Linguae praeterea graecae doctus Thucy-
 didem gravissimum apud Graecos historiarum scriptorem
 in latinum convertit, quem Nicolao Pontifici Max.
 dedicavit. Herodotum deinde historiographum elegan-
 tissimum latinum a se factum Alphonso Regi detulit, a
 quo multa pecuniae muneratus est.

P E.

PETRUS CANDIDUS

MEDIOLANENSIS.

Petrus Candidus Mediolanensis latinis, ac graecis litteris eruditus nobis in hunc coetum clarorum hominum referendus est. Scripsit epistolarum libros decem, & septem, declamationum libros duos, Peregrinae historiae libros quinque, Nocturnalium libros totidem. De Philippī Mariae vita, de Nicolai Picinini, de Mediolanensium laudibus libros singulos, orationem funebrem ad Leonellum Marchionem Ferrariensem, Romanarum historiarum epitoma. Ex graeco autem in latinum vertit Politicorum Platonis libros decem; ejusdem de amicitia librum unum, Homeri vitam, ex ejusdem Poetae Iliade libros quinque, Appiani Alexandrini primae partis libros quatuor, ejusdem Illyrici, ac civilium bellorum libros sex, quos Alphonso Regi dedicavit. Romam profectus a Nicolao Pontifice Max. Litteratorum Patre Secretariorum ordini adjectus est.

TIMOTHEUS

VERONENSIS.

His adjiciendus est Timotheus Massaeus Veronensis Canonicus Regularis non sacris modo litteris, verum & liberalibus eruditus. Extat ejus liber unus in Monachos saecularium Auctorum studia vituperantes, quem Nicolao Pontifici Max. dedicavit. Extant & ejus nonnulli.

nullae orationes, & epistolae ad amicos laudatae. In praedicationibus rerum divinarum excellens, maximeque celebris habetur.

J O A N N E S A R R E T I N U S.

His addiderimus Joannem Arretinum latinae, graecaeque linguae doctum, ac in primis disertum. Theologiae quoque, & Philosophiae Doctor Nicolao Pontifici Max. gratissimus fuit, & ab eo in Cubicularium adscitus Commentarios artis grammaticae edidit. Scripsit de origine medicinae librum unum. Alia nonnulla ex Graecis sumpta latina effecit, quae a doctis commendantur.

G R E G O R I U S

T I F E R N A T I S.

Gregorius Tiferhatis, quam nunc urbem Castellanam vocant, graecae latineque doctus, simulque eloquens Philosophiam, & Mathematicas eloquentiae adjunxit. Medicinae quoque operam aliquandiu dedit. Romam ad Nicolaum Pontificem Max. profectus apud eum in precio fuit. Ethicorum Aristotelis ad Eudemum libros octo Pontificis jussu latinos fecit: Ethicam item alteram,

D

ram,

ram, quam ipse idem Aristoteles magna Moralia inscripsit. Ex Luciano quoque nonnulla in latinum convertit. Strabonem Cosmographum ejusdem Pontificis rogatu ex graeco in latinum transtulit.

A E N E A S S E N E N S I S.

Aeneas Senensis ejusdem urbis Episcopus his Viris illustribus merito annuorandus est liberalibus disciplinis, sacrisque instructus, & in primis eloquens. Scripsit de Regia educatione, de militia Curialium, ita cum librum inscribit, de auctoritate Concilii per dialogum libros singulos. Scripsit item de regibus, de actis clarorum hominum ad Alphonsum Regem. Secretarius trium Pontificum Felicis, Eugenii, ac deinde Nicolai a Friderico Imperatore Romanorum in Secretarium, & Consiliarium receptus est. Germaniam, quae Natio diu Romanis Pontificibus minus obsequens fuerat, obsequium Eugenio primum, ac mox post Eugenii mortem Nicolao Quinto ipse Legatus a Germanis detulit. Inter ipsum quoque Fridericum, atque Alphonsum Regem affinitatem junxit. In conventu apud Germanos acto causa expeditionis in Turcas Imperatoris locum tenuit.

J A C O B U S

CREMONENSIS.

Jacobus Cremonensis nobis in hoc numero rep-
nendus est, qui & ipse latinae, graecaeque lin-
guae eruditus eloquentia valuit. Philosophiae,
quoque, & Mathematicarum artium haud in-
fcius Archimedis nonnulla opera ex graeco in
latinum vertit. Ex Diodori Siculi, quem supra no-
minavimus, historiis libros octo latinos fecit. Quam-
alia ex eo expectarentur, ex hac vita creptus est.

THEODORUS GRAECUS

THESSALONICENSIS.

Theodorus Graecus Thessalonicensis utriusque
linguae doctus, sed in graeca maxime prae-
cellens huic ordini annumerandus est. In
transferendis graecis diligentissimus, Nicolai
Pontificis Max. rogatu, apud quem in ma-
gno precio, & honore extitit, Aristotelis problemata,
& Alexandri Aphrodisaei, & celebrem illum de Ani-
malibus librum, ac Theophrastum de plantis in libros
decem digestum e graeco in latinum traduxit, ipsique
Pontifici dedicavit. Ejusdem est traductio Mauritius de

militari in duodecim libros distinctus ad Alphonsum Regem, a quo receptus annuo salario honestatus est. Ejusdem est traductio Aelianus & ipse de re militari ad Antonium Panormitam. Praeter haec Philosophiae doctus Medicinae quoque operam dedit, ex quo & inter physicos non immerito referendus videtur.

G A S P A R I N U S

B E R G O M E N S I S.

GAsparinus Bergomensis unus ex iis vel in primis fuit, qui consopitam diu eloquentiam excitaverunt. Arte rhetorica perdu tum Paduae, tum Mediolani adolescentes instituit: lingua tamen, & sermone, quam scriptis clarior. Scripsit de orthographia librum unum. Orationes multas scriptas reliquit non modo suo ipsius, sed etiam alieno nomine. Scripsit item de compositione, & elegantia praecepta quaedam non inutilia iis, qui humanitatis studia ingredi cupiunt. In epistolas Senecae commentaria reliquit. Jam grandis natu mortem obiit.

DE

DE JURIS
CONSULTIS.

Nunc de Juris Consultis dicendum. Iis etenim
suus dandus est honor, quorum studia perti-
nent ad conservationem societatis humanae,
atque ob eam quidem causam semper ejus-
modi Viri in civitatibus bene constitutis
summo honore affecti sunt. Frustra enim aedificaremus
urbes, nisi eadem stabilitae essent, atque innixae le-
gibus, quae ut bonis praemia, ita malis supplicia de-
cernant. Quod si qui reperti sunt, qui iis perperam
utantur, easque ad bonorum perniciem convertant, non
leges ipsae, sed qui illis male utuntur culpandi sunt.
Sed sane admodum pauci hac nostra tempestate memo-
riaque floruerunt, nec porro tam multi, ut in dicendo,
aut in scribendo Oratores gloriam consecuti sunt, sive
quod ars illa sit cognitu difficilior, sive, quod multi
propter angustias rei familiaris, magnam enim libro-
rum vim postulant haec studia, amplecti non possunt.
Ceterum his omissis de hujusmodi Viris dicere va-
leamus.

FLO-

F L O R I A N U S

B O N O N I E N S I S .

Floriani Bononiensis in hoc genere amplissimum nomen fuit. Jus Civile multis annis Bononiae magno ad se undique concursu docuit. Commentaria in leges quasdam scripta reliquit, quae valde probata in causis gravioribus magnum auctoritatis locum obtinent. Ejus est summa, ac singularis laus Aquiliae Legis famosissimae interpretatio. Ad multam senectutem vixit, nec unquam ab hac professione cessavit.

J O A N N E S

I M O L E N S I S .

Fuit & in magno honore, & existimatione, Joannes Imolensis. Bononiae multo tempore publice instituit. In eorum paene Jus Civile, ac Pontificium commentaria edidit, quae in magno precio habentur. In utra vero facultate praestantior fuerit, haud facile judicium est. Multum vixit, nec unquam hoc vitae genus deseruit.

AN.

A N T O N I U S

B U T R I E N S I S.

ANtonius Butriensis Juris Civilis scientia, cujus Bononiae Professor fuit, late cognitus est. Juris quoque Pontificii in primis peritus fuit, in qua facultate quosdam etiam commentarios reliquit valde probatos. Multi ejus Viri doctrina in utroque Jure praestantes facti sunt. Id unum in eo Viro notandum est, quod neminem unquam, adeo excellere homines in eo studio volebat, ut Doctoratum dignum in examine comprobavit.

R A P H A E L F R U G O S I U S

P A T A V I N U S.

RAphael Frugosius Patavinus in hoc ordine celebris fuit. Ingentem ex omnibus Orbis terrarum partibus Auditorum concursum habuit propter nominis sui gloriam. Erat in legibus exponendis disertus, atque elegans Juris Consultorum veterum elegantiam sequens. Multa hujus Viri consilia laudantur, atque in usu habentur. Commentarios etiam in quasdam leges condidisse fertur, quorum magna est apud omnes auctoritas. Denique Paduae publice docens consenuit.

R A.

R A P H A E L

COMENSIS.

RAphael alter Comensis eadem tempestate in hac scientia claruit, & ipse Patavii docuit, fuitque tanta utriusque praestantia, ut quum quis illos nominaret, duos Raphaelles, perinde ac duos Laelios, aut duos Catones diceret. Hujus quoque ingenii, ac scientiae eximia documenta sunt responsa quaedam de maximis, & gravissimis causis tradita. Nonnullas praeterea leges interpretatus est. Hi duo Raphaelles mirum dictu, quum dju Paduae Jus Civile docuissent, in eadem urbe eodem anno mortui sunt.

FRANCISCUS ZABARELLA

PATAVINUS.

FRancisci Zabarellae Patavini nomen in Jure Pontificio praeclarum est, in quod etiam cum magna sua laude commentatus feretur. Propter singularem famam a Martino Quinto Pontifice Max. inter Cardinales cooptatus magnam auctoritatem tenuit.

PAU.

P A U L U S

C A S T R E N S I S.

Paulus Castrensis inter primos legum Bononiae, Paduaeque celebratus est. Sed & consilia, quae de gravissimis causis edidit, illum nonnihil illustriorem reddiderunt, quae apud ipsius facultatis peritos magnum sibi auctoritatis locum vendicarunt. Nonnulla etiam in leges scripta reliquisse fertur, quae valde laudantur.

L O D O V I C U S

P O N T A N U S.

Lodovicus Pontanus Juris consultus in primis scientissimus fuit. Aliquot annis tum Bononiae, tum Florentiae, tum Senis publice conductus leges professus est. Memoria incredibili fuit. In disputatione, in causis gravioribus mirum est, quot legum capita memoriter recitaret. Extant ejusdem consilia in causis amplissimis, quarum patrocinium suscipiebat, & de quibus consuli solitus, magna doctrinae ejus argumenta. Scripsit etiam aliqua in leges, quae valde probantur. Quum plura editurus videretur, juvenis adhuc ad Basileense Concilium cum Nicolao Siculo Alphonſi Regis Legatus profectus e vita discessit.

NICOLAUS SICULUS

A B B A S.

Nicolaus Siculus Abbas appellatus Juris Pontificii sine controversia omnium nostri temporis doctissimus judicatus. Bononiae, ac Senis publice docens magnam Auditorum frequentiam habuisse fertur. Juris quoque Civilis non ignarus fuit. Multa circumferuntur ejus doctrinae monumenta. Alphonsi Regis Legatus una cum Lodovico Pontano in Basileensi Concilio, quod contra Eugenium Pontificem Max: institutum fuerat, ingentem laudem, & gloriam consecutus est.

DE

DE MEDICIS.

Juris Consultis aequissimo jure, ut mihi quidem videtur, Medici proxime adjiciuntur. Ut enim illorum Rempublicam regere, & conservare legibus, ac sanctissimis institutis, sic medicorum officium est bonam civium valetudinem suis artibus tueri: & quemadmodum illi civiles discordias, & intestinas seditiones, sic hi morbos, atque aegritudines tollere, ac sanare omni ingenio, atque industria conari debent, atque haud scio hi ne magis, aut illi humano generi profint. Nam neque sine legibus civitas stare, neque sine Physicorum artibus valetudo perpetuo conservari, aut amissa recuperari potest, ob eamque causam in bene institutis civitatibus summus semper honos his duobus hominum generibus habitus est. Quamquam Juris consultis aliquanto major, quod eorum actio honestior sit, & magno Viro, clarioque dignior, ex quo quidem plures amplissimo genere Viros in legum studiis versatos, & quotidie versari videmus. Nam quod ad scientiam pertinet, nihil profecto dici potest cum re ipsa praestantius, tum cognitu jucundius. Quid enim altius ipsarum indagatione, & cognitione causarum, rerumque omnium, quibus universa natura continetur? Quid ingeniosius, quam corporis nostri compositionem, structuram, ordinem, tum ipsas aegritudinum causas ratione comprehendere? Quid porro decentius, quam quibus remedijs tam varia, tamque diversa morborum genera curentur, agnoscere? Quid denique beatius, quam eorum omnium, quae animata, & quae inanimata sunt, vim, ac proprietatem

tem sapere ? Sed de hac re nobis satis hoc loco dictum sit. Non erit autem indecens, ut arbitror, claros aliquot Philosophos, & Theologos Medicis adjungere, quandoquidem absque Philosophia Medici esse nulli possunt.

M A R S I L I U S

B O N O N I E N S I S

Marsilius Bononiensis in medicina temporibus nostris floruit, vir & ingenio, & doctrina singulari. Ejus operâ multi praestantes medici effecti sunt, nec quidquam est in tota philosophia, & medicorum artibus, quod ignorasse existimetur, scientia quidem admirabilis, ceterum in docendo, quam medendo admirabilior habitus. Namque omne prope vitae tempus in docendis adolescentibus posuit, ex eaque re magnam laudem, & gloriam adeptus est. Scripsit & ipse multa de hac ipsa facultate, quae doctorum judicio comprobantur.

J A C O B U S

F O R I L I V I E N S I S.

Jacobus Foriliviensis singulari inter Medicos fama, ac nomine apud Patavinos in magna auditorum copia physicas artes, ac medicinam professus est. Ceterum artes ipsas magis ad scientiam, & doctrinam, quam ad exercitationem retulit. In docendo occupatus raro aegrotantibus ope-

operam exhibebat. Multos viros erudit, qui clari evaserunt. Magno in honore non solum apud Venetos, sed etiam apud omnes Italicos fuit, & quamvis usque occupatus in docendo, multa tamen scripsit in physicis, quae valde laudantur, praecipue librum unum, quem de physicis quaestionibus inscripsit.

ANTONIUS CREMISONUS

PATAVINUS.

ANtonius Cremisonus Patavinus inter paucos memoriae meae Medicos numeratus est. Paduae physicorum scripta, & ceteras Medicorum artes in publico Auditorio perdiscebat. Multis tamen claris Viris aegrotantibus operam dedit. Plusquam ceteri superiores ad usum, & exercitationem eam scientiam convertit. Nec id tamen avaritiae, aut quaestus causa: nihil enim pro mercede postulabat. Litteris tamen nihil mandavit satis de hisce rebus a veteribus traditum esse arbitratus.

UGO SENENSIS.

UGo Senensis magno in primis vir ingenio, ac memoria singulari, tum scientia incredibili, dialecticae, atque omnium artium peritissimus Senis, Bononiae, Papiac, Paduae, Florentiae ingenti Auditorum frequentia medicas artes adolescentes publice docuit, magisque eam scientiam ad docendum, quam ad medendum junior

nior contulit. Senior postmodum aegrotantibus frequentius operam dedit. Ejus consilia circa aegritudines quasdam pro Hippocratis dictis habentur. Id unum in primis de hoc Viro admiratione dignum praedicatur. Quum aliquot egregij Medici neptem ejus Senis aegrotantem viserent vi morbi paene consumptam, peregre adveniens, ut urinam contemplerentur, rogat. Ipse deinde accuratius inspicit, post quid morbi sit, ex ijs quaerit, qui quum dixissent, quod sentirent: O infelicem, inquit, feminam, cujus aegritudo ignorata sit! Conversusque ad eos: haec, inquit, matricem corruptam habet, & sanari potuit, si congrua ab initio remedia adhibita fuissent. Nunc vero ea parte corporis prorsus putrefacta, nulla jam ratione amplius sanari potest, nec ultra quadragessimam horam fomentis ullis in vita retineri; secutaque mulieris mors hora, quam praedixerat, ipsum postea admirabiliorem inter medicos reddidit. Scripsit nonnulla in medicina, & physicis, quae apud medicos in precio habentur.

B R A N C A P A T E R,

ET ANTONIUS BRANCA FILIUS

218741172.003
S T C U L I.

Singulari quoque memoria dignos putavi, & in hunc numerum referendos Brancam Patrem, & Filium Siculos Chirurgicos egregios, ex quibus Branca Pater admirabilis, ac prope incredibilis rei inventor fuit. Is excogitavit quo nam modo defectos, mutilatosque natos reformaret, suppleretque, quae omnia mirâ arte componebat. Ceterum Ant-

Antonius hujus filius pulcherrimo patris invento non parum adjecit. Nam praeter nares, quo nam modo & labia, & aures mutilatae. refarcirentur, excogitavit. Praeterea quod carnis Pater secabat pro sufficiendo naso ex illius ore, qui mutilatus esset, ipse ex ejusdem lacerto detruncabat, ita ut nulla oris deformitas sequeretur, in secto lacerto, & in eo vulnere infixis mutilati nasi reliquiis usque arctissimo constrictis adeo, ne mutilato commovendi quopiam capitis potestas esset, post quintum decimum, interdum vicesimum, dum carnunculam, quae naso cohaeserat, defectam paulatim, postea cultro circumcisam in nares reformabat tanto artificio, ut vix discerni oculis junctam posset, omni oris deformitate penitus sublata. Multa vulnera sanavit, quae nulla arte, aut ope medica sanari posse videbantur.

N I C O L A U S

F A B I A N U S

Nostris etiam temporibus in Philosophia floruit Nicolaus Faba, cujus scientiae multis annis Bononiae professor fuit multorum Auditorum concursu celeberrimus, ex quibus multi ejus diligentia, atque opera docti evaserunt. Nihil tamen composuit, quod posteris proderet. In disputando acer, ac subtilis existimatur.

PAU.

P A U L U S

V E N E T U S.

PAuli Veneti illustre nomen fuit. Philosophiam & ipse professus plerosque adolescentes Veneriis, ac Paduae ornavit. Multa in omni Philosophia scripta reliquit, quae valde utilia existimantur. In Theologia quoque non obscurus est habitus. Viam ad Dialecticam facilem, & adolescentibus perutilem brevibus quibusdam praeceptis aperuit, quae in magno usu sunt.

A N D R E A S

M E D I O L A N E N S I S.

Andreas Mediolanensis ex D. Augustini Ordine inter Philosophos, ac Theologos clarus Senis, & alibi Philosophiam professus est. Studia quoque humanitatis coluit: historiam sui temporis scripsit, in qua, quae sua aetate contigerint, annotavit. Volumen praeterea de verborum Latinorum interpretatione haud parvum reliquit. Inter Oratores non multo minor, quam inter Philosophos, judicatus, ex praedicationibus quoque magnam laudem promeruit.

J O A N N E S

EX MONTE NIGRO

J E N U E N S I S .

Inter Philosophos , ac Theologos nostri temporis non mediocrem locum tenuit Joannes ex Monte Nigro Jenuensis , cujus praestantia non solum in docendo Jenuae cognita est , verum etiam alibi , Florentiae praesertim , quo tempore Graecorum Concilium in ea urbe celebratum est . Hic enim unus ex iis paucis fuit , qui communi consensu totius Conventus ad Graecorum errores confutandos delecti sunt , in qua disputatione superatis Graecis ingentem laudem , & gloriam adeptus est .

B E R N A R D I N U S

S E N E N S I S .

Senae Urbs Etrusca Bernardino Theologo , ac Philosopho non parum illustratae sunt . Magnus hic memoria nostra , atque admirabilis Vir in praedicando visus est . Quocumque se conferebat , totum populum in se convertebat . Fuit in praedicando copiosus , ac vehemens , memoria incredibili , pronuntiatione adeo apta , ut nunquam satietatem circumstantibus sermo ejus asferret . Porro autem ita firma , & constanti voce , ut nunquam inter dicendum deficeret , quodque mirum est magis , in maximo hominum conventu , at-

F

que

que frequentia ita ab eo, qui erat remotissimus, quemadmodum ab eo, qui erat proximus, facile exaudiebatur. Multos oratione sua ex sordidissima vitiorum sentina extraxit, multorum animas varijs morbis affectas sanavit, plerasque etiam contemptis rebus humanis ad Religionis amorem perduxit, quibus meritis, tum vitae puritate, ac sanctitate a Nicolao Quinto Pontifice Max. in Sanctorum numero relatus est.

R A P H A E L

P R O N A S S I U S .

RAphael Pronassius natione Jenuensis Ordinis D. Dominici dialecticae, ac Philosophiae, itemque divinarum rerum artibus ornatus inter Theologos nostri temporis singularis judicatur. Rerum antiquarum studiosus, earum, maxime, quae ad mores, & Religionis cultum pertinent, Platonis, Aristotelis, ac ceterorum Philosophorum veterum scripta, quae consentire cum Evangelijs, & Christi veri, ac summi Dei nostri dictis viderentur, in unum volumen collegit, dictaque cum dictis contulit, ut Summam Sapientiam, hoc est Dei Verbum, ac Filium omnium Philosophorum sententias non acquasse modo, sed etiam superasse doceat. Scripsit item alia, quaedam in eo genere non contemnenda. In disputationibus subtilis, atque acerrima vitae innocentia, ac puritate.

DE PICTORIBUS.

Nunc ad Pictores veniamus, quamquam fortasse convenientius fuit, ut post Poetas Pictores locarentur. Est enim, ut scis, inter Pictores, ac Poetas magna quaedam affinitas. Neque enim aliud est pictura, quam poema tacitum: namque in inventione, ac dispositione operis utriusque cura propemodum par, nec Pictor ullus praestans est habitus, nisi qui in rerum physicarum proprietatibus effingendis excelluerit. Aliud enim est superbum pingere, aliud avarum, aliud ambitiosum, aliud prodigum, & reliqua item hujusmodi, atque in his proprietatibus rerum exprimendis tam Pictori, quam Poetae elaborandum est, & in ea sane re utriusque ingenium, ac facultas maxime agnoscitur. Nam si avarum fingere quis volens leoni, aut aquilae illum comparaverit, aut si liberalem lupo, aut milvio, is nimirum, siue Poeta, siue Pictor fuerit, desipere videatur. Oportet enim comparatorum naturam similem esse. Et sane saepe saepius magnus honos nec immerito picturae fuit: est enim ars magni ingenii, ac solertiae, nec temere alia inter operosas majorem prudentiam desiderat, utpote quae non solum, ut os, ut facies, ac totius corporis lineamenta, sed multo etiam magis interiores sensus, ac motus exprimantur postulat; ita ut vivere, ac sentire pictura illa, & quodammodo moveri, ac gestire videatur. Alioquin similis fuerit poemati pulchro illi quidem, & eleganti, sed languido, & nihil moventi. Verum ut non satis est poemata pulcra esse,

quemadmodum ait Horatius, oportet enim dulcia sint, ut quacumque in parte velint, animos hominum, sensusque permoveant, ita & picturam non solum colorum varietate exornatam, sed multo magis vivacitate quadam, ut ita loquar, figuratam esse convenit, & quemadmodum de pictura, ita & de sculptura, fusura, architectura, quae omnes artes a pictura ortum habent, dicendum est. Nec enim quisquam probatus in his generibus artifex esse potest, cui pingendi ratio ignota sit. Ceterum praetermissa longiori disputatione de iis paucis Pictoribus, atque Sculptoribus, qui hac aetate nostra claruerunt, scribere pergamus, ac de infinitis eorum operibus ea solum attingemus, quorum clara notitia ad nos pervenit.

G E N T I L I S :

FABRIANENSIS.

Gentilis Fabrianensis ingenio ad omnia pingenda habili, atque accommodato fuit. Maxime vero in aedificiis pingendis ejus ars, atque industria cognita est. Ejus est Florentiae in Sanctae Trinitatis Templo nobilis illa tabula, in qua Maria Virgo, Christus infans in manibus ejus, ac tres Magi Christum adorantes, muneraque offerentes conspiciuntur. Ejus est opus Senis in foro eadem Maria Mater Christum itidem Puerum gremio tenens tenui linteo illum velare cupienti adsimilis: Joannes Baptista, Petrus, ac Paulus Apostoli, & Christophorus Christum humero sustinens mirabili arte, ita ut ipsos quoque corporis motus, ac gestus repraesentare videatur. Ejus est opus apud Urbem-veterem in majore Tem-

Templo eadem Virgo, & Christus infantulus in manibus ridens, cui nihil addi posse videatur. Pinxit & Brixiae facellum amplissima mercede Pandulpho Malatestae. Pinxit & Venetijs in Palatio terrestre praelium contra Friderici Imperatoris filium a Venetis pro Summo Pontifice susceptum, gestumque, quod tamen parietis vitio paene totum excidit. Pinxit item in eadem urbe turbinem arbores, ceteraque id genus radicitus evertentem, cujus est ea facies, ut vel perspicientibus horrorem, ac metum incuriat. Ejusdem est opus Romae in Joannis Laterani Templo Joannis ipsius historia, ac supra eam historiam Prophetarum quinque ⁽¹⁾ ita expressi, ut non picti, sed e marmore facti esse videantur, quo in opere, quasi mortem praesagiret, seipsum superasse putatus est. Quaedam etiam in eo opere adumbrata modo, atque imperfecta morte praeventus reliquit. Ejusdem est etiam altera tabula, in qua Martinus Pontifex Max., & Cardinales decem ita expressi, ut naturam ipsam aequare, & nulla re dissimiles videantur. De hoc Viro ferunt, quum Rogerius Gallicus insignis Pictor, de quo post dicemus, Jubilaei anno in ipsum Joannis Baptistae Templum accessisset, eamque picturam contemplatus esset, admiratione operis captum auctore requisito eum multa laude cumulatam ceteris Italicis pictoribus anteposuisse. Ejusdem etiam tabulae praeclarae in diversis locis esse perhibentur, de quibus non scripsi, quoniam de iis haud satis comperi.

JOAN.

¹ Ita MSS: sed in margine nescio quis reposuit *quatuor*.

J O A N N E S

G A L L I C U S .

Joannes Gallicus nostri saeculi Pictorum princeps
 judicatus est, litterarum nonnihil doctus Geo-
 metriae praesertim, & earum artium, quae ad
 picturae ornamentum accederent, putaturque ob
 eam rem multa de colorum proprietatibus inve-
 nisse, quae ab antiquis tradita ex Plinii, & aliorum
 auctorum lectione didicerat. Ejus est tabula insignis
 in penetralibus Alphonsi Regis, in qua est Maria Virgo
 ipsa venustate, ac verecundia notabilis, Gabriel An-
 gelus Dei filium ex ea nasciturum annuntians excel-
 lenti pulchritudine capillis veros vincentibus, Joannes
 Baptista vitae sanctitatem, & austeritatem admirabilem
 praeferebat, Hieronymus viventi persimilis, Bibliothe-
 ca mirae artis, quippe quae, si paulum ab ea discedas,
 videatur introrsus recedere, & totos libros pandere,
 quorum capita modo appropinquanti appareant. In e-
 jusdem tabulae exteriori parte pictus est Baptista Lo-
 mellinus, cuius fuit ipsa tabula, cui solam vocem deesse
 judices, & mulier, quam amabat praestanti forma,
 & ipsa, qualis erat, ad unguem expressa, inter quos So-
 lis radius veluti per rimam illabebatur, quem verum
 Solem putes. Ejus est Mundi comprehensio orbiculari
 forma, quam Philippo Belgarum Principi pinxit, quo
 nullum consummatius opus nostra aetate factum putatur,
 in quo non solum loca, situsque regionum, sed etiam
 loco-

locorum distantiam metiendo dignoscas. Sunt item picturae ejus nobiles apud Octavianum Cardinalem virum illustrem eximia forma feminae e balneo exeuntes occultiores corporis partes tenui linteo velatae, notabili rubore, e quibus unius os tantummodo, pectusque demonstrans posteriores corporis partes per speculum pictum lateri oppositum ita expressit, ut & terga, quemadmodum pectus videas. In eadem tabula est in balneo lucerna ardenti simillima, & anus, quae sudare videatur, catulus aquam lambens, & item equi, hominesque perbrevis statura, montes, nemora, pagi, castella tanto artificio elaborata, ut alia ab aliis quinquaginta millibus passuum distare credas. Sed nihil prope admirabilius in eodem opere, quam speculum in eadem tabula depictum, in quo quaecumque inibi descripta sunt, tanquam in vero speculo prospicias. Alia complura opera fecisse dicitur, quorum plenam notitiam habere non potui.

P I S A N U S

V E R O N E N S I S.

Pisanus Veronensis in pingendis rerum formis, sensibusque exprimendis ingenio prope poetico putatus est. Sed in pingendis equis, ceterisque animalibus peritorum judicio ceteros antecessit. Mantuae aediculam pinxit, & tabulas valde laudatas. Pinxit Venetiis in Palatio Fridericum Barbarussam Romanorum Imperatorem, & ejusdem

dem filium supplicem: magnum quoque ibidem Comitum coetum germanico corporis cultu, orisque habitu: Sacerdotem digitis os distortentem, & ob id ridentes pueros tanta suavitate, ut aspicientes ad hilaritatem excitent. Pinxit & Romae in Joannis Laterani Templo, quae Gentilis D. Joannis Baptistae historia inchoata reliquerat, quod tamen opus postea, quantum ex eo audiui, parietis humectatione paene oblitteratum est. Sunt & ejus ingenij atque artis exemplaria aliquot picturae in tabellulis, ac membranulis, in quibus Hieronymus Christum Crucifixum adorans ipso gestu, atque oris majestate, venerabilis, & item Eremus, in qua multa diversigenis animalia, quae vivere existimes. Picturae adjecit fingendi artem. Ejus opera in plumbo, atque aere sunt Alphonsus Rex Aragonum, Philippus Mediolanensium Princeps, & alii plerique Italiae Reguli, quibus propter artis praestantiam carus fuit.

R O G E R I U S

G A L L I C U S .

Rogerus Gallicus Joannis discipulus, & conterraneus multa artis suae monumenta singularia edidit. Ejus est tabula praefignis Jenuae, in qua mulier in balneo sudans, juxtaque eam catulus, ex adverso duo adolescentes illam clanculum per rimam prospectantes ipso risu notabiles. Ejus est tabula altera in penetralibus Principis Ferrariae, in cujus alteris valvis Adam, & Eva

Eva nudis corporibus e Terrestri Paradiso per Angelum ejecti, quibus nihil desit ad summam pulchritudinem: in alteris Regulus quidam supplex: in media tabula Christus e cruce demissus, Maria Mater, Maria, Magdalena, Josephus ita expresso dolore, ac lacrymis, ut a veris discrepare non existimes. Ejusdem sunt nobiles in linteis picturae apud Alphonsum Regem eadem Mater Domini renuntiata Filii captivitate consternata, profluentibus lacrymis servata dignitate consummatissimum opus. Item contumeliae, atque supplicia, quae Christus Deus noster a Judaeis perpeffus est, in quibus pro rerum varietate sensuum, atque animorum varietatem facile discernas. Bursellae, quae urbs in Gallia est, aedem sacram pinxit absolutissimi operis.

DE SCULPTORIBUS.

R E N T I U S

FLORENTINUS.

EX Sculptoribus paucos in tanta multitudine claros habemus, quamquam aliqui hodie sunt, quos aliquando nobiles fore existimamus. Sed de Rentio Florentino prius verba faciam. Testamentum Novum, deinde Vetus tam diffusa, tam varia Florentiae in valvis Templi Ioannis Baptistae inenarrabilis operis ex aere finxit. Ejus item sunt Florentiae in aede Reparatae D. Zenobii Sepulcrum ex aere, in Hortis Michaelis Archangeli Joannes Baptista, ac Stephanus Protomartyr opus utique magni ingenii, artificiique.

V I C T O R.

NEc inferior putatur Victor ejus filius, cujus manus, atque ars in iisdem valvis Joannis Baptistae elaborandis cognita est. Ita enim inter se utriusque opera conveniunt, ut unius, & ejusdem manu facta esse videantur.

DO.

DONATELLUS

FLORENTINUS.

Donatellus & ipse Florentinus ingenii quoque, & artis praestantia excellet non aere tantum, sed etiam marmore notissimus, ut vivos vultus ducere, & ad antiquorum gloriam proxime accedere videatur. Ejus est Paduae D. Antonius, atque alia Sanctorum quorundam in eadem tabula praecleara simulacra. Ejusdem est in eadem Urbe Gattamelata egregius Copiarum Dux ex aere equo insidens mirifici operis.

DE QUIBUSDAM CIVIBUS PRIVATIS.

Consentaneum videbatur, ut post Medicorum mentionem de paucis quibusdam privatis Civibus, qui duce virtute, comite fortuna ad amplissimam dignitatem evecti sunt, verba faceremus. Sed nescio quo nam modo ad Pictores nostra divertit oratio. Nami ut Medicorum est bonae civium valetudini consulere, eamque prudentia, atque artibus suis conservare, ita Principum virorum est bene Respublicas gubernare, ac tueri. De iis Viris loquor, qui honestis rationibus magni in civitatibus suis fieri student, non de iis, qui malis artibus, & ambitione corrupti quacunque ratione sibi ad Principatum viam moliantur, cujus generis civium magna penuria est. Sed quod rarius, id praeclarius, ac preciosius multo haberi solet. Hac parte absoluta, reliqua deinceps propoſiti nostri persequemur.

J O A N N E S

CARAZULUS.

Joannes Carazulus Eques Neapolitanus inter rarissima privatorum civium, qui magni, atque illustres evaserunt, exempla reponendus est. Consilio excellens, animo excellentior ad omnia pacis, ac belli munera natus esse videbatur. Commendabat prudentiam ejus formae dignitas egregia. Ob eas res in Joannae Reginae gratiam haud mediocriter venit. Magnus Senescalcus, ita eam dignitatem vocant, ab ea factus unus erat, qui apud illam posset, honores conferret, delictorum gratiam faceret. Solum Regium nomen deerat. Multis oppidis a Regina sibi traditis civilem modum longe supergressus est. Ejusdem Reginae Statum sua prudentia diu conservavit. Auctoritatem suam Alphonfi Regis praesentia diminutam eodem Rege digresso recuperavit, omniaque rursus pro arbitrio agere, ac moderari coepit. Demum stimulante quorundam invidia quum in odium Reginae incidisset, sive consentiente ea, sive dissimulante in Arce Capuana ab inimicis in cubiculo noctu interceptus est.

FRAN.

F R A N C I S C U S

S P I N U L A .

FRanciscus Spinula Otobono patre praeclaro Vi-
ro natus Genuae temporibus nostris in pri-
mis floruit. Natura ad conciliandos multitu-
dinis animos comparatus omissis mercaturae
studiis ad Rempublicam gerendam animum
convertit. In cognoscendis rebus acer, nec minus in-
agendis, exequendisque impiger, ingenio miti injurias fa-
cile remittere, Litteratorum amator omne ociosum tem-
pus in legendo consumere. Philippo Maria Mediolanen-
sium Principe Urbem Genuam imperio tenente cuncta
de ejus consilio a Philippi praesidibus administrari, ac
geri, amicos alios dignitate, alios fortunis augere eni-
ti. Conditione privatus, at dignitate civitatis suae Prin-
ceps habebatur. Urbem Genuam clientum, & amico-
rum opibus ab adversariis Philippi saepius defendit. Ca-
jetam, ad quam tuendam cum praesidio missus fuerat
ab eodem Philippo, quamdiu in ea mansit, servavit, quod
adversus Venetos bellum gerente tractis in idem bellum
Genuensibus Dux classis, quem Genuenses Admiratum
vocant, creatus triremes ad viginti, missum dictu, intra
quintum, ac vicesimum diem sua diligentia ex publi-
co comparavit, deduxit, armavit. Nuntiantibus qui-
busdam hostilem classem metu fugam arripere, cum
octo triremibus insecutus abeuntes hostibus in se con-
versis, priusquam cetera classis opitulari posset, circum-
ventus, captusque est. Captivitate liberatus Genuam
rediens tanta civium frequentia domum reductus est,
ut non ex captivitate reverti, sed devictis hostibus tri-
umphum

umphum reportare videretur. Universis civibus tam suae, quam diversae factionis Rempublicam vexari, ac perdi indignantibus, ejectione Philippi praesidio, Patriam in pristinam libertatem restituit. Patronus libertatis totius civitatis consensu constitutus aliis quibusdam civibus in societatem allectis, quum seditio orta esset, & Thomas Fregosus contrariae factionis alioquin vir magnus, atque illustris Rempublicam occupasset, ob suspicionem Patria cedens Philippo reconciliatus est. Niceam profectus dum cum Raphaele Adiano triremibus comparatis Thomae statum evertere conatur, aegritudine in cursu gravatus apud Finarium vita excessit.

V I T A L I A N U S

B O R R O M E U S

M E D I O L A N E N S I S.

AD haec magnum civem cognovimus Vitalianum Borromeum Mediolanensem origine Pisarum, cui divitiae tantae fuere, ut Philippum Mariam Mediolanensem Principem in maximis belli discriminibus, quum a Veneris diuturno bello fatigaretur, sua ipsius pecunia saepenumero sustentaverit, cujus rei gratia, & a Philippo admodum dilectus est, & in magnam praeterea dignitatem, & statum evehctus. Hospitalitate maxime laudatus est, qua in magnos quosque, & illustres, ac Principes viros uti solebat, eoque genere liberalitatis multos sibi mortales obstrinxit. Domum divitiis, ac dignitati convenientem paravit, ceteroque vitae cultu splendidum se se, atque elegantem virum exhibuit.

FRAN.

F R A N C I S C U S

F U S C A R U S.

FRanciscus Fuscarius Venetus prudentia, an naturali facundia magis valeat incertum. Sermone gravis, ac promptus, consilio validus, memoria insigni saepe eorum civium, qui ante se sententiam in Senatu dixerunt, argumenta, ac verba ipsa repetere, saepe etiam Legatorum in Senatu mandata exponentium ad tricena, interdum ad quinquagena orationis capita memoriter referre, eaque omnia singillatim, atque ex ordine vel confirmare, vel diluere cum totius confessus admiratione prospectus est. Summos quosque honores apud cives suos gradatim, consecutus est. Postremo cunctorum civium suffragio Dux, & Princeps Reipublicae mortuo Thoma Mozenigo creatus est multis prius Legationibus honestissimis pro Republica susceptis, atque aditis. Ejus consilio bellum adversus Philippum Mariam Mediolanensem Principem, susceptum, ac gestum est, Brixiaque, & magna parte Galliae Cisalpinæ in Venetorum ditionem redacta. Jam admodum senex, ingenio tamen firmo, ac memoria integra, Curiaque laborum supra fidem patiens.

COS.

COSMUS MEDICES

FLORENTINUS.

Cosmus Medices Florentinus prudentia in primis laudatur. In administranda Republica, atque adeo in his omnibus, quae ad rem bellicam pertinent, consilio multum valere existimatur. Litteris non tam latinis modo, sed etiam graecis instructus vitam inter philosophos, & eos, qui Rempublicam gerunt, mediam agit tantum litteris temporis impertiens, quantum sibi a negociis Reipublicae superest. Bibliothecam, quam amplissimam aedificavit, infinitis librorum voluminibus tum graecorum, tum latinorum, cujusque ordinis, ac facultatis exornavit partim undique magno impendio quaesitis, partim conductis librariis exscriptis. Divitiis civilem modum longe excessit omnium non tantum privatorum hominum nostrae tempestatis locupletissimus, sed etiam cum non mediocribus Principibus ea re conferendus. Marci Evangelistae aedem ornatissimam sua ipsius pecunia Florentiae extruxit. Hierosolymis Christi Dei nostri templum ejusdem Sepulcro contiguum ingenti sumptu refecit, auxitque, annua pecunia in Sacerdotum alimenta constituta. Multa praeterea aedificia tum sacra, tum publica partim sustentavit, partim eversa restituit. In egentes beneficis multis locupletavit, multos ad Reipublicae honores evexit, atque in dies evehit. In externos quoque, ne dum in cives liberalis, atque hospitalis. Domum Etrusco marmore

more mirum in modum exornavit, illustravitque. Auctoritate, & existimatione haud dubie civitatis suae Princeps : nec famulatu tamen, nec cetero vitae cultu supra mediocrem civem se se effert; quin etiam Magistratus quosque, & aetate antecedentes tamquam superiores colere, observareque. Vexatus aliquando ab adversariis, & ex urbe cedere coactus apud Venetos relegatus degere maluit, quam Rempublicam sumptis armis in discrimen adducere. Revocatus in Patriam Francisco Sfortiae singulari amicitia conjunctus illum saepe numero grandi pecunia adjuvit, ac fovit.

DE

DE COPIARUM DUCIBUS

Civitatem voluit sapiens ille Hippodamus Milesius, ut Aristoteles tradit, eam, quae esset bene constituta, ex triplici genere hominum constare: opificibus, militibus, colonis, & eam, quae ita constituta esset, non dubitabat stabilem, atque optimam fore. Nam per artifices, quae usui singulari civibus sunt, efficiuntur, per colonos vero res frumentaria suppeditatur putabatque eam civitatem, mancā, atque imperfectam esse, quae horum trium aliquo careret. Nam & opifex, & colonus militis tutela, & miles opificis, ac coloni ope indiget. Quo nam enim modo aut artifex, aut colonus res suas tueri, aut miles sine iis sustentari possit? Erit itaque proposito instituto nostro conveniens, postquam de claris civibus dictum est, claros copiarum Duces memorare, & eos dumtaxat paucos, qui fama, & rebus gestis praecelluerunt nullo tamen dignitatis, ut ad hunc locum feci, ordine servato.

P A U L U S
U R S I N U S.

Hoc loco nobis commemorandus est Paulus Ursinus. Hujus potissimum consilio, ac virtute Lodovicus Andegavensium Princeps, Rex postea appellatus Ladislaum Neapolitanorum Regem, qui Joannem tum Pontificem Max: oppugnaverat, apud Roccam siccam fudit, magnaue parte copiarum capta trepidum in Regnum redire coegit, aliquot prius in Tuscia factis memorabilis.

A N G E L U S
P E R G U L E N S I S.

NEquè vero Angelus Pergulensis indignus videtur, qui claris Ducibus inferatur duabus maxime rebus, victoria apud Zagonacram de Venetis insigni, quum Philippi Mariae exercitum duceret, & clade ingenti Sviceris populis Alpinis praeferoicibus illata nobilitatus.

O T T O B O N U S

T E R T I U S

P A R M E N S I S

O Tobonus Tertius Parmensis rei militaris peritissimus Martinum Faventinum, Lancialotum Beccarium, ac plerosque claros Ductores, & Equites apud Sutrium Tusciae oppidum proelio vicit. Faventiae Florentinorum, ac Sociorum exercitum fudit. Imperatorem Romanorum, quem Novum electum appellabant, cum ingentibus copiis in Italiam profectum, ut Mediolani Principatum invaderet, in Brixensi agro profligavit, multis interfectis, & captis. Facinum Canem nominatissimum in armis Virum, magnaue potentia subnixum inter Rosatum, & Belreguardum in Mediolanensi signis collatis fregit. Veronensis, & Carrariensis Principum copias, quæ præerat Chechus Sanseverinus, in Veronensi apud vallem Policellam in fugam vertit Athesi flumine prærapido vado pertransito. Apud Brixellum in Parmensi Pontificis Max:, ac Ferrariensis Principis equitatum recuperata præda, multisque captis fugavit. A Joannis Galeatii Mediolanensium Principis, & a Pontificis Max:, ac Sociorum conjunctis exercitibus in Reginum, ac Parmensem agrum Paulo Ursino Duce profectis oppidatus est, & pacem honestam obtinuit. Nemo tot proeliis ejus signa retro conversa semel vidit, Parmensium, Placentinorum, ac Reginorum Princeps. Ad postremum a Nicolai Marchionis Ferrariensis copiis inopinato interfectus est.

B R A C-

B R A C C I U S

M O N T O N I U S.

B Raccius Montonius sub Alberico Balbuano eo viro, qui equestrem disciplinam in Italia de-
nuo excitavit (nam ante multis jam annis
Germano equitq; mercenario apud nos bella ge-
rebantur) militaribus institutis ornatus a Flo-
rentinis, a Malatestis, & aliis nonnullis Italiae Regulis
mercede conductus praeclare, fortiterque res gessit. Peru-
siam cepit clientum, & amicorum auxilio. Ab Alphonso
Rege auxilio Joannae Reginae accersitus Sfortiam copiarum
Ducem ab obsidione Neapolitana depulit multis ibidem
egregiis facinoribus editis. Ad Aquilae urbis expugna-
tionem profectus dum urbem ipsam arctius obsider, sibi
praefidens a Martini tum Pontificis Max: Ducibus castris
direptis caesus est. Vir animo, consilioque excellens:
ceterum corpore ob acceptum in cervice vulnus mi-
nus validus.

S F O R T I A S

C O N T I N I O L E U S.

S Fortias Continioleus unus ex ejusdem Alberici
disciplina animo, & corpore aequae bonus sti-
pendia sub Florentinis primum Braccii socius;
& amicus multa fecit multis proeliis insi-
gnis habitus. Aemulatione exinde inter eum,
ac Braccium de rei militaris gloria exorta quum ab
ami-

amicitia, & societate discessissent, alter adversus alterum, Braccius adversus ipsum militare coeperunt. A Lodovico Rege conductus contra Joannam Reginam in Neapolitanum cum exercitu profectus Urbem Neapolim obsedit. Eidem Reginae non multo post tempore reconciliatus adversarios juxta Neapolim acie vicit. Urbem praeter arcem expugnavit. Reginam rebus suis diffidentem appulsa Neapolim Alphonfi classe, quum urbem aliquandiu frustra defendisset, ex arce Capuana Nolam traduxit. Martini Pontificis Max: rogatu adversus Braccium a Regina proficiscens in Aterno flumine, quod nunc Piscariam vocant, dum proveluto vadis armigero succurrit, interiit.

F R A N C I S C U S C A R M A G N O L A.

FRanciscus cognomento Carmagnola Carmagnolae ortus in hoc numero merito celebrandus est. Facinum Canem praestantissimum in armis Virum magistrum, ac ducem in re militari habuit. Philippi Mariae Facino mortuo Dux copiarum factus paternum illi imperium restituit. Comum, Bergomum, Cremonam, Brixiam Tyrannis inde expulsis, qui urbes illas occupaverant, recepit. Urbem Genuam exulibus adjuvantibus Philippi ditioni adjecit. In obsidendis, oppugnandisque urbibus sollers maxime habitus. Urbi Genuae a Philippo missus aliquandiu praefuit. Ejusdem Philippi Statum, quamdiu apud illum mansit, conservavit. Martinum Faentinum Principem copiarum Ducem ipse paucioribus copiis acie vicit. Abalienatus a Philippo, & ob id ad Vene-

Venetos profectus, Duxque eorum exercitus factus Bri-
xiam, & aliquot praeterea oppida Philippo ademit.
Sexaginta fere millibus hominum partim equitum,
partim peditum, quo major memoria mea exercitus
in Italia non est visus, praefuit. De prodizione sus-
pectus, & ob eam rem Venetias e castris dissimulantes
accitus capitali supplicio affectus est.

J O A N N E S

H U N N A C I U S

B L A N C U S.

Joannes Hunnacijs cognomento Blancus natione
Valacus, quam gentem Dacos Veteres appella-
bant, nobis hoc loco haudquaquam reticendus
est, cujus hoc major gloria habenda est; quod
contra Religionis nostrae adversarios bella gessit.
Hic & seorsum, & una cum Ladislao Polonorum
Rege, qui pro defendenda Sanctissima Fide nostra traje-
cto Danubio Turcarum fines ingressus ad extremum proe-
lio infelicititer commisso vitam amisit, cum Turcis pu-
gnavit. Quotiescumque ipse exercitus Dux fuit, prospere
rem gessit, & nunc, dum haec proderem, Maomettum
Ottomanum ab Albae graecas, quam vulgo Belgradum
vocant, obsidione depulit, multisque militibus hostium
caesis fudit, ac fugavit ejusdem classe apud Danubium
profligata, atque exusta, tormentisque omnibus creptis.

NICO.

N I C O L A U S

PICININUS.

Nicolaus Picininus unus e Braccianae familiae
 alumnis omnium celeberrimus primum dum
 ad Philippum Mariam ex Tuscia cum copiis
 proficiscitur, inter inimicas, infestasque Philip-
 po gentes sibi per vim transitum fecit. Pa-
 dana Venetorum classis ingens ejus virtute, quamquam
 & Franciscus Sfortia magnam quoque ex ea victoria
 laudem meruit, profligata est. Porciferæ vallem Ge-
 nuæ propinquam ferocibus viris incultam bis, tervæ
 excitatis castellis aliquot in collibus, quæ in vallem
 descensus erat, solus memoria patrum nostrorum sine
 exercitus detrimento intravit, docuitque agrestes viros
 vinci posse. Florentinorum exercitum ex multis copia-
 rum Ducibus comparatum ad octo millia equitum præ-
 ter pedaturæ quædam procul a Luca oppido trajecto
 per summam hyemem Sertio amne, Anseri, ut reor, ab
 antiquis appellato, qui per eos dies continuis imbris
 intumuerat, acie vicit magna hostium parte capta.
 In Tusciam cum exercitu a Philippo missus una dum-
 taxat aestate maximam partem agri Pisani, ac Pisto-
 riensis in Philippi ditionem redegit. Ipsius quoque Flo-
 rentiae Urbis finibus depopulatis, vexatisque. In valle
 Telina insigni clade Venetos fregit capto Gregorio Cor-
 nario Castrensi Legato: Rursus Florentinorum, Vene-
 torum, & Eugenii Pontificis Max: conjunctos exercitus
 a quibus obsidebatur, ingenti apud Imolam proelio su-
 peravit, omnibus prope hostilium Copiarum Ducibus eo
 proelio captis. Secundum eam pugnam Forlivium, Imo-
 lam,

lam, Bononiam, quae oppida Eugenio parebant, uno prope die illi eripuit. Idem postea, Philippo Eugenio reconciliato, Sacrosanctae Romanae Ecclesiae Statum summa vi tutatus est. Parva manu maiores ipse hostium copias saepe aggredi non dubitavit. Quum ex vulnere debilitatus esset, a Philippo totius Status sui summae praepositus in eo honore vitam finivit, cujus filius Jacobus Picininus propter praestantem virtutem olim etiam celebrabitur.

C A R O L U S

MALATESTA

Carolus Malatesta celebrati nominis in re militari fuit. Consilio, ratque animo multum valere judicatus est. Aliquot proelia prospere fecit. Apud Copiarum Duces, & Italiae Principes in magna auctoritate, & excitatione fuit. Rei militari doctrinam adjecit, ex quo non nihil habitus est illustrior.

F R A N C I S C U S

S F O R T I A.

Franciscus Sfortia in castris propriis natus, atque educatus usque adeo ab adolescentia florescere incoepit. Unus vel ex primis Ducibus fuit, quorum virtute Braccius apud Aquilam cecidit, paterni exercitus Dux summo militum consensu factus. Brixensi bello a Philippo Maria conductus

etus quotidianis ad Brixiae portas excursionibus magni
 mox futuri Ducis opinionem de se praeiuit. Ejusdem
 urbis arcem à Venetis obsessam contra Venetorum opes
 diu defendit. Padanae Philippi victoriae, quae fuit ma-
 xima de Venetorum classe, una cum Nicolao Picinino
 praecipuus auctor extitit. A Philippo digressus magno
 exercitu comparato Picentes populos in potestatem suam
 redegit. Sedendo, & quiescendo hostium vires saepe fru-
 stratus est. Veneri exercitus Dux Veronam recepit Phi-
 lippi copiis, quae clandestino per noctem introitu arce
 occupata urbem invaserant, excedere coactis. Fremente
 bello Italia ipse Dux Venetorum, ac Florentinorum
 arbiter electus communis pacis condiciones dixit. Blan-
 cam Philippi filiam praestantissimam in uxorem cepit.
 A Mediolanensibus conductus post Philippi mortem Ve-
 netorum exercitum ingenti equitatu, ac peditatu praeter
 delectus subnixum magna parte hostium capta proelio de-
 vicit. Ab iisdem Mediolanensibus studio partium inter
 se dissidentibus irritatus Mediolanum obsedit, ac cepit.
 Acreptis imperio adversus Venetos cum exercitu profectus,
 plerisque oppidis circa Olum, & Abduam omnes captis,
 Brixiam obsedit. Felicitate inter priora exempla repo-
 nendus tum imperio, ac rebus gestis, tum Philippi,
 Alphonfi, ac Ferdinandi ejus filii affinitatibus.

DE REGIBUS, AC PRINCIPIBUS

Regibus, copiam Ducibusque, quæ æquili-
tatis gloria eminuerunt, consequens videtur,
ut de iis Regibus, ac Principibus verbaliter
faciamus, qui vel rerum gestarum amplitudine,
vel auctoritate, & existimatione ceteris
præstiterunt, qui sancti admodum pauci sunt, ubi plane
omnia præclara rara. Nec tamen id cuique mirum vi-
deri debet. Nam si paucissimos in unoquoque genere
reperi contingit, multo minus profecto mirandum est,
si pauci existant præstantes Reges, aut Principes, quoniam
per summam omnium rerum, quæ expectari possunt, co-
piam, per summas opes, ac licentiam ad ocium, & ad
luxum proni ferantur, nisi divino quodam munere, ac
naturæ beneficio adjuti, & conservati fuerint. Cete-
rum ut a Poetis ad Oratores, ab Oratoribus ad Ju-
risconsultos, a Jurisconsultis ad Medicos, a Medicis ad
Pictores, a Pictoribus ad singulares Cives, & a Civi-
bus ad Copiarum Duces, ita a Ducibus ad Reges, ac
Principes convenienter oratio nostra delabitur. Principes
enim, ac Reges Duces fovant, atque extollunt, & velu-
ti corpus membra, ita omnia genera, quæ supra me-
moravimus, regunt, ac tuentur. Nam si boni, justique
fuerint, ii plane omnes bene habent, ac sibi beati viden-
tur. Sin vero mali, atque improbi, miseri, infortunati-
que habentur, quod illorum vicia in eos, quibus impe-
rant

rant, redundare soleant. Ab hos igitur nostra se conver-
rit oratio, quibus commemoratis labori nostro mo-
dum statuemus.

L A D I S L A U S

R E X.

Ladislaus Neapolitanorum Rex Ludovicum Re-
gem Ludovici posterioris patrem, quum nihil pae-
ne praeter Cajetam teneret, adolescens e Regno,
quod ille per occasionem occupaverat, expulit.
Diffentione inter se, & Joannem Pontificem
Max. exorta exercitu comparato Romam cepit, Pon-
tificem Roma pepulit. Ductis deinde in Tusciam contra
Florentinos Pontificis fautores copiis Cortonam cepit.
Undeviginti millia equitum praeter pedites in Senensi
Agro habuit, quibuscum Florentiam Tusciae caput ob-
sideret constituerat, putaturque frenos liberae civitati
injecturus fuisse, nisi eum in ipsa expeditione mors op-
pressisset. Octo, & triginta annos, aut paulo plus natus
in ipso juventae flore, & in magna de se expectatio-
ne e vita creptus est.

P H I L I P P U S

M A R I A

Philippus Maria Mediolanensium Princeps multa, ac magna per Duces suos gessit. Paternum imperium mortuo Facino Cane paterno Ducé, Mediolanum, Comum, Bergomum, Cremonam, Brixiam pulsus Tyrannis, quæ oppida occupaverant, per Franciscum Carmagnolam, aliosque Duces suos recepit. Paternæ ditioni exulibus adjuvantibus Genuam urbem addidit. Cum Florentinis, ac Venetis supra viginti annos vario eventu bella gessit. Armis in Tusciam translatis magna parte Agri Pisani, ac Pistoriensis per Nicolaum Picininum capta Florentiam ipsam belli caput tumultu complevit, Italianam omnem conterruit. Svicerorum ferociam per Angelum Pergulensem uno proelio fregit. Carolum Malatestam inimicum capitalem, ac Nestorem Faventinum Principem, atque alios plerosque Regulos copiarum Duces in pugna captos sine precio dimissos magnis insuper muneribus affecit. Mansfredo Malatestæ sibi infenso oppida, quæ per Duces ei ademerat, & libertatem restituit. A nemine unquam adeo graviter læsus est, quin illi veniam petenti facile ignoverit. Martinum Quintum Pontificem Max. in Constantiensis Concilio recens factum Romam revertentem obsequio exhibito Mediolani honorificentissime suscepit, atque habuit. Sigismundum Imperatorem Coronæ gratia Mediolano Romam petentem pecunia adjuvit, eique præterea pro viribus favit. Legatis quibuscunque ad se euntibus & hospitium, & sumptum large præbuit. Domum suam quasi

quasi quoddam Ordinis exemplar esse voluit sermone gravi, consilio bonus.

A M A D E U S

S A B A U D I E N S I U M

D U X.

Inter illustres Principes celebrandus est nobis Amadeus Sabaudiensium Dux. Hic primum ex Comite Dux factus paternum imperium pacis magis, quam belli artibus longe auxit. Niceam Urbem in Italiae finibus sitam hand procul a Varo flumine ditionis suae fecit. Pedemontanam provinciam, quae ad eum hereditario jure pervenit, sublati civilibus discordiis, quibus ea provincia diu conquassata fuerat, pacavit. Phriburgum urbem amplam in ea provincia sitam, quam olim Helvetii tenuerunt, imperio suo adjecit. Populares suos procul a belli incendiis perpetuo servavit nullis hostibus, quamdiu vixit, quum omnis reliqua Italia bello flagraret, in ejus agro conspectis. Filias summis Principibus, ac Regibus locavit. Regum item amplissimorum filias liberis suis uxores dedit. Basileensi Concilio contra Eugenium Pontificem Max. per discordiam Principum Christianorum Max. Pontifex factus post Eugenii mortem Nicolao Quinto in Eugenii locum successit Cardinalis titulo, ac nomine contentus Pontificatu cessit, pauloque post jam natu grandior mortem obiit.

C A R O L U S

G A L L O R U M R E X.

Carolus Gallorum Rex quum ab Henrico Britaniae Rege, quam nunc Insulam Angliam vocant, Philippo Belgarum, nunc Burgundiorum Principe potentissimo sibi adverso, atque Henrici socio, & amico facto, amissa Parisiorum Urbe, & maxima Regni parte opprimeretur, videreturque toto regno cessurus Virginis primo rusticanae consilio, quam ad eum divinitus missam Galli putabant, Aurelianensi urbe, quam Britani obsidebant, conservata, multa deinde proelia adversus hostes secunda fecit, ingentique exercitu peditum, atque equitum comparato, Britannos non solum iis provinciis, quas ante bellum possederat, a Patre acceptis, sed, & omni reliqua Gallia cedere coegit, Aquitania, quam Galli per diu amiserant, in ditionem suam redacta.

S I G I S M U N D U S

I M P E R A T O R.

Sigismundus Imperator adversus Zalapinum Maometi hujus, qui nunc contra Christianos bellum gerit, progenitorem ingentes bis exercitus ex variis gentibus comparavit, dimicavitque quam instructa acie. Dissensionem, quae diu fuit inter Christianos de Pontifice Max., nam alii Benedicto, alii aliis Pontificibus favebant, ipse usque in Hispaniam

cite.

citeriorem, quam Cataloniam appellamus, ea de re profectus sustulit, ac Sacrosanctam Romanam Ecclesiam ad unius Pontificis obsequium, atque auctoritatem redegit. Is primus Poetas more majorum laurea corona exornavit. Romam sui coronandi gratia proficiscens, quum per Italiam iter haberet, ab omnibus Principibus, ac Populis Italicis & benigne susceptus, & pecunia adjutus. Cum omnium Italicorum gratia coronatus Hungariam rediit, ibique jam natu grandior diem suum obiit.

A L B E R T U S

BRANDEBURGENSIS.

Albertus Brandenburgensis Princeps Natione Germanus finitimis aliquot Regulis in societatem adscitis adversus liberas Germaniae civitates bellum suscepit, diuque gessit. Novies cum hoste conflixit semel modo fortunam adversam tot proclis expertus multis millibus captis, caesisque. Ad postremum hostes, ut pacem peterent, compulit. In oppugnatione cujusdam oppidi moenibus, ac fossa communiti ab ea parte, qua rem gerebat, tertius appulsis scalis murum conscendit, atque inde in oppidum se se injecit, conversisque in se oppidanis, cum duobus illis modo eorum impetum diu sustinuit. Quum trajecto aliquando flumine hostes in citeriorem ripam transissent, ex insidiis progressus ut primum in hostium conspectum venit, arrepta lancea in eos equo inductus usque ad signa militaria inter confertam aciem fortissime dimicans ignotus hostibus contendit, eorumque impetum solus pertulit, donec accurrentibus suis

K

uni-

universum proelium commissum est, in quo victoriam est consecutus. Quum in eo flumine unum modo vadum propter altitudinem esset, qua peditatus hostium transire posset, sagittariorum manu in insidiis collocata, qui vadum occuparent, postquam equites trajecerunt, omnem hostilem peditatum repulit.

O D U S C O L U M N A.

ODus Columna Martinus Quintus appellatus in maximis Ecclesiae procellis Pontifex Max. factus discissam primum, ac labantem Ecclesiam multitudine Pontificum inter se dissidentium composuit, confirmavitque Tyrannos, qui in Piceno, in Flaminia, in Umbria Ecclesiae oppida, agrosque occupaverant, copiis, ac Ducibus comparatis expulit tributariis Regulis parere iussis. Tantum opibus valuit, ut omnes Reges, ac Principes Christiani neglectis ceteris Pontificum nomen usurpantibus se se ejus auctoritati subjecerunt. Graecorum ad Orthodoxam Fidem adigendorum suasor, atque auctor fuit Oratoribus bis ad Graecorum Imperatorem missis, a quibus Graeci persuasi sunt, ut in Italiam ad Concilium proficiscerentur. Tanta denique ejus auctoritas fuit, ut omni prope Italiae praescriberet vitae integritate, ac sapientia spectatus.

T H O M A S

SARZANENSIS.

Thomas Sarzanensis, qui postea Nicolaus Quintus Pontifex Max. vocitatus est, philosophiae, nec minus Theologiae artibus claruit. Earum scientiarum doctor Romae, Bononiaeque in magna aestimatione est habitus. Nicolao Cardinali, qui Bononiensibus praefuit, viro praecellenti ob ingenii, ac doctrinae praestantiam usque adeo carus, ut omnem ei administrationem rerum suarum permiserit. Opinione quoque bonitatis commendatus post ejusdem Nicolai mortem Bononiensem Episcopus factus. Legatus ab Eugenio in Germaniam missus quum re confecta ex Pontificis sententia reverteretur, Cardinalis insignia, priusquam Romam pervenisset, in itinere accepit. Mortuo Eugenio summo totius Apostolici Collegii consensu Pontifex Max. creatus est, hique honores omnes, quod magis mirandum est, illi intra annum contingere. Graecarum litterarum doctos ad se proficiscentes annuis salariis sustentare, atque extollere graeca, in latinam linguam transferendi negotio iis dato. Innumerae prope e Graecia Theologorum, ac Philosophorum, ceterarumque honestissimarum facultatum libros nobis antea incognitos ad se afferri curavit. Templum aliquot vetustate collapsa restituit. Palatium Petri Apostolorum Principis Templo contiguum mirum in modum ampliavit, exornavitque circumducto antiqui operis muro, quem tamen morte praeventus perficere non potuit. Bibliothecam condidit innumerabilium prope librorum tum graecorum, tum latinorum ingenti sumptu.

missis in Graeciam, Germaniam, Galliam viris doctis, qui amissos bellorum casibus auctores conquirerent. Capta urbe Constantinopoli a Maometo Turcarum Principe, convocatis totius Italiae Civitatum, ac Principum Oratoribus, & ad Alphonsum Regem missis, per Dominicum Capranicensem Sacrosanctae Romanae Ecclesiae Cardinalem Firmanum sublatis ex Italia discordiis, quo bellum contra Turcas suscipi posset, Italicam pacem composuit, dumque expeditioni intendit, in ipso rerum apparatu mortuus est.

Commemoratis tempestatis nostrae Viris illustribus iis, qui memoriae meae in praesentiarum occurrerunt, laudum nostro modum impositurus in Alphonso Rege scribendi finem faciam. Hic erit ille, qui librum claudet, & in quo se nostra terminabit oratio. Namque eo memorato, in quo tam multa virtutum exempla reperiuntur, quam multa vix in ceteris aetatis nostrae Principibus reperire facile est, quippe qui vel sapientia, vel fortuna; vel gloria cunctos antecire existimatur, haudquaquam par videtur, ut de alio, quocumque post eum verba fiant. Illo igitur suis laudibus orato, & concelebrato nihil erit, quod a me in hoc libro ulterius quisquam expectet.

ALPHONSUS REX.

Alphonfus Rex Argonum multis, magnificisque rebus gestis gloriosus Joannam Neapolitanorum Reginam a Lodovico Rege oppressam in pristinum statum restituit. Urbem Neapolim, Regina postea a se dissidente, classe e Catalonia profecta vi cepit. Aenariae insulae appulsa classe oppi-

oppidum in ea munitissimum expugnavit. Massiliam in cursu cepit, ac diripuit. Henricum fratrem e potestate Joannis ulterioris Hispaniae Regis in Hispaniam Citeriorem profectus vindicavit. Lotophagoram Insulam occupato ponte, quanto Insula ex continenti aditur, obsedit. Bofferium Paenorum Regem ponte fugatum castris exiit multis militaribus signis, ac tormentis ablatiis. In Regnum Neapolitanum reversus multorum Regulorum vocatu per Petrum fratrem Castetam recepit. Adversarios apud Troiam, quae est in Apulia, collatis signis fregit. Ad extremum Neapoli potitus speciose triumphavit. Antonium Caudolam ad Carpenonum oppidum commisso proelio superavit. dimisso paterna oppida restituit. Eugenii Pontificis Max. rogatu armis in Picenum translatis Franciscum Sfortiam ipsius Provinciae cedere coegit. Tiburi dum esset, mortuo interim Eugenio Pontifice Max., quum ex novi Pontificis electione alii aliis faverent, viderenturque vim facturi, ad Collegium misit e suis summos viros, qui Collegio adessent, suamque operam, ac vires pollicerentur, omnesque ab injuria deterrerent. Quum ex eo quaesitum esset, quem ex omnibus Cardinalibus potissimum deligi vellet, eum, qui Deo placeret, cuique sors eveniret, respondit. A Florentinis lacessitus ducto in Tusciam exercitu Castilionem, & alia quaedam oppida iis ademit. Pro Venetis tum sociis, & amicis bello iterum contra Florentinos suscepto Ferdinandum filium cum copiis in Tusciam misit. Pacem deinde, quibus voluit, conditionibus, profectis ad se adversariorum Legatis, fecit. Fridericum Imperatorem Romanorum, cui neptem locaverat, visendi gratia ad se profectum una cum uxore miro honore excepit, & cum amplissimis muneribus a se dimisit. In omnes gentes liberalis Legationibus quibuscumque se adeuntibus hospitium, atque cibum

scibaria laute, opipareque exhibet. Philosophiae, Theologiae, atque omnis antiquitatis studiosus, ceterisque liberalibus disciplinis excultus, memoriaque admirabili a natura donatus eruditos quosque nostri saeculi viros ornat, ac fovet: Urbem Neapolim denuo constravit, vias direxit, molem ampliavit. Librorum volumina prope infinita in Bibliothecam suam mirifice ornata conjecit: Arcem instauravit cum arcu triumphali magnificentia, structura, opère nulli omnium in Orbe terrarum secundam. Aureis, argenteisque vasis, simulacrisque, tum gemmis, & cetero Regali cultu omnes saeculi nostri Reges longe superavit. Magnus opibus, major auctoritate a Calixto Pontifice unus ex omnibus Regibus deletus est, cui bellum adversus Maomettum Turcarum Principem maximum, & opulentissimum demandet.

FINIS.

BARTHOLOMAEI

F A C I I

ET ALIORUM AD IPSUM

E P I S T O L A E

I.

BARTHOLOMAEUS FACIUS JO. JACOBO
SPINULAE S. P.

QUum tuas accipio litteras, Jacobe carissime, ac
disertissime, diem festum ago, nec unum mó-
do, sed plures. Nec legisse semel satis est: juvat
usque morari, & iterum, atque iterum le-
gere. Mira enim delectatione afficior in tuis
legendis, ex quo judicare potes, quantae mihi oblecta-
tionis esset praesentia tua mihi optatissima, cum qua
liberer dies, ac noctes consumere, & studia nostra com-
municare, nec ullus ex omnibus amicis meis profecto
est, quocum id libentius agerem, quam tecum tum pro-
pter tuam in me caritatem mihi non ignotam, tum
propter tuam de me opinionem majorem etiam fortasse,
quam ipse sustinere possim, quam non modo tibi auferri,
sed potius augeri velim, quo . . . carum habeas. Et
meas tibi redditas fuisse laetor, quae jamdiu ad te mis-
sae sunt. Quod autem eae tibi & laetitiae, & volupta-
tis

tis multum attulerint, nihil miror, quum sciam mea omnia tibi semper non iucunditati modo, verum & admirationi fuisse, cuius rei causa est amoris magnitudo in me tui. Nam, ut ait Guarinus clarissimus praeceptor meus, & balbutientes infanuli discreti plerumque parentibus videntur suis propter delectationem, quam ex ipsis percipiunt. Commentariolos meos quam exornavero, & expedivero (restat enim scribendum ultimum bellum domui tuae, imo meae calamitosum) mittam ad te pueri mei manu. Sed quorundam hominum negligentia, a quibus notitiam rerum eo bello gestarum requisivi, eos nondum perficere valui. Sed nuper confeci, atque edidi dialogum quemdam de vitae felicitate, ut paulo ante ad te scripsi, & cum huic amplissimo Regi inscripsi, quem optimo viro, ac tui amantissimo Gisulfo ad te afferendum dabo. Ipse enim ad te redire constituit brevi. Alia vero mea, quae petis, imo flagitas, quum primum puer potuerit, transcribentur, & mittentur ad te. Quod scire cupis, rem meam constabiliui cum inelyto Rege. Accepi jam salarii partem, & domum, conduxim. Spero Dei ope rem melius, & felicius mihi in dies successuram. Si effecero unum, quod spero, perpetuum mihi apud Majestatem suam domicilium pacatum fore non dubito, & quidem cum dignitate, & emolumento non exiguo. Omnibus aurem de rebus, ut evenerint, te continuo certiores faciam. Nihil vero esse, scito, quod vehementius cupiam, quam tuum ad Urbem reditum, ut propiores simus, & crebrioribus litteris inter nos, ut amicitia nostra postulat, agamus. Theodorum, ac Manfredum bene valere gaudeo, quos a me salvos esse jubeas velim. Vale.

II.

BARTHOLOMAEUS FACIUS POGGIO VIRO
ELOQUENTISSIMO SALUTEM.

QUum jamdiu cogitarem aliquid ad te scribere, quo tecum amicitiam constituerem, oblata est mihi opportunitas. Jacobus enim Curlius homo disertissimus, & mihi conjunctissimus modo a te rediens nuntiavit mihi cupere te, ut aliquid ad te scribam, vel si id malim, te prius ad me scripturum. Credo ob eam causam, quod multa, ut est hominis consuetudo in extollendis amicis, in laudem meam dixerit. In quo etsi scio eum modum excessisse, tamen non indignor. Quo enim doctiorem me putabis, eo magis me diliges scio. Ego, Poggi optime, atque humanissime, etsi facilius mihi esse duco respondere, quam ad scribendum provocare quemquam, tamen quoniam meum esse officium puto a me prius ad te litteras dari, nolui expectare litteras tuas, etsi nonnihil vereor, ne expectationi, quam tibi de me concitaverint Jacobi verba, non satis respondeam. Diligebam te antea tum propter multas alias virtutes tuas, tum vero propter summam, & exquisitam eloquentiam tuam, quae quidem tantam praefert facilitatem, atque elegantiam, ut tu in ea re videare omnibus aetatis nostrae hominibus anteire. Nihil enim oratione tua clarius, nihil tersius, nihil lenius, quod ex plerisque orationibus, atque epistolis tuis, & ex peregrinatione illa Indica a te nuper edita facile judicatur, tum ex Summi, atque Sanctissimi Pontificis no-

L

stri

stri egregio de te iudicio, a quo in summi honoris, & dignitatis gradum evectus es. Sed conspecta humanitate tua, qua me in amicitiam tuam suscipere haud indignatus es, amare te coepi. Factum etiam, ut quum antea cuperem Romam videre, nunc vehementius id cupiam tui videndi, & cognoscendi causa. Neque enim adeo delectarent monumenta illa rerum antiquarum, quamvis digna spectatu sint, quam tu ipse, in quo est tanta antiquitatis notitia. Sed non sinunt in praesentia res hujus inclyti, & excellentissimi Regis, quae mihi in manu sunt, nec meae voluntati morem geram, quod fiet, ubi negotium absolvero, si mihi vita contigerit. Volo enim propter amicitiam tuam, & per te Pontifici Maximo notus, carusque fieri, quod mihi persuadeo tua opera me facile, qua es humanitate, impetraturum. Interea vero mutuis litteris crebro una licebit esse si voles, daboque operam, ut propediem videas Dialogum meum, quem huic Regi dicavi, atque inscripsi, quod ut faciam hortatus est me ipse Jacobus, qui praeter quam quod ad te scribam, te ait expectare aliquod opus meum. Antonius de Mirero Cubicularius Pontificis (ad Dominum illum missurus sum) ejus videndi tibi copiam faciet. Sic enim ad se scribam. Mitam vero tibi Invektivas quatuor, quas nuper composui in Laurentium Vallam hominem arrogantem, tibi quē cognitum, qui ob id Romam venerat, ut a Pontifice in Ordinem tuum referretur, sed accepturum, quantum audio, pro meritis suis. Videbis praeter animi vitia, quam sit indoctus. Innumerabiles enim errores collegi ab eo commissos in quodam historiarum libro, quem Regi detulit jam super menses decem, quum tamen plures praetermiserim, quod ut agerem me impulerant ineptiae ejus, qui in omnes doctos homines, nec minus in mortuos, quam in vivos morbo quodam animi perulantisime

fime

lime invehitur. Sed hominis mores nosti. Scientiam propediem nosces. Paediam vero Cyri, quam te latinam effecisse, & Xenophonte eloquentissimo scriptore dignam ex Jacobo cognovi, mirum in modum videre peropto. Quam si alii Principi dicare fortasse in animo haberes, tuae humanitatis erit, nos quoque tanti fructus non expertes facere. Nam quam praeclara res sit, ex Ciceronis verbis conjecturam facio, qui scribit, ut scis, se illam totam legendo contrivisse. Sed hoc hactenus. Tu me, ut coepisti, fac diligas. Vale.

III.

BARTHOLOMAEUS FACIUS ANTONIOTTO
GRILLO CLARO VIRO S. D. P.

QUUM essem in expectatione litterarum tuarum, vel potius in admiratione quadam, quod mihi nihil tu scriberes, reddidit mihi litteras a te Jacobus noster, quae quo expectationes fuerunt, eo gratiores, & jocundiores extiterunt. Sunt enim tum sententiarum gravitate, tum verborum ornatu, & dignitate perquam luculentae. Attulisti praeterea multas non leves causas tui erga me amoris quae utinam tam in me convenirent, quam illae a te humanissime, & amicissime commemoratae, & perscriptae sunt. Aliquanto & ingepii tui proficisci cognoscerem. Sed quis ego sum, aut quae est in me facultas, ut mea tibi amicitia tantopere expetenda fuerit, quum in te alia, & ea quidem illustria sint, quibus a me non diligendus modo, sed etiam amandus sis, morum scilicet suavitas, mansuetudo ani-
L. 2 mi,

mi, generositas, liberalitas, amor in litteratos, vel litterarum amatores, quibus non solum ornamento, & decori es, sed etiam te utilem praebes, & opitularis, quibus potes. Mihi vero est adeo gratus tuus in me amor, ut nihil habeam, quod praefendum putem. Quin etiam si a te amando vincar, victoriam tuam non moleste feram, quamquam is sim, qui numquam pati potui, ut quisquam me hac in parte superaret. Quod vero certare mecum litteris non recusas, scito te mihi nihil jocundius praestare posse, quam si crebro ad me scripseris, ut postquam te videre non possum, tuas saltem litteras saepe videam, & erit tibi haec concertatio non inutilis. Multum enim confert, ut scis, utilitatis concertatio, frequensque scribendi usus. Quin etiam si me viceris, gaudebo, & patriae nostrae congratulabor, quod talem adolescentem mox in clarissimum virum, evasurum sortita sit. Sed haec haecenus. Scripseram tibi de Cornuto, quoniam audieram ex Jacobo nostro tui studiosissimo te illum habere. Ipse enim est ratus illum Cornutum, quem tu scribis, esse barbarum quemdam Cornutum elegantem. Et sane mirabar illum penes te esse, & me id nescire, praesertim quum diligentissime non perquisierim modo, sed indagaverim, & pervestigaverim, quum Genuae eram, num ullus in tota urbe esset, & nullum esse comperi. Itaque tibi pro tua tam benefica, & mihi gratificandi cupida voluntate, si id nostrae patitur amicitia, gratias ago, nec verum est, quod illum barbarum ad me mittere velim. Ejusmodi enim barbariem semper odivi, & abhorruì, & barbaris hominibus tractandam reliqui. Vererer, ut illam attingerem; ne contagione ejus fierem barbarus. Cum Jacobo vero homine cultissimo scito me ita conjuncte, atque amantè, ut cum fratre, vivere, a quo velim scias te adeo diligi, ut neminem omnium suorum a se tibi in amore praesertim praeferrì putem. Vale.

IV

HIERONYMUS GUARINUS UTI SUO FRATRI
AMANTISSIMO BARTHOLOMAEO FACIO.

V

Scripsi ad te superioribus diebus, quum Episcopus Mutinensis hic esset, in tuarum responsionem, quas ad me Ferrariam dederas. Sed quum nihil ad ea rescribas, quae propter tuarum responsionem inscripseram, cogito te minime litteras ipsas accepisse. Ideo ne illae in aliorum cognitionem perveniant, gratissimum mihi feceris admodum, si exquisitis, ac pervestigatis omnibus illis banchis illas reperies, ac plures, quas ad Episcopum dederam, quibus perlectis vel Veneris dona marito, vel De tua meis in rebus diligentia tibi plurimas habeo gratias, & si quando eveniet occasio, tibi referam. Nihil enim, si unus ex ipsis fratribus tuis, vel si ipse eodem ventre, quo ego, genitus fores, amplius . . . , & commodum valuisset. Tuo pro arbitrio utitor, ubi . . . pares officio tuo vices reddidero. Id accidet duabus de causis . . . & quod altius tibi viget ingenium, prudentia . . . Accepi litteras, quibus scripsit ad kalendas Julias redditum esse sibi opusculum tuum cum litteris ob ipsius delatoris nefcio an diligentiam, an ignaviam appellem. Ipsius pariter haec clausula est: Libellum ipsum magna ex parte transcurri summa cum voluptate ob ipsius auctoris facundiam, & copiam disputationis. Disseminabo eum. Magister Hieronymus Castellus illum habere ardet. Ille autem Hieronymus Castellus physicus est vir graece, & la-

& latine eruditissimus. Te oro, mi Faci, ut saepius ad me scribas, quoniam singularem ex litteris tuis laetitia accipio cum & egregiam eruditionem, tum singularem in me benevolentiam nuntiantibus. Vale, & me quod facis, ama.

V.

BARTHOLOMAEUS FACIUS HIERONYMO
GUARINO FRATRI SUAVISSIMO
S. D. PLURIMAM.

Magnam mihi voluptatem acule runt litterae tuae, quas mihi huius ceteris Angelus a te reddidit, & eo maiorem, quod diu in earum expectatione fui. Vehementer enim scire cupiebam ubi esses, quid ageres. Nam ut scias, litterae illae, quas scribis te misisse colligatas cum litteris ad Episcopum Mutinensem, ad me non pervenerunt, nec scire potui, in cuius manus pervenerint. Tu reminisce, cui illas commiseris, & cui eas credi iusseris. Ubi sis intellexi ex litteris tuis. Sed quis sit rerum tuarum status scire non potui, nisi quantum scribis te esse apud Reverendum Patrem Vicecancellarium Pontificis. Credo enim te apud eum Secretarii tenere locum. Id tamen sciam libens per litteras tuas, & an locus iste optatis tuis respondeat. Gaudeo vero me satisfecisse voluntati tuae in his, quae mihi mandatae veras. Sed scito omnem gratiarum actionem tuam apud me supervacaneam esse. Ego enim propter paternis in me beneficiis illis quidem maximis, & immortalibus, proque tua in me pietate mihi perspecta, &

co-

cognita tantum tibi debere me sentio, quantum ipse
 persolvere nullis officiis possem. Sed hoc hæcenus. Quod
 Dialogus meus de vitæ felicitate patri tuo optimo, ac
 gravissimo viro probetur, omnibus doctissimis viris pro-
 bari spero. Sed miror nimis Roberti Storgæ negligenti-
 am in eo patri ostendendo, & litteris meis reddendis,
 præsertim quum promiserit, se cum, ut primum Ferra-
 riam pervenisset, patri ostensurum. Sed fortasse fuit
 foris, nec fuit id potestatis suæ. Placuit videte clau-
 sulam illam, quæ mentionem facit de opusculo ipso pa-
 ter, etsi scio multum amori tribui, fructusque suos
 sibi suaviores videri. Quod rogas ad te sæpe scribam,
 id faciam, nec ad me unquam frustra scribes. Ego
 enim non minorem ex litteris tuis, quam tu ex meis,
 profunditatem capio. Mittam vero tibi propediem, ut
 spero, Invektivas quasdam, quas nupem confeci in illum
 insanum Laurentium Vallam, qui patris mei auctorita-
 tem aspernatur, ac pro nulla habet, in cujus libro de
 rebus gestis Regis Ferdinandi patris Divi Alphonsi plu-
 ra profecto vitia reperi, quam enumerare quisquam pos-
 sit. Omnes sibi inimicos esse vult, cum omnibus pugnat.
 Sed spero ejus ignorantiam, quæ adhuc latuit, detege-
 re. Tu vale, meque ama, & quum ad eum scribis, me
 fac diligentissime commendes, meque ab eo litteras ex-
 pectare significes. Ex Roma.

VI

BARTHOLOMAEUS FACIUS FRANCISCO
RAIMO VIRO SPECTATISSIMO S.

R Eddita^{ae} sunt mihi nuperrime literae tuae, quarum desiderium, & expectatio, me diu tenuit, & verebar. interdum, ne tuae serae responsionis causa esset tabellionum perfidia, quibus literae meae commissae fuerant. Nec tamen me multum fefellit suspicio mea. Nam e binis, quas ad te diversis diebus misi, non intelligo per litteras tuas, nisi alteras tandem ad te allatas esse. Nam & per hospitem tuum Bailearem primo ad te scripsi, nec multo post per tabellarium. Sed satis habeo, si modo alterae ad te delatae sint, quae tibi argumento fuerunt perseverantiae mei erga te amoris. Itaque scias hasce tuas tantum mihi jocunditatis attulisse, quantum cae solent, quae diu optatae sunt. Nihil enim jocundius esse potuit commemoratione illius nostrae diuturnae consuetudinis Puteolanae, & versificationis suavissimae, qua stans pede in uno plusquam quingentos versus interdum effingebas praesente Jacobo Curlo nostro viro claro, & tui observantissimo. Nihil praeterea dulcius significatione tui erga me amoris, etsi mihi erat perspektissimus, & luce meridiana, ut dici solet, clarior. Is enim mihi in meis rebus, in quibus de honore, & de utilitate mea agebatur, experimento notus erat. Sed cupio & per litteras tuas attestatam esse tuam erga me benevolentiam, & caritatem, ac praeterea tuum de me iudicium apud eos, qui nesciunt, quantum me ames, quantique me facias. Incredibile est enim quanti
exi.

existimem tanti viri amorem, quia intelligo propter opinionem, quam de tua virtute, atque singulari iudicio homines susceperunt, maximo decori mihi esse amicitiam tuam. Nam qui in clarissimorum hominum, ac Principum gratia conquiescit, is certe probatus, & spectatus haberi solet. Quapropter scito nihil esse mihi tua in me caritate suavius, nihil ejus rei significatione optabilius. Facile vero patior te in laudandis operibus, & moribus meis nimium esse, quod his litteris effecisti, quibus tantum mihi tribuis, quantum cuivis eruditissimo, & praestantissimo viro aetatis nostrae tribui liceat. Scio enim, quid sit amor, & quas vires amicitia habeat, & quam semper in majus se efferat, si quid in animo boni eluceat. Sed laudes de me tuas non tam benefici testimonium, quam ut ad benefaciendum incitamentum accipio, & quasi necessitatem quamdam ad ea meditanda, agendaque, quae mihi honorem, & laudem parere valeant, in quo medius-fidius jeci omnes curas, & cogitationes meas. Nam quod me hortaris, ut prosequar opus tua diligentia incoeptum, facis amice, & pro officio. Tuarum enim partium videtur esse, quem ad incipiendum opus incitasti; eundem ad perficiendum adhortari. Ego enim etsi fueram mea sponte facturus, tuo tamen hortatu id ipsum faciam nonnihil obnixius, ne quid de me mentitus esse videar. Nec me labor ullus deterrebit. Atque utinam dignus evadat labor meae opinionis tuae, & Regis gloria! Sed si in ea re expectationi tuae, fortasse, & Principis satisfacere non potueris, rerum gestarum magnitudo, & dignitas me tuebitur. Cujus enim Regis res gestae totq; Orbe patet, qui Johanne Reginam obsidione liberavit, Massiliam cepit, Mauritanum Regem proelio fudit, Neapolitanum Regnum subegit. Haec pro dignitate litteris mandare, & ornare non mediocris profectio est ingenii, atque do-

Strinae. Contendam tamen, ne & ego temere rem tantam suscepisse, & tu inconsulto tantum pondus humeris meis injecisse videaris, maxime quod te habiturus sum mearum laudum praeconem, qui & summi iudicii, atque auctoritatis sis, atque amantissimus mei. Sed de his satis sit dictum. Invektivas in Vallam transcribi curabo, ut primum potuero. Sunt enim confectae, & mittam etiam ad te cum his fortasse Dialogum *de vitae felicitate*, ne rerum mearum expertus sis. Jacobus Curlus victus suorum precibus venit huc nuper ad Regem, & adhuc non abiit. Gratissime habuit, quae de se scripsisti, tuaeque humanitati gratias agit, seque commendat vehementer, atque offert in omnia, quae possit. Quod reliquum est, te rogo, ut Bartholomaei tui memoriam perpetuo conserves, quando apud te nulla intermissio recordationis de te sit. Vale vir integerrime Valentinorum decus. Ex Neapoli.

VII.

FRANCISCUS BARBARUS BARTHOLOMAEO
FACIO S.

CL. Vir Antonius Panormita Legatus Alphonſi Regis ad inclitum Senatum nostrum, quum de studiis humanitatis, & doctrinae pro nostra consuetudine loqueremur, significavit mihi curam tibi publice datam esse scribendi vi-ram illius Regis, qui per se tam illustris est domi, & foris, pace, belloque, ut tibi merito gratulandum sit extra ordinem eam tibi causam oblatam esse, in qua nemini deesse oratio possit. Nam quum ingenio excellas, & ut audio, facultate, & copia ad veterum Scri-
pto-

ptorum laudem proxime accedas, gratulor tibi, vereque gratulor te designatum esse ad ornandum excellentissimum Regem, qui suis institutis, & artibus, & gloria rerum gestarum non se ipsum solum, sed etiam scriptores rerum suarum illustrare possit ad memoriam posteritatis. Quam amplum, & honorificum fuerit artificibus illis Alexandri Macedonis decretum satis constat, quum ab Apelle se potissimum pingi, a Lysippo fingi, a Pyrgotele ex aere duci iussit, tum quia illorum artem etiam sibi gloriae fore declaravit, tum quia neminem ejus imaginem pro dignitate exprimere posse censuit, nisi qui tantum in illo genere profecisset, ut alios omnes sine ulla dubitatione superaret. Quare tibi non minus gloriari licet, qui tanti Principis judicio, & testimonio non corporis simulacrum, ut illi, sed effigiem animi, & consilii sui, ac virtutis dignus habitus es, ut ita dicam, consecrare memoriae sempiternae. Aristoteles Philosophus, ut nosti, Protogeni suavit, ut Alexandrum Magnum pingeret, si commemorationem sui nominis cum omni posteritate adaequandam esse judicaret. Quapropter quum ultra decora, ac insignia regia fere omnia in Alphonso plena sint laudis, & gloriae, nullum prope honorificentius tibi scribendi argumentum proponi potuisset, in quo ornando, ac amplificando, sicut Phidias in Minerva, nomen tuum apud posteros commendares. Ceterum quia Rex ipse quodammodo decus esse videtur seculi nostri pro suis meritis, & pro studiis litterarum, quae sunt apud eum in magno honore, & magna auctoritate, quantum licet, & integrum est, laudi suae favendum puto. Ideoque te hortor, ut non sicut Apelles Veneris caput summa arte perfectum, reliquam autem partem corporis, sicut scriptum est, inchoatam reliquit, sed ita mores illius Principis, & actiones explices, sic casus adversos cum secundis rebus conjungas, ut rerum

varietates, vicissitudinesque fortunae non tam delectare, quam docere nos possint res humanas mille casibus subiectas esse. Nec parum profecisse te putes, si statua, haec litteraria, ut ita loquar, togata, & militaris eleganter scriptis illustretur, ac celebretur tuis, quae ad laetitiam animi, & ad memoriae dignitatem tantum, habet in se splendoris, ut fere nulla honoris insignia, nulla monumenta virtutis sibi conferri possint. Illa enim nulla obscuratura est oblivio: haec autem postrema interire possunt tempestate, vi, vetustate. Quae quum ita sint, nihil praetermittendum est diligentia, ut dicendo immortalitatem quodammodo dare, & accipere posses videaris. Ad quam rem recte, & ordine perficiendam maturandum, non festinandum est, quia, ut Octavii Caesaris verbis utar, *non fit sero, quod fit bene*. Zeuxis quoque pictor ille nobilissimus, ut dicere solebat, licet in multo tempore pingeret, nunquam se tarde pingere putabat, quando summa arte faciebat opera, quae semper esse duratura judicaret. Plura forte scripsi, quam debui. Sed ea in bonam partem accipies, quia licet nulla inter nos familiaritas intercedat, haec tamen gratulatio historiae tuae testis erit sententiae nostrae, & meae erga te voluntaris. Vale, & ad illustrandum Alphonsum Regem non alios solum, sed etiam te ipsum vince. Venetiis XV. Kal. Septemb. 1451.

VIII.

BARTHOLOMAEUS FACIUS FRANCISCO
BARBARO VIRO PRAECLARISSIMO S.

Multa sunt Antonii Panormitae in me officia mihi quidem gratissima, & acceptissima, sed nullum profecto jucundius, quam quod is Venetiis rediens tuam mihi amicitiam reportavit, quae mihi quidem erat optatissima. Nam quum singularem eruditionem, atque eloquentiam cum summa probitate conjunctam tum ex multorum sermonibus, tum ex scriptis tuis illustribus, quae cum tua summa gloria non per Italiam modo, verum etiam per omnem Terrarum Orbem circumferuntur, & lectitantur, in te inesse jamdiu accepissem, vehementer profecto cupiebam aliquam mihi opportunitatem dari conciliandae mihi benevolentiae, & amicitiae tuae. Nosti enim in rebus humanis nullam rem aequae, atque virtutem amabilem esse, nullam quae magis hominum mentes ad diligendum moveat, atque impellat. Sed sane quamvis nulla esset inter nos amicitia, te tamen diligebam, tuoque nomini, & gloriae in omni sermone meo saepebam, laetabarque quotiens de tuis laudibus quicquam audiebam Italiae, meae congratulans, quod tales viros tam eruditos, tam disertos hac mea tempestate Dei benignitate peperisset. Dices fortasse: cur non me prior in amicitiam per litteras tuas provocabas? Certe id saepe agredi volui, sed tenuit me pudor quidam meus paene subrusticus. Veritus sum ego adolescentior hominem senem summa gravitate, auctoritate, & gloria praeditum provocare. Itaque & Panormitae gratias habeo

beo, qui amicitiae meae fundamenta jecit, & tibi, qui quasi praecurrens me officio antevertisti, tibiue illud decus polliceor, quod unum & polliceri, & praestare possum, ut nullo unquam tempore tuo honori, dignitati, & gloriae defuturus sim. Ceterum vereor, ne multo plus de me tibi persuaseris ex Antonii sermone, qui in amicorum laudes solet esse profusior, quam praestare ipse valeam. Quod si contigerit, non mihi vitio, sed ejus in me amoris assignabis. Is enim, ut multum me amat nescio qua de me opinione, quod putet se aliquid in me videre, & agnoscere, quod ipse nec video, nec agnosco, ita in omni ejus sermone me multum extollit, & praedicat. Quod mihi ob id gratularis, quia mihi datum sit negotium scribendi res ab Alphonso Rege gestas, quoniam illum exornans me ipsum exornem, ejusque nomen immortalitati commendans nomen meum immortale redditurus sim, facis amice. Fateor quidem id, quod ipse scribis, Apelli, Lysippo, Pyrgoteli, atque Protogeni summis artificibus magno honori fuisse, quod Alexandrum illum Magnum eorum operibus posteritati notum fecerint, nec mihi proponi potuisse materiam, in qua mihi minus deesse possit oratio. Nec praeterea sum nescius Q. Curtium non minus fere nobilitatum esse, quod Alexandri res gestas litteris mandaverit, quam ipsum Alexandrum, quod illius scriptis commendatus, ac celebratus fuerit, nec minus Livium Populi Romani rerum gestarum descriptione, quam Populum Romanum ejus viri laboribus, & praeconiis, summaque eloquentia illustratum esse. Ceterum hi tantum in sua quisque arte, & facultate praestiterunt, ut nihil his de alieno judicio timendum videatur. Tantam enim in eo genere auctoritatem consecuti erant propter alia multa, quae prius ediderant, ut eorum opera in medi-

dium proferre dubitare non possent. Sed quum rei mihi injectae pondus, quum historiae dignitatem, majestatemque animadverto, fit, ut multorum virorum, quos eruditissimos haec aetas tulit, judicia pertimescam. Nec enim opus meum hujusmodi esse agnosco, ut qualiter Minerva illa Phidiae in arce, ut dicit Cicero, poni possit, quoque magis rerum gestarum magnitudinem animadverto hujus inclyti Regis, hoc magis magisque, ne tanto muneri non satisfaciam, metuo, quamquam gravissimum Antonii judicium aliquam partem hujus timiditatis meae mihi adimit, qui me hortatus est, ut ipsum in lucem proferam. Quod scio pro ejus in me amore haud mihi suavisset, si mihi dedecori fore ejus editionem existimasset. Ego tamen, quod haecenus feci, conari posthac non desinam, quantum ingenii vires suppeditabunt, Regem hunc de me optime meritum aeternitati consecrare. In quo si fortasse defecero, non sibi voluntatem meam, sed ingenii vim potius defuisse testabor. Quod si quis est, qui se haec elegantius litteris mandare posse confidat, hanc mihi saltem habere debebit gratiam, quod sibi iter, ut ajunt, per quod ei eundum sit, patefecerim. Sed quoniam videris putare Regis vitam a me scribi, meque ob id hortaris, ne tantum vitam, & mores ejus, sed multo magis facta conscribam, nec faciam, sicut Appelles ille, qui Veneris caput, reliqua corporis parte praetermissa, summa arte pinxit, scito me non vitam ejus, sed res a se gestas scribere proposuisse. Ubi tamen incidunt aliqua de ejus laudibus, eos locos exornare, ac amplificare studeo. Vita vero, & laudatio quasi duo genera a rerum gestarum narratione separata, sint vel alterius nominis, vel certe alterius temporis. Quod autem in postrema epistolae tuae parte benevolo, & paterno animo me hortaris, ne festinem ad op-

operis editionem, sapienter mones. Sed ita tempora tulere, ut mihi integrum non fuerit, quod mihi ipse proposueram. Sciebam quidem festinationem improvidam esse, & coecam, ut inquit apud Livium Fabius, & Horatium praecepisse, ut opus nonum in annum prematur. Sed non potui mihi obtemperare. Itaque libros septem jam edidi, quibus continentur, quae Rex gessit a primo ejus in Italiam adventu usque ad eum diem, quo triumphum egit. Nunc bellum Picenum in manu est. Post Florentinum aggrediar. Quae vellem posses videre, quoniam ipse ut Regis laudum cupidissimus per litteras tuas mihi es visus, quas alioquin, Regi ostendam, ut intelligat, quantum is tibi debeat, quantumque ab eo amandus sis, a quo tantis laudibus afficiatur. Vale, meque tuum habe, atque ab Antonio meo tui amantissimo salve. Ex Neapoli 26. Septembris 1451.

IX.

POGGIUS P. S. D. BARTHOLOMAEO
FACIO V. CL.

Fecisti perhumaniter, atque optime, mi Bartholomae, qui me ad scribendum tuis suavissimis litteris provocasti. Ego enim jam sive aetatis vitio, sive occupationibus, quae vel paucae, vel leves plusquam antea sunt molestae, factus sum in scribendo remissior. Accedit, quod munus officii mei totum in scribendi cura versatur. Quo fit, ut fastidiosior solito is labor aliquando mihi videatur, ut non tantum non provocem litteris, ut sole-

solebam, alios, sed vix jam respondeam provocatus. Sed tua epistola ea humanitate & benivolentiae significatione scripta est, ut quemvis ignavum, & etiam somnolentum ad responsionem excitare posse videatur. Ago gratias Jacobo nostro, qui mihi talem amicum sua diligentia comparavit. Nam de eloquentia, & doctrina tua jam non amplius testimonium Jacobi requirendum est, quum tuae litterae sint testis copiosissimus parum illud pro hominis dignitate, ac meritis dixisse. Non adulandi causa loquor, nam absuit a me longissime semper id vitii genus, sed tui adhortandi ad eum cursum, quem coepisti, quum videam tantum in eo te profecisse, ut vel paucos, vel neminem auderem excipere, qui tibi essent eloquentia, & scribendi suavitate comparandi. Sed paucis haec scribenda sunt, ut omnis assentandi suspicio absit. De me id tantum dicam. Conatus sum imitari eos, licet longo sequar intervallo, qui dicendi laudem meruerint. Qua in re si quid profeci, gaudeo non omnino operam, & impensam perisse. Video te cupere Urbem visere, & certe nisi incoeptum opus, ut ais, impediret, hortarer te ad inspiciendas reliquias ejus urbis, quae quondam Orbis lumen praeclarissimum fuit. Equidem quamvis in ea jam pluribus annis ab ipsa juventute fuerim versatus, tamen quotidie tamquam novus incolae tantarum rerum admiratione obstupesco, recreoque persaepe animum visu eorum aedificiorum, quae stulti propter ingenii imbecillitatem a Dae-monibus facta dicunt. Ceterum omnia in tempore agenda sunt. Dialogum tuum, expecto summa cum aviditate, & item Insectorum libros in eum, quem nominasti, de quo tantum dicam, duas res verba scilicet, & scripta esse mentis interpretes, quae animum nostrum designent, quae quoniam palam sunt, facile iudicium suum audientibus, & legentibus praebent. Cyrum Xenophon-

mub

N

phon-

phontis absolvi, quem cui dedicem, incertus sum. Multi enim multa suadent, prout quemque animi affectio trahit. Ceterum Rex tuus litteris deditus est prae ceteris Regibus Orbis, & in talem Regem hic liber, ubi agitur de institutione iusti Principis, optime quadraret. Locutus sum cum Jacobo circa eam rem quaedam, ad quae se responsurum pollicitus est. Verum, quod satis miror, nil scripsit, ut adhuc pendeam animo, quid sim acturus. Utcumque tamen liber edetur, inprimis ad vos veniet. Cicero id opus laudat, sed ab eo tractum ad Latinos nondum apud nostros legi. Tu autem, ubi id repereris, scribes ad me velim. Scio, & testis est inter ceteros Beatus Hieronymus, Ciceronem lusisse in Oeconomico Xenophontis, quem librum latinum fecit in adolescentia. Paediam vero ab eo traductam non memini me legisse. De me autem tibi polliceor me tuum esse penitus, cuius vel opera, vel diligentia utaris arbitrio tuo. Id certe agam, ut existimes me a nemine vinci in amoris officio, aut benivolentiae. Vale, & me ama.

X.

POGGIUS P. S. D. BARTHOLOMAEO
FACIO V. CL.

Scribis in epistola, quae mihi nudiustertius red-
dita est, aeternas jam post Nicolai Pontificis as-
sumptionem litteras ad me dedisse. Ego unicas
tantum habui, quibus e vestigio respondi. Si
vero saepius ad te non scripsi, tribuas occupa-
tionibus meis & privatis, & publicis, quae me admo-
dum

dum distrahunt, & ut plurimum in scribendo consumuntur. Laudas multis verbis Xenophontem meum, quem ad manus tuas, Antoniique nostri viri excellentissimi dicis pervenisse. Est mihi gratum probari opus a vobis praesertim doctissimis viris: sed vereor, ne vester in me amor librum efficiat gratiorem. Scis enim quae ab amico proficiuntur, speciosiora videri solere. Sed praeclarus est auctor, qui, ut scribit Cicero noster, librum suum edidit non ad veritatem historiae, sed ad normam iusti Imperii. Est enim in Xenophonte institutus Rex, qualis nunquam fuit, quemadmodum sapiens Stoicorum, qui adhuc nusquam est repertus. Si tamen traductio placet vobis, est, ut sperem ab reliquis non reprobari. Quod vero scribis detractum esse operi apud Regem, intelligo quos designes. Sed omnis ea mea est culpa, qui librum in ejus nomen edidi, qui in eo judicando magis aliorum, quam suo judicio staret. Fama hominum me decepit extollentium illius Principis doctrinam. At, ut video, in probandis ingeniis non sua, sed ceterorum sententia, & vocibus, quod imperito cuique accidit, movetur. Nullum est in eo bonorum, aut malorum, ut video, discrimen. Ad ostentationem quaedam facit, quibus videatur doctis viris favere. Sed ego librum edidi, quem non indocti, rudes, improbi, perniciosi, sed ingenio, doctrina, virtute praediti judicarent. Horum ego sententiam magni existimo: aliorum, qui vitam funestam, flagitiosam, turpem ducunt, licet sibi docti videantur, verba crepitibus asinorum similia esse arbitror ducenda. Verum sentiant omnes, ut libet: ego quod potui expressi in communem utilitatem. Si quibus id non satisfacit, ipsi edant meliora, neque lastrando, ut inermes camiculi, tempus absument. Mihi tamen credas velim, si res mihi esset integra; virum deligerem, qui stultorum vocibus minime moveretur. At ego in eo, quod po-

terò, mihi ipsi prospiciam, ostendamque, si vixero, me magis aliorum ductus erroribus, quam ex animi sententia non recte sensisse. Quod de Antonio nostro Panormita asseris mihi esse amicissimum, id quidem jamdudum perspectum est mihi. Sensi enim semper me, ab eo amari, & ego illum ut virum nostrae aetatis doctissimum semper observavi, quem verbis meis salutes oro. Vale, & me ama. Romae die XVIII. Novembris.

XI.

POGGIUS PL. SAL. DICIT BARTHOLOMAEO
FACIO V. CL.

DElectarunt me mirum in modum litterae, quas pridem a te accepi summa cum gravitate & verborum, & sententiarum scriptas. Id vero mihi jocundissimum fuit, quod quotidie magis perspicio amorem in me tuum, quem ego tanti facio, ut illum omnium principantium benivolentiae judicem esse praefendum. Disputas ferendam, contemnendamque esse stultitiam nonnullorum, quorum opera maxime consumitur in detrahendo, & recte quidem sentis. Sed Principum non solum ferenda, sed declinanda est, quam sit perniciosior, & majori damno conjuncta. Nihil est stultitiae mihi crede, perversius, quae omne rectum judicium admittit, & ubi potestati conjuncta est, in omne facinus erumpit. Sed ego ceteris stultior meo merito judicari possum, qui parum providens fui in deligendo homine, qui stultorum vocibus magis, quam veri testimonio moveretur. Ramor, & mulorum verba, qui videbantur sapere;
me

me impulerunt, ut eorum voluntatem praeferebam opinioni meae. Gaudeo tamen mea conscientia, & recte fecisse magna consolatio est. Fero apud doctos ingenii, & laboris satis egregium proemium, quum suis laudibus ornant opus nostrum. Si rudes, atque ignari illiberales sunt, haudquaquam mirum videri debet. Non est enim cujusque recte sapere, nec virtus, aut scientia sequitur domicilia potentiorum. Tibi quid sperandum sit vides edoctus exemplo meo. Pessima res est ingratitude, & omnium vitiorum altrix, neque ulla in eo virtus esse potest, in quo id vitium regnet. Itaque si vixero, utemur palinodia, quum tempus erit. Vale, & me, ut facis, ama. Romae III. Kal. Martias.

XII.

POGGIUS PL. SAL. D. BARTHOLOMAEO
FACIO V. CL.

Non scripsi ad te posteaquam relicta Romana Curia in patriam redii, propterea quod & id temporum conditio prohibebat, & nihil interim acciderat in rebus meis, quod postularet officium litterarum. Nunc vero mutatis in melius rebus quum liberior adsit te litteris provocandi facultas memor necessitudinis nostrae, tuaeque, pristinae in me benivolentiae apprehendi occasionem, quae se obtulit ad te scribendi. Scripsi Serenissimo Regi Aragonum epistolam; in qua laudo summam ejus in constituenda Italiae pace sapientiam, atque exhortor ad capefscendam maritimam expeditionem contra Teucrum Fidei nostrae hostem perniciosissimum. Hanc epistolam

stolam (nam ejus exemplar ad te mitto) communices velim cum viro praestantissimo Joanne Panormita , & si vobis videbitur digna , quae Regi detur legenda , capta temporis opportunitate , quae maxime in rebus omnibus observanda est , eam suae Serenitati meo nomine tradas , & quo animo illam accipiat , ac legat , quidve de illa sentiat , ad me perferibas , & simul addas judicium tuum , quod facio plurimi , quum sciam illud ab optimo animo , & ex veritate profecturum . Vale , & quid agas , quid speres de futuris me facias certiozem . Erunt mihi tuae litterae , prout nostra amicitia postulat , admodum gratæ . Commenda me Regiae Majestati . Florentiae die secundo Martii..

XIII.

BARTHOLOMAEUS FACIUS.
POGGIO SAL. DICIT.

G Ratissima mihi fuit epistola tua , in qua primum commemoratio illa amicitiae nostrae valde me delectavit . Ego enim tuum in me amorem non modo maxime facio , sed & omnibus notum esse percipio . Quapropter non dolere non possum me tamdiu tuarum litterarum fructu amoris tui erga me testium privatum esse . Simul laetor nunc pacis beneficio eam nobis facultatem redditam esse , ut scilicet mutuis litteris inter nos uti possimus , quam nobis bellum eripuerat . Tu vero magis a me desiderari scito litteras tuas , quo longius a nobis nunc abes . Nam quam adhuc Romae eras , videbar mihi tecum una esse propter frequentes , ac prope

pe quodidianos de te nuntios. Laudo vero, ac probò consiliū tuū, quī in patriā tamquam in portū te receperis, ubi senectutem tuā, & reliquā aetatem quiescere, ac placide agas, gratulorque felicitati tuæ, quī inter tuos tam honestū, tam utilem locū sis consecutus. Accepi simul cum litteris tuis epistolā, quam Regi scribis. Sed exemplar ejus, quod a te mitti simul scribis, non accepi, quod oblivione factum putō. Et quoniam jubebas exemplar legeremus Antonius, & ego, antequam epistola redderetur, etsi epistolā tuā talem esse non dubitamus, quæ posset doctissimis viris probari, illam solvimus, ac legimus. Deinde exscribi pulcherrimis litteris curavimus. Ita enim visum est Antonio gloriæ tuæ cupidissimo, ut illam Rex si legere ipse vellet. Itaque exscriptam manu Jacobi Curuli in membranīs ad Regem detulimus una cum Matthæo Malferito, quia Rex forte eo die aucupatum ierat in proximas paludes, quī ut agnovit quid ad se afferremus, confestim, ut eam recitarem, jussit. Legi, ac pronuntiavi eam in magno cœtu summorum virorum clara voce a capite ad calcem tanta Regis attentione, ut nec oculos unquam a me recitante dimoverit, nec ab aucupibus, qui apparere nescio quas aves clamitabant, quamvis ejusmodi re præter modum delectetur, ut seīs, distrahi potuerit. Admirabatur inter audiendum, quantum potui aliquando animadvertere, locos, quos ad gloriā optimos excogitasti, & tuā illam tum rerum, tum verborum admirabilem copiam variis exornationibus quasi luminibus distinctam. Postquam finem recitandi feci, laudavit eam mirum in modum, ac deferri in Bibliothecam, jussit, tibi que gratias pro ea re agi. Omnes quoque, qui adfuere, ipsam mirifice laudaverunt. Nos quoque ipsi nonnihil adjecimus. Ut autem sententiā nostrā pau-

paucis agnoscas, siue in commendanda pace Italica, siue in exhortando Rege in expeditionem aduersus Teucros suscipiendam nihil omnino a te praetermissum putamus. Quod scire cupis, quid sperem his de rebus; ego quidem Regem omnia facturum puto, quae possit aduersus hunc Christiani generis perniciosissimum hostem, & prospere cessura omnia, si ceteri Principes, ac Reges Christiani in id consentiant potissimum nunc, quum Pontifex novus paratissimo animo in id bellum esse perhibeatur. Unum tamen vereor, ne sero apparatus fiant, quoniam non nisi sero esse possunt. Quod autem scire expetis de rebus meis, scito decimum librum rerum a Rege gestarum mihi nunc in manu esse, qui liber omnia continebit, quae usque in hanc diem ab eo facta vel per Duces suos administrata sunt, qui decimus liber huic operi modum imponit. Si suscipietur bellum hoc contra Teucros, in aliud volumen seorsum conferetur, ne modum magnitudo voluminis excedat. A Rege vero mecum perliberaliter agi scito. Ab Antonio nostro tui amantissimo salve, cui velim aliquid scribas. Sed vide, ne nomen ejus obliviscare. Nam pro Antonio Joannem nominasti, quod librarii errore factum scimus, cujus animus fortasse apud amicum erat. Vale ex Neapoli die XIII. Aprilis 1455. Janotio Manetto, ac Franco Sacchetto viris clarissimis me commendato.

XIV.

POGGIUS PL. SAL. D. BARTHOLOMAEO
FACIO V. CL.

M Agnam pluribus de causis voluptatem percepi ex tuis suavissimis litteris, quibus respondes ad eam epistolam, quam una cum litteris Regiis ad te destinaram. Gratum mihi fuit, quamquam nullo modo id dubitaram, tuam erga me pristinam benivolentiam recognoscere. Inciderat enim tempus, ut intermissione litterarum etiam amicorum conjunctio remissior videretur. Nunc reintegrata priori benivolentia, quae tamen nunquam intermissa fuit, gaudeo datam esse nobis facultatem multis invicem litteris colloquendi. Gratissimum vero est & vobis placuisse epistolam meam, & a tanto Rege laudatam, quod mihi summo honori esse puto. Est enim, ut scis, apud Ciceronem nostrum, eam veram existimari laudem, quae a laudatis profiscitur viris. Recte autem, & amice fecisti, qui exscribi epistolam curaveris, & ejus legendae onus susceperis. Scio enim eloquentiorem multo illam ex tuo ore visam, quam si alter legisset, de qua te tibi gratias ago, quas possim. Nam tua pronuntiatio rem ex se parvam reddidit audientibus ampliorem. Antonio nostro Panormitae, & item Matthaeo Malferito viris praestantissimis verbis meis salutem dicito. Diligo eorum propter eorum virtutem, & egregiam doctrinam, tum propter eorum erga me benivolentiam singularem. Scriberem ad te pluribus, & item litteras ad Panormitam darem, nisi cras rus essem profecturus, ubi

ubi paucos dies in visitandis meis praediolis commorabor. Sum enim deditior senectutis gratia rei rusticae, quam antea. Quum rediero, uberiores litteras ad vos scribam. Haec paucis dictavi, ne viderer tardior in respondendo, quam nostra amicitia requirat. Vale, & me, ut soles, ama.

XV.

BARTHOLOMAEUS FACIUS AENBAE
CARDINALI SENENSI S. P. D.

ET litteras meas, Reverendissime Pater, Dominationi tuae a Legato Senensi redditas, & congratulationem meam tibi gratam extitisse laetor, teque existimare magnae mihi voluptati fuisse dignitatis tuae ascensionem. Ego enim nullum meum in te officium sine magna reprehensione videor mihi posse praeterire. Tanta est enim tui erga me amoris magnitudo, ut quamvis maximam tibi optare, & amplitudini tuae servire debeam. Habere te multos existimo, qui dignitati tuae faveant, quique te in amplissimo statu cupiant. Sed certe non concedam, ut eorum quisquam tibi aut vehementius affectus, aut honoris tui cupidior sit. De quo plura ad te scribere vereor, ne dubitare videar animum in te, meum Dominationi tuae non satis exploratum esse. Pollicitationes tuas mihi gratissimas fuisse scito, praestitum quod eas ab optimo animo profectas scio, ac pro his Dominationi tuae gratias ago. Ubi opus fuerit, & opera tua libenter utar, & quid agi velim perscribam. Expectamus Regem brevi ex Apulia Beneventum jam

jam profectum. Ego ad urbem rediit, quamvis de re-
rum morum populi adhuc suspicio sit. Librum, quem
de Viris Illustribus scripsi, Regi dedicavi, hac tradidi;
in quo opere, ut aliquando videbis, si non quantum
virtutum tuarum magnitudo postulare, at quantum
ingenii mei parvitas potuit, quantumque res ipsa passi-
sa est, tibi a hac tributum cognosces. Si quid vero est,
quod a me agi Dominatio tua cupiat, jube. Vale pa-
ter Reverendissime, & Domine mihi praecipue. Ex
Neapoli.

XVI.

AENEAS CARDINALIS SENENSIS
BARTHOLOMAEO FACIO
GENUENSI S. P. D.

Jocundissimae fuerunt nobis litterae tuae, quibus
amicitiam inter nos Neapoli contractam ex tuo
latere affirmas inconcussam, solidamque perma-
nere. Idem tibi persuadeas volumus ex nostra
parte fieri. Neque enim nos sumus, qui more
adolescentulorum nunc amemus, nunc odio habeamus.
Non sumus in contrahenda benevolentia faciles. At ne-
que, postquam contracta est, illam leviter dissolvimus.
Dileximus te, postquam novimus quanti esses, neque
decepti sumus in eo, quod de te judicium fecimus.
Iraque par esset amorem erga te nostrum, dum vixe-
rimus, duraturum, quando & tua virtus te minime
reliktura est. Quod scribis in eo, quem *de Viris Illu-
stribus aevi nostri* composuisti, libro datum nobis esse lo-
cum, non meritis nostris, sed tuae caritati adscribi-
mus,

mus. Et in hoc quidem fateamur imbecillitatem nostram. Non tam inviti supra meritum laudamur, quam vituperamur. Ita enim natura comparatum est, ut nulli laus onerosa videatur. Nos eum librum, quum volueris, cupide videbimus; legemusque. Nunc, quod tibi aliud scribamus, nihil se offert. Cupimus Antonium Panormitam, & Marthacum Malsertum Jurisconsultum egregium, & si quando Candidum Oratorem praestabilem offenderis, nostro nomine salvos dicas. Carissimum quoque fuerit, si quando Majestati Regiae nos commendaveris, quam prae ceteris nostri saeculi Potestatibus & veneramur, & colimus. Ex Urbe Roma die XXV. Martii 1457.

F I N I S.



523830

523830



